

ლიტერატურული გაზეთი

№23(159) 11 - 24 დეკემბერი 2015

ბამოღის ორ კვირაში ერთხელ, პარასკეობით

ფასი 80 თეთრი

პოეზია

ეთერ თათარაიძე

IV-V

პროზა

ზაალ სამადაშვილი

II-III

ჩანაწერები

დავით წერედიანი

თემა და ვარიაციები

ოდესღაც სტატია დავწერე მოკლე მონაკვეთებად, „თემა და ვარიაციები“ დავარქვე. მართლაც, ერთსა და იმავე თემას ვუტრიალებდი სხვადასხვა კუთხითა თუ რაკურსით.

ჩანაწერებად მოიხსენიეს.

მეორედაც იგივე განმეორდა.

შემდეგ ჯერზე თემის ერთიანობისთვის უკვე აღარ მიზრუნია, შევატყვე, თავს სულ ამაოდ გავინვალებდი.

ასე ნაბიჯ-ნაბიჯ გავხდი ჩანაწერების ავტორი.

სახელწოდებას უცვლელს ვტოვებ, მაინც ვარიაციებია სამი ძირითადი თემისა.

არადა, არავითარი ჩანაწერები ეგ არ არის. ჩანაწერი იმას ჰქვია, შენთვის რომ რამეს ჩაინიშნავ. ეგენი უფრო მინი ესეებია, „წვრილ-წვრილი საკითხავი“.

გნებავთ, იმასაც მოგახსენებთ, საქართველოში ასე რატომ იბარტყა?

სიზარმაცის ჟანრია. რაღაც ფიქრები მოგდის, რაღაც ამბებს იხსენებ, მაგრამ თავის ადგილს არ თუ ვერ უძებნი, მეტი გარჯა გეზარება.

VIII-IX

1983 წელს ძველი მეგობრის — ლევან ზაქარაიძის — თხოვნით დავწერე კინომოთხრობა „თემო“. სცენარის წერა არ ვიცოდი და ორმოცდაათგვერდიანი ტექსტი ამიტომ ჰგავდა მოთხრობას. წმინდა წყლის კინემატოგრაფიულ ეპიზოდებს შორის მქონდა ლიტერატურული ნიაღვრები: ალენ რეი პეიზაჟებს, უბნებს, პერსონაჟების გუნება-განწყობილებებს და მათი ქცევების გამომწვევ მიზეზებს. ვრცლად ვცვებოდი მთავარი გმირის ბიოგრაფიის მსვენელოვან დეტალებს, რომელთა ცოდნა გარემო მისი „მოდრაობა“ ეკრანზე მთლად დამაჯერებელი ვერ იქნებოდა. ის სცენა მახსენდება, გურული აქცენტით მოსაუბრე კაცებს რომ ეუბნება თემო, დღეიდან ჩვენი გზები გაიყო. ვინ არიან ეს კაცები და რას საქმიანობდნენ ერთად — არ ჩანს. არადა, რა ხდებოდა — თემო მათთან ერთად სპირტიანი სასმელებით დატვირთულ სარკინიგზო შემადგენლობებს დაჰყვებოდა მცველად რუსეთის თვალუწვედნელ ტრამალებზე. ეს საქმე მას ჯარში შექმნილი მეგობრის უფროსმა ძმამ შესთავაზა, რომელსაც ბევრი რამ სმენოდა თემოს სიმამაცისა და შეუპოვრობის შესახებ. რუსის ჯარში ნამსახურები ბიჭები სამშობლოში დაბრუნების შემდეგ ერთმანეთს სტუმრობდნენ ხოლმე. თემოც ეწვია თავის ოზურგეთელ მეგობარს და იქ გაიცნო მისი უფროსი ძმა, რომელმაც სარისკო, მაგრამ სარფიანი გარიგებაზე დაითანხმა. სარფიანი იყო, აბა, რა, საქართველოდან შუაგულ რუსეთში ღვინით და პორტვინით გალიბლიპებულ ცისტერნებს გაჰყვებოდი ათასი ჯურის თავზეხელაღებულ დამცემთა და გამომძიველთაგან დასაცავად, უკან თვენახევარ-ორ თვეში დაბრუნდებოდი და თან ერთი მანქანის საყიდელ ფულს ჩამოიტანდი. „ფიგულის“ შესაძენ თანხაზე იყო საუბარი. „ფიგული“ კიდევ რვა-ცხრა ათასი მანეთი ღირდა „შვებუნაშენი“, რაც მაღალანაზღაურებადი საბჭოთა მოხელის ორი წლის ხელფასი გახლდათ.


თემო 1978 წელს დაბრუნდა ჯარიდან. იღბალი აღმოაჩნდა, 79-ში საბჭოთა არმია ავღანეთში შეიჭრა და დაიწყო მრავალწლიანი უსასტიკესი ომი. დედამინის ერთ მეექვსედზე გადაჭიმულ „ბოროტების იმპერიას“ გადაღებული ბებერი კომუნისტების მცირე ჯგუფი მართავდა.

ჯიმი ჰენდრიქსი და ჯენის ჯოპლინი ცხრა წლის გარდაცვლილები იყვნენ; ექსტრასენსი ჯუნა დავითაშვილი უკვე აღარ მუშაობდა კაფე „მეტროში“ ოფიცინტად; ჟაკლინ ბისეს ულამაზესი ფეხების წყალობით ფილმ „შესანიშნავის“ ყველა სენსი ანშლაგით მიმდინარეობდა კინოთეატრ „ყაზბეგში“; ხოლო ჩემ მეგობარ ლევანს ისე უნდოდა ობერჰაუზენის კინოფესტივალზე მიღწეული წარმატების გამოკრება და კამერის უკან დადგომა, რომ შესაშური უდრტინველობით იტანდა „სამხატვრო საბჭოს“ წევრთა ნებისმიერ დახავსებულ „მეგონებას“.

წავიკითხე ჩემი უმცროსი მეგობრის წერილი „ბიბლიოთეკის წმინდა“. მას ჰერმან ჰესსს მაგალითობისთვის მიუბაძავს და მოყვრებულა, ან დაწუნებული წიგნებისგან განუტვირთავს თაროები. მის დამოკიდებულებას ზოგიერთი ავტორისა და წიგნის მიმართ არ ვეთანხმები. ამას მეგობრის გემოვნების დასაკინებლად არ ვამბობ, უბრალოდ, მისგან განსხვავებით, მე წამდებოდა ვერ შეველოდი პროსპერ მერიმეს „შარლ მეცხრის მეფობის ქრონიკას“ და ერნესტ ჰემინგუეის „ფიცს“. ძალიან გამახარა რეზო ინანიშვილის „შორი თეთრი მწვერვალი“ და ოთარ ჭილაძის „თიხის სამი ფიგურა“ რომ დატოვა. ჩემი ბიბლიოთეკიდან კარგა ხნის გასტუმრებულები მყავს ალექსეი ტოლსტოი, მაქსიმ გორკი, გრემ გრინი — რომ არ ახსოვდა რამდენი რომანი ჰქონდა დაწერილი — და ვინმე ჯეიმზ ოლდრიჯი. თუ რამე აზარალებს ბიბლიოთეკას — გათხოვებული წიგნების ვერდაბრუნება. დღემდე ვერ მომინებია ჟურნალ „ხომლის“ ორი, თუ სამი ნომრის გაუჩინარება, სადაც გაგრძელებებით იბეჭდებოდა ინოლა გურგულიას ნათარგმნი „ვის უხმობს ზარი“, უცნობი ურუგაველი მწერლისა და გურმანის მონოგრაფია მონტვეიდოს კაფეებსა და რესტორნებში გემრიელად დანაყრე-

ბასა და გამოთრობაზე, ვიტალი დორმუევიჩის ალბათ ყველაზე სრულყოფილი ნაშრომი რუსეთის იმპერიის კატორღების ცხოვრებაზე, ლადო გუდიაშვილის მიერ დასურათებული „ათას ერთი ღამის“ რეატომეული, ესპანელი ბლასკო იბანიესის „სისხლი და ქვიშისა“, რომელიც დედაჩემს ვაყიდინე სრულიად პატარამ ეფექტური ყდის გამო ხაშურის ორსართულიან უნივერსიტეტში.

ამა თუ იმ წიგნის შექმნის, ან მოპოვების გახსენებით შემძლია, აღვიდგინო ჩემი ცხოვრების მივინყებელი ეპიზოდები. კვლავ წარმოვიდგინო გარემო, რომელიც აღარ არსებობს. მეც აღარ ვარსებობ ისეთი, როგორც ვიყავი შორეულ 1967 წელს, როცა მარჯანიშვილის ქუჩაზე მდებარე წიგნის მაღაზიაში ლუი ანრი ბუსენარის „ჩხუბისთავ კაპიტანს“ ვყიდულობდი მშობლებისგან მალულად გატეხილი ყულაბიდან ამოკრეფილი აბაზიანებით. აბაზი რუსული ფული იყო — დღევანდელი ოცი თეთრის ტოლფასი.



გოგია ბურჯუკური მენაღე იყო, ოღონდ ისეთი კი არა, ციცქნა ჯიხურებში რომ ისხდნენ და ქუსლებმოქცეულ, ძირებგახვრეტილ და ლანჩებარდვეულ ფესსაცემელებს რომ „აპაჩინკებდნენ“, არამედ მოდელის მოფიქრების, თარგის გამოჭრის და უნაკლოდ შეკერვის უბადლო მცოდნე. მას და მამაჩემს მეორე მსოფლიო ომის დროს საავიაციო ტექნიკუმში უსწავლიათ ერთად და იქ დამკაცებულან. გოგია ნაძალადევიც ცხოვრობდა, ეხლა რომ მეტროს სადგურია იმ მიდამოებში, არც ისე დიდი ხნის წინ აშენებულ აგურის კოხტა სახლში.

ჩემზე უფროსი ბიჭი ჰყავდა. ბუნდოვნად მახსოვს, როგორ დამცინა მან, როცა ხიკლის დაგემოვნებისას პურს ნავეტანე მისაყოლებლად. ალბათ, არ ვიცოდი, რითი მიმასპინძლდებოდნენ. ბებიაგან ჩაგონებული მქონდა, რომ ყველა კერძი პურთან ერთად უნდა მიჭამა. თამამად შემძლია ვთქვა, რომ ქართული კულინარიის ერთ-ერთი შედევი პირველად მამაჩემის ძმაცაცის სახლში მივირთვი.

პურის ჭარბად გამოყენება, მისი დომინირება კვების რაციონში, თავდა რაციონის სიმწირე — ჩვენი ოჯახის ხელმოკლეობას ადასტურებდა. „თორისის პურის“ მოზრდილ ყუასთან ერთად ეგრეთ ნოდებულ „ორმანეთიანი ყველის“ პატარა ნაჭერს მომცემდნენ ხოლმე და დამარიგებდნენ — პურს დიდი ლუკმა მოაკბიჩე, ყველს — პატარა, თუ გინდა, რომ ერთმანეთს ამყოფინო. ყველის უპუროდ ჭამა ვერც კი წარმომეგინა. იმას ვნატრობდი, დაბრუნებულ ყუას ერთის მაგივრად ორი სამკუთხა ნაჭერი მოჰყოლოდა.

სუპერმარკეტ „სმარტ“-ში ყოფნისას თვალი მოვკარი ღარიბულად ჩაცმულ ახ-

ალგაზრდა კაცს, რომელსაც ცარიელ ურიკაში ბავშვი ეჯდა, ექსიოდე წლის ბიჭუნა. ისიც „მეორადში“ ნაყიდი გაცრეცილი ქურთუკით და ცხვირებგადაქლექილი „ადიდას“-ებით. თაროების რიგებს შორის სიარულისას კიდევ რამდენჯერმე გადავანყდი მათ და ყურადღება მივაქციე იმას, რომ ურიკა არ ივსებოდა, ცარიელი რჩებოდა. ამან მაფიქრებინა, რომ კაცი და ბავშვი, ალბათ მამა და შვილი, სულაც არ იყვნენ შემოსულები საყიდლებზე. ისინი თან თბებოდნენ, თან სეირნობდნენ და თან სურსათ-სანოვარის უმრავლფეროვნეს გამოფენას ათვალიერებდნენ.

მთელი ამბავი მომაფიქრდა მათ შესახებ; წარმოვიდგინე, რომ ისინი მთელ დღეს მინისქვეშა გადასასვლელში ატარებენ — მამა გიტარაზე უკრავს, ბიჭი ხის პატარა ყუთზე ზის. ფეხებთან გიტარის გადახსნილი შალთა უდევთ, სადაც გულმონყაღე ამვლელ-ჩამვლელელები ხურდა ფულს ყრიან. აქედან შორს ცხოვრობენ, ელიაზე,

რკინიგზის გადაღმა. ბიჭუნა მაშინ მოჰყვებოდა ხოლმე მამას, როცა დედა სადღეღამისო მორიგეობაზეა. ის სანიტრად მუშაობს და სამ დღეში ერთხელ მძიმე ავადმყოფებს უვლის რეანიმაციულ კლინიკაში. სურსათზე რა უნდა ითქვას — პურს, მაკარონს, შაქარს, ზეთს და ხანდახან სალექ რეზინა „ორბიტს“ უბნის მაღაზიაში ყიდულობენ, სადაც ნისიების დავთარში მათი გვარის გასწვრივ არც ისე დიდი თანხა წერია.

2009 წლის მიწურულს თბილისში სტუმრად მყოფ ლაიფ ჰამსუნს, გამოჩენილი ნორვეგიელი მწერლის შვილიშვილს ვუამასპინძლე. შეხვედრა თავისუფლების მოედანზე, ქალაქის რატუშაში შედგა. საუბრის ძირითადი თემა კნუტ ჰამსუნის საუკუნის წინანდელი მოგზაურობა საქართველოში და მისი წიგნი — „ზღაპრულ ქვეყანაში“ — გახლდათ. ამასთანავე, სტუმარს ისიც მოვახსენე, როგორ ინტერესით კითხულობენ მისი პაპის წიგნებს ჩვენში ათეულობით წლების მანძილზე. ვუთხარი, რომ რომანი — „შიმშილი“ — დღესაც ისევე მალელებს და მითრებს, როგორც ოდესღაც, სტუდენტობის დროს. მეტი დამაჯერებლობისთვის პირველი აბზაციც კი წარმოვთქვი: „ეს იმ დროს იყო, როცა ქრისტიანობა მშვიერი დავეხეტებოდი, უცნაურ ქალაქში, საიდანაც...“ და ასე შემდეგ.

უმცროსმა ჰამსუნმა მისმინა, გამიღიმა და მითხრა — ჩვენთან, ნორვეგიაშიც დიდად აფასებენ მის მიერ შექმნილ ლიტერატურას, მაგრამ არც იმას ივინყებენ, კოლაბორაციონისტი რომ იყო...

კიდევ ერთხელ გულდასმით წავიკითხე იაკობ გოგებაშვილის „გულწითელა“ —

თქმულება პატარა, ნაცრისფერ ჩიტზე, რომელსაც სამყაროს შემოქმედის მიერ შექმნილი სახელის შესაბამისად, ძალიან უნდოდა, მკერდი ნითელი ბუმბულით ჰქონოდა დაფარული და ეს სურვილი აუხდა მას შემდეგ, რაც ჯვარზე გაკრულ მაცხოვარს გასისხლიანებული ეკალი ამოადრო შუბლიდან პანია ნისკარტით.

დარწმუნებული ვარ, ამ არაჩვეულებრივ მოთხრობას თავის ცნობილ „პირად ბიბლიოთეკაში“ შეიტანდა ბორხესი; სხვადასხვა ეპოქის მწერლებისა და ფილოსოფოსების მოკლე ტექსტების კრებულში, რომელსაც მეგობრებთან — სილვინა ოკამპოსა და ადოლფო ბიოი კასარესთან ერთად ადგენდა.

მეხუთე-მეექვსე კლასში რომ ვიყავი, მეგონა, დედაჩემს ყველაზე ძალიან ყოჩივარდები უყვარდა ყვავილებს შორის. არ ვიცოდი, რომ სიიავის გამო მოჰქონდა შინ მისი პანია კონები, რომ მცირეზე-მცირე დანახარჯით სურდა ჩვენი ღარიბული ინტერიერის გალამაზება. დროდადრო მეც ვჩუქნიდი ხოლმე რამდენიმე კვირის დაუხარჯავი „საუზმის ფულით“ ნაყიდებს. დღეში ოცი კაპიკი სჭირდებოდა „საბჭოთა ბურგერის“ — ერთი ნაჭერი რუხი პურისა და „ცელოფიანი“ სოსისის — შექმნას. სამი კვირის უჭმელობა სამი მანეთი იყო. ამ თანხით ორი კაცი ორსერიან ფართოფორმატიან ფილმს ნახავდა ქალაქის ყველაზე მაგარ კინოთეატრში და შინ ავტობუსით დაბრუნდებოდა, ტრამვაისა და ტროლეიბუსზე ძვირი ტრანსპორტით. დედას არასოდეს ვუხმედი, როგორ ვახერხებდი ყვავილების საყიდელი ფულის მოპოვებას. მშობლების დაშორებას ძალიან განვიცდიდი, მაგრამ მათი ცალ-ცალკე ცხოვრება, რაც შემთხვევებში, მაგრამ მშველოდა. ფულთან დაკავშირებულ ნებისმიერ შეკითხვას თვალის დაუხამამებლად ვპასუხობდი — მამამ მომცა-მეთქი.

მამა მართლა მაძლევდა ფულს, სამ მანეთზე გაცილებით მეტს, ოღონდ დედასთვის გადასაცემად. ეს ხდებოდა თვეში ორჯერ, იმ დღეებში, როცა ხელფასსა და ავანსს იღებდა. სკოლასთან დამიბარებდა ხოლმე, „ვორონცოვზე“, კინოთეატრ „კოლხიდასთან“. ფიზიკური აღზრდის მასწავლებლად მუშაობდა იმ დროს. პიჯაკის ან პალტოს ქვეშ ყოველთვის სპორტული ფორმა ეცვა — ბამბის ქსოვილის ლურჯი, კოჭებთან რეზინებზემყოფი შარვალი და იმავე ფერის ელვაშესაკრავიანი, გრძელსახელოებიანი მანისური.

მომწონდა, ზოგიერთი ჩემი კლასელის მამას რომ არ ჰგავდა ჩაცმულობით — ყელზე ჰალატუხი რომ არ ჰქონდა ნაჭერილი და შლაპა რომ არ „უმშვენებდა“ თავს.

VANDA ART-ში დიდი ხნის უნახავ ნაცნობს, გერმანიაში გადასახლებულ მხატვარ გია ეტგვერადს ვხვდები. ეს კაცი დიდად პოპულარულია თბილისელ ინტელექტუალთა შორის. მან რამდენიმე ლექცია წაიკითხა აქ და მისი სტატეები არც თუ ისე დიდი ინტერვალებით იბეჭდება ჟურნალ „ლიბერალიზმი“. მოვიკითხე ერთმანეთი, აღმოჩნდა, რომ დედის ავადმყოფობის გამო არის ჩამოსული დამოკლებულ ქადას ეტებს. მეკითხება, ერთი პერიოდი, ხატვას არ მოჰკიდებ ხელით? პასუხს რომ ვუგვიანებ, ასე მახსოვს და ხომ არ მემლევაო, მეუბნება.

ჩვენ ასაკობრივად ვეგუებით თეთრი ლაქების არსებობას მეხსიერებაში და ვეუბნები, კი, დავინყე, მაგრამ ვერ ვივარგე, არაფერი გამომივიდა-მეთქი. როცა გავიცანი, უკვე მაგრად ხატავდა, თუმცა მასთან ურთიერთობა იმითაც იყო საინტერესო, რომ ჩემთვის სრულიად უცნობ ფილოსოფოსებს ციტირებდა და „ბითლზის“ ეპოქაში უპირატესობას ანიჭებდა „CREAM“-ს. ცხოვრობდა მთაწმინდაზე, ორსართულიან, ბრტყელი აგურით ნაშენ სახლში. ერთ-ორჯერ ქუჩის ბიჭებიც მყავს აყვანილი მასთან. მსურდა, ენახათ, რომ „ქურდების“ „მომავლებისა“ და „ძალღების“ გარდა, სხვა ტიპებიც ცხოვრობდნენ ამ ქალაქში და მათთან ურთიერთობა გაცილებით საინტერესო იყო, ვიდრე რომელიმე „შავთან“...

შეხვედრის შემდეგ საკუთარი მეხსიერების მიმართ გამიჩნდა ეჭვი. მართლა ხომ არ ვაპირებდი მხატვრობას, განზრახ-

ვა ხომ არ გავანდე, მეტიც, ჩემი ნაცოდ-ვილარი ხომ არ ვაჩვენებ? მისი კი არა, ჩემი მოგონებათა სკივრი ხომ არ არის და-ლაქავებული თეთრად?..

ბავშვი, ხუთიოდე წლის გოგონა, მეტროს სადგურში კედელთან ზის, თავი მუხლებზე უდევს გვერდულად, ჩამოშლილი თმა სახეს უფარავს. ძნელი დასადგენია, ჩასძინებია, თუ ღვიძავს. ალბათ თვლებს. ლოყასა და მუხლს შორის მოქცეული ხელი განვიდოდა აქვს, რომ ჩაეძინოს კიდევ, არ ჩამოუვარდება და მონყალეების გაღვინების მოსურნე მოახერხებს პეშვი ფულის ჩაყრას... როგორ უნდა მოქცევი, ამ სურათს რომ ნაანყდები? უნდა დაიხარო, გვერდით უნდა მიუცუცქდე ბავშვს და ჰკითხო, დღის ბოლოს რა თანხა უნდა მიუტანოს მას, ვინც სამათხვროდ გამოგზავნა. შემინებული თვალებით რომ შემოგხედავს და შეყოყმანდება, უნდა დაამშვიდო და შეკითხვა გაუმეორო. როცა გიპასუხებს, ჯიბიდან ფული უნდა ამოიღო, დიდი დიდი ათი ლარი, მუჭში დააჭერიო და პირობა ჩამოართვა, რომ ახლავე ადგება და ნავა, რომ მისი „სამუშაო დღე“ დამთავრებულია. ფეხებზე უნდა დაიკიდო „ყოვლისმცოდნეთაგან“ არაერთგზის გაგონილი ტექსტი, რომ ასე მოქცევით ვერც საყოველთაო პრობლემას აღმოფხვრი და ვერც ამ ბავშვისას, რომ მას ხვალ დილას კვლავ გამოუშვებენ სამათხვროდ...

ვიცი, მაგრამ გვიან საღამომდე ქვის იატაკზე ჯდომას ხომ გადავარჩენ, რამდენიმე საათით მაინც ხომ გამოვგლიჯავ სატანჯველს. ეგეც საქმეა!

მაგრად მალიზიანებენ ტიპები, რომლებიც ყველა ნაბიჯს ზომავენ და წონიან, უკლებლივ ყველა ნაბიჯს. საქმე ძალიან მარტივად რომ არის და სწრაფად უნდა იმოქმედო, თეორიების თხზვას, ან უკვე შეთხზულების მოყოლას რომ იწყებენ. ადგილიდან რომ არ იძვრიან თვითონ და შენი გაშეშებაც რომ უნდა!


ბოლო ოთხი თვეა, სულმოკლეთა აღლუმს შევცქერი. ცალ-ცალკე რომ განვიხილავ თითოეული მათგანის საქციელს, მიზეზად, რა თქმა უნდა, სიმბდალეს ვასახელებ. არ მგონია, რომ ვცდებოდე, თუმცა, არსებობს კიდევ ერთი, და არანაკლებ მნიშვნელოვანი, მიზეზი — უმეცრება. სწორედ უმეცრების ბრალი გახლავთ ის, რომ მათ, ვინც ლალატზე ხელს აწერენ, არ იციან, რას უნდა უფრთხოდნენ. მათ ეშინიათ იმის, რისიც არ უნდა ეშინოდეთ და პირიქით, არ უფრთხიან იმას, რაც მართლა საშიშია. საშიში მოსალოდნელი ანგარიშსწორება კი არა, მოსალოდნელი ანგარიშსწორების თავიდან აცილებისთვის ყველაფერზე წასვლაა. ყველაფერზე წასვლა — მეგობრებისა და ახლობლების დასმენა და განიხილა — საწყისი წერტილია იმ ავადმყოფობის ისტორიისა, რომელიც უკურნებელი სენივით ხრავს და ანადგურებს პიროვნებას. ზოგიერთ დამსმენში ეს პროცესი სწრაფად წარმართება, ზოგიერთში — ნელა, მაგრამ ვერცერთი მათგანი ვერ გადაურჩება მტანჯველი კითხვების გამაყვამტვერებელ შემოტევას. საკუთარი თავის გარდა, სხვებზე დაუსვამენ კითხვებს. მაგალითად, შვილიშვილები, რომლებსაც მუდამ აინტერესებთ, როგორ ცხოვრობდნენ და იქცეოდნენ მათი წინამორბედები ძნელბედობის ფაშს. უფრო გასაგებად რომ ვთქვათ, განსაცდელის კი არ უნდა გეშინოდეთ, უნდა უფრთხოდეთ განსაცდელის არიდებისთვის უღირსი საქციელის ჩადენას. ფიქრი განსაცდელის შესახებ წინ უნდა უსწრებდეს თავად განსაცდელს.

ხაში ღარიბების საქმელი გახლდათ. ერთი ულუფა — წვნიანით, ჩლიქებით და წვრილად დაჭრილი ფაშვით სავსე მათლაფა — ორმოცდაათი კაპიკი ღირდა, პური და ლიმონათი ოცდაათი კაპიკი. ორი კაცის დანაყრებას მანეთი და სამოცი კაპიკი სჭირდებოდა. მამაჩემს ასოცი მანეთი ჰქონდა ჯამაგირი; სუყოველდღე სახაშეში რომ გვევლო, ჯამაგირის მესამედზე ოდნავ მეტი დაგვეხარჯებოდა.

დღესასწაულებად ის დღეები მახსოვს, რომლებსაც მამასთან ერთად სტადიონებზე, სპორტულ დარბაზებში, იაფიან დუ-

ქნებსა და პაპასთან და დიდდასთან ერთად ვატარებდი ნაძალადეგში. ჩვენი საკვები იყო ტყუილი სუფი, მოხარული მაკარონი, აუთქვეფავი ერბოკვერცხი, შემწვარი კარტოფილი, ფხვიერი ყველი „მოთალი“ — მაკარონზე მოსაყრელადაც რომ გამოდგებოდა, ხილფაფიანი და შაქარმოყრილი ფუნთუშები, სურნელოვანი კიტრა ვაშლები. იშვიათად, კვირაში ერთხელ, საქონლის ხორცის კატლეტები, რომლებსაც გამზადებულეს, საფანელში ამოვლებულეს ვყიდულობდით „ცეკავშირის“ მაღაზიაში მარჯანიშვილის მოედანზე.

„ნითელი არისტოკრატების“ შვილები და შვილიშვილები დღესასწაულების გახსენებისას თავიანთ ვეებერთელა ბინებში გამართულ წვეულებებს აღწერენ — საგანგებოდ გამოპრანჭულ სუნამონაკურებ დეიდებს და ინდაურებივით გაფხორილ ბიძიებს. უზარმაზარ, ფერადი ცუკატებით მორთულ ტორტებს, მრავალსანთლიან, გაბრდღვიალებულ ჭაღებს,



მათ შუქს, არეკლილს სარკესავით გაკრივლებულ პარკეტზე, შავად, ან ნილად მოლაპლაპე რიოდლებს და თავიანთ უხერხულობას, გამონეულს წინასწარ დაზუთხული ლექსების ბორძიკით წარმოთქმით და გახამებული ტანსაცმლით.

ბავშვობაში თუ ყოველმხრივ დაცულად ვგრძობდი თავს, მოზარდობისას სულ პირიქით, მარტოობისა და მიუსაფრობის განცდა დამეუფლა. დიდი დრო დამჭირდა იმის მისახვედრად, რომ ჩემ ირგვლივ მყოფ ადამიანებს შორის — უფროსებშიც და თანატოლებშიც — შემწის და ქომაგის ძიებას აზრი არ ჰქონდა. მრავალი მარცხისა და ტკივილის შემდეგ მარტოობას, განსაცდელის პირისპირ საკუთარი თავის იმედად დარჩენას მივეჩვიე და ვარ ასე დღემდე.

„ადამიანისთვის სამშობლო უპირველესი სალოცავია, ჯერ ირლანდია, სტივი, მერე შეგიძლია იყო, რაც გნებავს, გინდ პოეტი და გინდ მისტიკოსი“ — ეუბნებიან სტივენ დედალუსს და მიუხედავად იმისა, რომ მისი პასუხი ამ მოწოდების საწინააღმდეგოდ გამოიყურება, უმკაცრესია და რეალობასთან მიახლოებული, ამ სახელისა და გვარის მქონე პერსონაჟის შემქმნელი გვიმზ ჯონის, რომელმაც სრულიად ახალგაზრდამ დატოვა ირლანდია, კითხვას, დაბრუნდებოდა თუ არა სამშობლოში, პასუხობდა — „ოდესმე კი დამიტოვებია იგი?“

გვასწავლიდნენ ათეიზმს, დიალექტიკურ და ისტორიულ მატერიალიზმს,

პოლიტიკონომიას და საბჭოთა კავშირის კომუნისტური პარტიის ისტორიას.

ზაფხულობით დავეყვადით სამუშაოდ — ასფალტის დასაგებად, ცემენტით სავსე ვაგონების გადმოსატვირთად, ბეტონის საზელად. შესამონებლად ჩამოდიოდნენ ბობოლა კომკავშირლები და თუ რამე არ მოეწონებოდათ, ბლაოდნენ ხაფი ხმით.

ლექციებს გვიკითხავდა ნაფრონტალი პროფესორი, რომელიც იოლად ბრაზდებოდა და ყბააკანკალებული გვეუბნებოდა: თქვენისთანებს „ჰად ტრიბუნალ“ ვუშვებდი ომის დროსო.

ორმოცდაათიან-სამოციანი წლების სტუდენტების მიერ დიდად ნაქებ და ლამის „აგორად“ შერაცხულ უნივერსიტეტის ბაღში ნაირ-ნაირი „სტრელკები“ ინიშნებოდა — „საქმის გასარჩევით“ დაწყებული „მოსანევეზე“ ფულის გასატანებლით დამთავრებული.

კვირის ერთი დღე მთლიანად ეთმობოდა სამხედრო სწავლებას. პედაგოგებად საბჭოთა არმიის რუსი ოფიცრები გვყავ-

და — სულ მაიორები და პოდპოლკოვნიკები. ქართველებიც ერივნენ კანტი-კუნტად, თუმცა, ისინიც რუსულად გველაპარაკებოდნენ. რუსი ოფიცრების უმრავლესობა არყის გადაკვრასთან მწყრალად არ იყო და ის სტუდენტები, ვისაც არ ეძნელებოდათ და არც ეზარებოდათ მათი „დაკერვა“ ჩათვლის, ან ნიშნის მიღების მიზნით, ხშირად უმასპინძლებოდნენ წყალწყალა ლუდითა და ცეცხლოვანი „ჭაჭით“. ესენიც დიდი საამოვნებით ყლურწავდნენ სასმელს, მაგრამ ისიც უნდა ითქვას, რომ უფრთხილდებოდნენ რა ოფიცრის ღირსებას, დამაპატივებლებს არ უშინაურდებოდნენ და სახიკვლიდან გამოსვლისთანავე იწყებდნენ დისტანციის აღდგენას, თუკი, რა თქმა უნდა, თავგზა არ ჰქონდათ დაკარგული სიმთვრალისგან.

სამხედროებზე გამაღიზიანებელი მეცნიერული კომუნიზმის ლექტორი გახლდათ, რომელიც გაუგონარ სიყალბეს გვასწავლიდა და თავი ისე ეჭირა, თითქოს ნათან შერანსკი, ან ვარლამ შალამოვი იყო. ამ ამბების მეხსიერებიდან გამოხმობა მტკივნეულია, თუმცა ტკივილს მთლიანად აქარწყლებენ, ხოლო მოგონებებს უკან მიერეკებიან:

ცარცმომარჯვებული, დაფისკენ მიტრიალებული, თითქოს საკუთარ თავთან მოსაუბრე ილია ვეკუა.

იმ ეპოქის ჭარმაგი მამაკაცისთვის უჩვეულოდ, ველვეტის განიერ შარვალსა და ჭრელ პერანგში გამოწყობილი „კინო“ ქოლოშვილი.

ძველი დროების ინგლისელი არისტოკრატებით მოსაუბრე და მოქმედი არჩილ ხარაძე.

შალვა საბაშვილი ისევ „შესაკრებთა გადანაცვლების“ შესახებ


$$a-b = (\sqrt{a}-\sqrt{b})(\sqrt{a}+\sqrt{b})$$
$$\sqrt{a}-\sqrt{b} = (\sqrt[3]{a}-\sqrt[3]{b})(\sqrt[3]{a}+\sqrt[3]{b})$$
$$a-b = (\sqrt[3]{a}-\sqrt[3]{b})(\sqrt[3]{a^2+\sqrt{ab}+\sqrt[3]{b^2}})$$
$$a+b = (\sqrt[3]{a}+\sqrt[3]{b})(\sqrt[3]{a^2-\sqrt{ab}+\sqrt[3]{b^2}})$$

„ლიტერატურული გაზეთის“ წლებიდანვე პირველ საშემოდგომო ნომერში დაიბეჭდა პაატა ნაცვლიშვილის შთაბეჭდავი ზომის ნაწარმოები „შესაკრებთა გადანაცვლება“. ამ პუბლიკაციას არ შეეძლო არ მიეპყრო ჩემი ყურადღება, ვინაიდან: 1. ეგრეთ წოდებული ძირითადი პროფესიით (გავრცელებული ბანალური კლასიფიკაციის მიხედვით) მათემატიკოსი ვარ, შესაკრებიცა და გადანაცვლებაც კი უპირატესად მათემატიკური ცნებებია; 2. ჩემი საქმიანობის ერთი დიდი ასპექტი პოეზიაა, განსახილველი პუბლიკაცია კი სწორედ ლექსის ფორმის ქმნილებას წარმოადგენს; 3. რამდენი აზრობრივად დასაშვები და მეტ-ნაკლებად ერთნაირი შინაარსის მქონე წინადადების მიღება შეიძლება რომელიმე მოცემული წინადადებისაგან მის შემადგენელ სიტყვათა ურთიერთგადანაცვლებით, ეს მოცემული ენის თავისებურებებზეა დამოკიდებული, ენის ფორმალური სტრუქტურა და სემანტიკური ველი კი ყოველთვის მაინტერესებდა; ამ ჩამონათვლის გაგრძელება კიდევ შეიძლება.

ცხადია, ნაწარმოებს სულმოუთქმელად გავეცანი, ამასთან არა თანმიმდევრობით, როგორც ნებისმიერ სხვა ლექსს ნაკვირვალად, არამედ განუწყვეტელი უკანსვლებით: თავიდანვე მიზნად დავისახე, გამეჩვიე, რა პრინციპით იყო დალაგებული საწყისი სტრიქონიდან — „მხარზე მზე ჰქონდა გადებული მართლა თოხივით“ — შემადგენელ სიტყვათა ურთიერთგადანაცვლებით წარმოქმნილი სტრიქონები და იყო თუ არა მიღებული სიმრავლე სრული. ეს კი გარდაუვლად გულისხმობდა უზარმაზარი ნაწარმოების სხვადასხვა ნაწილებისათვის თვალის ხელახლა გადავლებას კითხვის ყველა ეტაპზე, ანუ ყოველი ახალი სტრიქონის გაცნობისას. ამის გამო იმ ორ საათში, რომელიც ამ საქმეს დავუთმე, ლექსი მთლიანობაში ალბათ რამდენჯერმე მაინც გადავიკითხე — ვიმეორებ, არა მიმდევრობით, არამედ მზერის უთვალავჯერ გადანაცვლებით ლექსის მთელი სხეულის ცალკეული ადგილებიდან მისი სხვა ადგილებისაკენ. ცხადია, სტრიქონთა ყველა ვარიაციის პოეტური სურნელი — ამოსავალი სტრიქონი კი იშვიათი წარმატებითაა შერჩეული — კითხვის მთელ პროცესში სასიამოვნო შეგრძნებას ქმნიდა, მაგრამ ჩემი, როგორც მკითხველის, ძალისხმევა სანახევროდ მაინც მათემატიკის სფეროში იყო გადართული და სიტყვათა უამრავი ექვსელებმენტის სიმრავლის შეუცდომელ ურთიერთშედარებას ისახავდა მიზნად. ამიტომ კითხვის დასასრულს ამ ლექსის მხატვრული სრულყოფილობის ამომწურავი შეფასება (ჩემი, როგორც ერთ-ერთი მკითხველის ალქმის სუბიექტურობის ფარგლებშიც კი) ვერ მოხდებოდა. ჯერჯერობით პასუხი მხოლოდ სტრიქონთა ვარიანტების პროცესის სისრულეს გაეცა.

შთაბეჭდილება კი ძალიან დიდი იყო. კითხვის დასრულებისთანავე გადავწყვიტე, დამერეკა ავტორისთვის (საბაბზე მოგვიანებით ვიტყვი). მაგრამ რამდენადაც სწრაფად გავეცანი ნაწარმოებს, იმდენადვე ვიზანტე ავტორისთვის აზრის გაზიარება. სანამ ტელეფონის მოძიებას მოვახერხებდი, უკვე გაზეთის მომდევნო

ეთერ თათარაიძე



დღეებ უცბად ღამდებინ,
სულს სინათლე სწყურის.

ანასტასიას

ფრესკითა რო გადმიყვან,
ჩემ სახლში რო ჩამასხალ
ცისფერთვალა, ქათქათა,
ქერათმიან ტასო.

ენაჭიკჭიკ-ლაჭუკა,
ერთ ნახორ მერცხალიკა,
ჩემ ლაბუა ერთნამცეც,
ჩემ ჭიკჭიკა ტასო.

გმადლობ, ჩემ ტემილ უფალო,
ამაზე დიდ წყალობაა
რა უნდ მოგედვ ცოდვილიზდ,
ვიდრე ჩემ მზე ტასო...

ზამთრის პირის დღეები,
ტანს სიცივე განამჯდარ...

ემაგ მბილა ეკალსთან
სიფხიზლე გინდ, იმთხილ,
თვარ ისტა დროს შეგეშქმებ
არ მოლოდინს, ციციცი.
სათვალფროდა ღიმნაშალმ
სუც არ იცის სირცხვილ,
მბილა ეკალზე ურჩო
ტკივილ არც რამ იცის...
ნადგომ გუბე შმორდების,
მდუმარ მტერსთან იმთხილ!..

თავს თავდანებებულ,
თავს იმედდასხლეტილ,
თავზე ალდახვეულ.
თავ ქვისად ნაწყვეტარ,
თავს ჭირანატეხარ, —
ასრ მინას ჩახვეულ.

ზუგრა, ჯერაც ვერ იც, რო
თენგიზ აღარ გეყავის,
მაინც მოიდ გაზაფხულ,
მაინც ხეებ ყვავის.
მაინც მწვანედ ჯეჯილდებ
მინდვრებ ჭვავის ყანის,
მაინც ვარდებ იმლების,
მზეს ირომებს ცაიც.
შენთან ბევრ საჩივლა მაქვ,
იქნებ არც ღირს თქმაიც,
ზუგრა, თენგიზ აღარ გეყავ,
ნუშებ მაინც ყვავის...

ვიარეთ ჯეილობას —
კელაპტარა ყვავილით ნაყარო ნაქარგ.
ახლ თვალსაც ძლივ ვანვდენტ, —
იმ ყვავილებსთან დამჭკნარ სიჯეილე ნაკარგ.

რამდენ ფერი-დ დღე ნაგვართვ
ველითა, ამირანო, ნუთისოფელმ ნაპარმ...

სულლო, ჩამშვიდდ მშფოთვარო,
მოსასვლელა მაინც მოვ...

დედი, ქანც გამოგაცალ
ამ დუნდობელ სამზეომ,
ალარაფერ არ დამრჩავ, —
ამბობ, — სოფლიზდ სამწკნეო.

ჩემ დედო, ნუ ასჩქარდებ,
ერთხელ მოვ კაც სამზეოდ,
ჩემ ჭკვიანად დამჭკნარო,
ჩემდ სუ ჯეილ დედო...

ნუ სთქანთქარებ, ეთერო,
კარიდ გელოს ცისა,
კავკასიონს დეფინოს
მქრქალ სინათლე მზისა.
დედამინამ თავს დიდგას
ნათლის გვირგვინ მზისა,
ნუ სჩქაფუნობ, ეთერო,
კარ იღების ცისა.

დილის ნირვის მაღლ შეგვენიოსავ, —
იცოდის მამამ.
სანამ ქვეყანა ლოცვად არ მექც,
ვერ ვიგებდ მანამდ.
შორ გზაზე ნასვლის ნინ ადრ ადგომ
იცოდის მამამ.
სანამ დროის ფასს გემო ვერ გუგ,
ვერ ვხვდებოდ, რადავ.
ჩემ ქვეყნის ცა-მზე სუ დანმენდილივ, —
იცოდის მამამ.
სანამ მტრის ტყვიამ ცა არ დამილენ,
ვერ ვსწვდებოდ მანამდ...
კიდევ ვინ მოსთვლის, რა არ იცოდ
ჩემ ქანცცილილ მამამ.
რა ადათ-ნესრიგ მოყვარე იყვ
ჩემ დალილ მამამ.
ჩემ თბილა მამამ,
ალალა მამამ...

ნელა-ნელა მიდენილ
ბეს სოფელი-დ მქერალ,
ერთ დროს ანაძგერალ გულ
მოლალულა-დ მცვდარ.
შენ სამოკლო სოფელზე
გაჯავრებულ, მწყარალ...

არ დამინყვ მიდ-მოდება,
უჭკოდა ჩემ მშვიდება,
მე უმძიმეს გზა მიძ ნინ,
გარიდებულ ფლიდებას.

არ მიკვლიავ, არც ვიკვლევე
საამქვეყნო დიდებას.

თმაგანენილ ეთერო
უცბად თვალნი გაშიჩერდ,
მემრ მოსხლეტით გამექც.

ნუ წამიხვავ,-გავედევენ,
ცოტახან მახედვიე
ბაღლობასავ, — გავეკერბდ.

უცბად თეთრ სამოსნამოს,
თეთრ თმა მწერებს დანაშალარ
თოვლად ვიქცი-დ გავკენტდ...

დაშემოდგომდ გარეთა-დ
გადასთველვმელდ სულში...

გაგაოჯროს გამჩენელმ
სიბერისაკ ხრაო,
გულს სისუსტე ნაყარო,
გმინის-გმინზე ყრაო.

ქვაზე ჩიტის კვალსავით
სიჯეილის ნთქმაო...

გატილოს გამჩენელმ,
აი, ჰაგრეა!..

მეაღ ჩემ დანანატრალს
კაბებ გვაცვი დახეულ...

ეტყობ, წინავ ჩიტ ვიყავ
ჯანგისფერში მზისფერებ
შენარეველ ბუმბულით.

ნუხრიც ჩიტად ნაქცევარმ
დანოთა გოგრულთისაკ ფრიალია ნავილ...

თავდაბლობაზე უფრო
ღვთიურ არაი,
თავალერილ ცოდვილი-დ
ცარა-ფარაი.
ბოლმა სასჯელ რო არის, —
ანა-ბანაი,
ხარბ რო განსაჩხრეკელი-დ
არამთ-არაი...
ამას ბჭობა არ უნდ, არ,
ანა-ბანაი...

— ეთერო, ხპატარავდებ,
მართლ ჩიტის სწორ დარშჩებ.
— ჰოად ფთებს შევისხამა-დ
ცისაკ ნავალ, „ტიავ“...
— ეთერო, შენ რა გტკივის,
არავის არ აჩვენ.
— ჰოა-დ ჩემ წილ სამზეოს
ხო ვთქვი, თავა ვშქრავ.
— ეთერო, შენ ფიქრებით
რა ვერავინ გამჩნევს.
— ფიქრ მით არის მოგონილ,
ვემადლ უზღვროდ გამჩნენს.
— ეთერო, შენ ვერავინ
ვეროდის ვერ გაგტენს,
— როგორ არ, თვალნაფართალ
მომივა-დ თავს გამსლეკს.

მოდევ, — გიძახ, — ნავიდავ,
დღეებ გვიცოტადებავ,
გვეპარებავ სამზეო.

თუ სიჭრელე დიქარგავ,
ერთფერ ნუთისოფლიზდავ
რაილაავ სამწკნეო?

შენ წმა მწვდების შორითა...

ბენდიერება მინდოდ,
ვებლაჯურ, ვერ გამოვთარ
ცრემლის მლაშე ტბორითა...

დაზძინები ბუნებას,
ჩანალველფი ბუხარ,
ეთერ ზენარ წანასუდრალ,
ჩუმ ნართვამ, გუშ მქუხარ.
მდინარე ღვდი მინდორზე,
ცა ახურავ მწუხარ.

შენაც ამ სითეთრეში
თავს იკვლევე, იქ თუ ხარ...

— ჩქარა, თორე ჩამოსწვიმს,
ცას შავ ლურბელ ხვიავის,
ფეწ აჩქარ, თვარ არე-კარს
ცით ნასეტყვარ ხვიავის.

— დამშვიდდ, ამინდ სუ იცვლებ,
ცათ სუ კაბებ სცვლიავის,
ხვალ გარევე მზე აჯობებს,
ცის ქიმთ მრემ ალ ხვიავის.

— აჩქარდ, აჩქარდ, მოლნამავს,
ცას მქრქალ ნისლებ სიავის.

— დამოშმინდილ, კარგაო,
ცას სუ კაბებ სცვლიავის.

ლავახ რაიმ კაც იყვის,
პატას ლანგობდის,
„კაცივ არ მოკვდებისავ,
მანამეც ცოცხალიავ,“ —
სუ აგერ ამბობდის...

ისიც ახლ მინაში წევს,
ამ მზეს განდგომილ...

რაგვერც ხატ საბძანისში,
გულში მიზის სამშობლო.

ღმერთო, მომკითხედ დამსაჯ,
რაისიც ღირს ვიყვ...

 არ გეტყვივ სიცივე
 მოძალეხულ დღეებს,
 განაყვითლარ-ნაშიშვლარს
 გაზაფხულ შველს ტყეებს.
 არ გეთელივ, დამიჯერ,
 ბოროტრეულ დღეებს,
 ბალღამის მემრ ბადავ მაქვ
 ნალოც თასით მნდეებს...

 ბევრიც შიგში რო ეცედ
 ბევრიც ივაგლახვ,
 დამცინავ წუთისოფელ
 დაგლენცს, ახი, ახ!
 ფეჭზე რაიც გინდ გეცვას,
 მარმამ, ლაქი-დ ფლახვ,
 ამ სამზეოს ვერ გაღვლი-დ
 ბოლოში ვერ გახვ.
 წესად ნაქცევარ სიკვდილს
 ემალ, ვერსიდ ნახვ...

 ხან ბენვის ზიდს გამკიდებ,
 ხან გზა-ბანრებს ამახვევ,
 თავს ხან მქრქალ სხივთ მაფევა-დ
 ხან ქექვ-ელვ-დელგმთ დამახვევ.
 მაჩანჩქალებ, მაცხროვებ,
 უცბად ფითრ კვართს გამახვევ,
 შენ ზნე-ხასიეთს ნატარს
 ბოლოს მიწას ჩამახვევ...

 პირ დიდუმე-დ ცხვათზე ძვირ
 გვამითა არ ამუშვ,
 ფიქრს შავ ფერებ გახჯადე-დ
 მზის სხივს გულში ჩამუშვ.
 ადვილად არ გიმეტვ ცხვაა,
 ძვირ სათქმელა აუქმ,
 უფალსთან სიბუქად წედ
 ბოროტებანაუქმ.

 მე ჩანათბუნ ოთახში,
 ის ბუმბულში მფუფუნეა,
 მე ჩემ ფიქრებს ჩანატკომბ,
 ის თავიზდ ტკმილლულუნეა.
 გამფხროკვალ ფოთოლთ ხრაშუნ,
 მტკვარ თავიზდ ნამდუდუნეა,
 მე ფანჯარას მიტმანნილ,
 გარეთ ჩიტ მოლულუნეა.

 ფერადქალაღებთან კანფეტებს უგზავნიან
 შორს დაკარგულ დედებს,
 განანირალ შვილებს რო უკვენ მუბრუნდებიან,
 გვიან იქნებ ბნედებ...

გაუსაგის დრო დგას ახლ,
 დრო კი არად ვერ ჩერდებ,
 საქართველო დაღლილი,
 საქართველო ბერდებ...

 კავკასიას მინაფენ დაუთვალავ ფერებ,
 ათასჯურა ადათის მატარებელ ერებ,
 ათასნაერ ენაზე „იავნანას“ მღერენ
 დასაბამითა დღემდის მტრისად ცრემლის მცრელებ.
 სალხინოზე ცას მფრენნიდ
 სადარდოზდ გულ მგვრელებ.
 ერთგულისად ნაერთგულნ, ცით მასკვლავის
 მფხვრელებ,
 ორგულისად დუნდობრად შავ საფლავის მთხრელებ,
 ერთმანეთის საშველად გულის ამომჭრელებ.
 უფიქრელად თავმნაცვლენ, ცეცხლში შემს-
 გამსვლელებ.

ამათ მომრევ ვინ არის, ამათ ამომგდებელ,
 უფალო, თვალ არ მაშორვ ჩემ კავკასიას...

 შენ წვიმის ცრემლთ სცრი, ცაო,
 რაგვერც დარდს მე ლექსებად...

 პეპელაო, არ ახფრინდ,
 მოხატულ ფთებს თვალს გივლებ.

 პირისქარ გამაშლევი, —
 შემოსაჩივლ გამიბვერდ.

 დარდის მთას ვარ შენაკიდ,
 ფეჭთ დოლაბებ მაცვი,
 ცა ალაგ ღურბლით ფარულ,
 ალაგ მრემი-დ ტკრაციი,
 ჩემ ნატრულ ჳმა მიძახის, —
 ამინდ დაგვიდგ რა ცივ...

 დღევანდელ დღე მე მგავის, —
 მზენატრულს ნისლ ახვიავ...

 მარტო მე ვიყოვ კარგავ,
 ცხვათავ ჭირ მომჭამონავ, —

აგვრ ფონს ვერვინ გასულ!..

 ეშმაკის სათარემოდ
 ქვეყანა გვაქვ ქცეულ,
 ქაჯ-კუდიანი-დ მაცილ
 გვყავის შემოსეულ.
 სუ ღმერთის მოწყალეებას
 უსრულებლად ჩვეულ,
 სუ განაპირებული-დ
 განს განეულ „რჩეულ“.
 უფალ მაინც არ გვმეტობს
 ჭორ-სამსალით სნეულთ...
 გმადლობ, ჩემ ტკმილ უფალო,
 გიბედავ მუწლს ხმეულ...

 მეაცალ გამიყოლეთ
 თუშეთისაკ, წერონო,
 სუ თავის სვირილს მყოლნო,
 თავის ფიქრის მკერონო.
 მეაცალ მწრებ მომიხატ,
 ჭრელმწიან ოფოფაო,
 შენდარ ლექსის ქსელ მაქსვი,
 ჯადოსან ობობაო.

სიისკ, წერთ წრიალავ?
 სიისაკ ოფოფაო?
 ხქსავალა ობობაო?

 მოხვალ იმამ, როცა მე
 გულ ყირვანში მენვების,
 როცა ქარის დაღენილ
 ტყე მენვების ლერნების.
 მოხვალ იმამ, როცა მე
 გულ ცხრაკლიტულს მემწყვდევის,
 ცისად თვალნანვდენ კოშკში,
 სიაც ვერვინ შესწვდევის.

 მომდის „მინდორაშიით“
 უბნელ ბალ-ბულთ ჟივილ,
 მომდის ჩქარა მომსვლელა
 „ყრუვ დაოსა“ შხივილ.
 სონას დედის მაკასად
 სიბერისა ჩივილ,
 ბალღების დანაციინარ
 ბეჩავ საკოს ნივილ.
 სამსონისი-დ კინთეს
 ერთკვადისა ზივილ,
 მესედოანთ ბერდელის
 „ან-ბან-განავ“, ლივილ.
 გარიბანდიან ფორეს
 ავ-ჩავლაში ლიმილ,
 მომდის ადამა პაპის
 ჳელჯოხანის ლილინ...
 მომდის ჩემ უბნის სურათთ
 უსრულებლად ყივილ.

 მიდ-მოდინ დაღარულ,
 გადატკეცილ სახეებ,
 უთვლელჯურად მოამბენ,
 უთვალავივ სახელებ.
 ფერად საგლოვ ჩაცმულებ,
 ზოგთ ძვირფას, ზოგთ ნაკერებ,
 ცხოვრების ნაყვავილარნ,
 ზოგნ ნასეტყვარნ-ნაფერებნ.
 ყველაისად საითთოდ
 ყისმათ-მწერლის ნანერებ,
 მიდ-მოდინ ჩინჩამდნარნ,
 ზოგნ თვალ-სახე მნათებ...

 ქერის მძიმე თავთავებ
 მინისკ ჩანაკიდარ,
 განახაზარ ბილიკზე
 მვედარ განაკიდარ.

განაცოფარ ღრმა ჳევზე
 ჭრილ ფიჭვ განაწიდარ,
 ფერდზე ლუკმის ნაგლეჯად
 სვავ სვავს ნანაკიდარ.
 თავს ბევრ ცხვაიც მონახილ
 ცა ცრეც, განაფიტარ...

 მანარი ბოლო ღერის
 ბუდიზდ ხვევა, ჩიტო?
 ან შენ ბოლო რკო-კაკლის
 სოროს შეთრა, ციყვო?
 თათ მიშხადე პირს დებად
 დათუნაო, ბრიყვო?
 ეი, დამშვრალ სოფელო,
 ეი, დამშვრალ დიყო.

ბარდედა

მინა ძალიან არის, ჩემ თავ შემოგველოს,
 ერთფერაად ჩრგულებს ნაქუხარსად ნაჩუმარს,
 ერთფერაად ჩამოშლის ნალღარსად-ნანუხარს,
 ერთფერაად ჩრგულებს ნადიდარსად-ნატირალს...
 ერთფერაად ამოშლის ნაცისკრალსად-ნამნუხრალს...
 მინა მურვეელ არის, ჩემ თავ დაგენაცვლოს.

 გულ ძაფზე მიკიდავის
 ვერ ვიც, როდის ჩამოსწყდებ...

 ცრემლის ყრით ჩამოგხედვენთ
 დანანვიმარ ყვავილებ
 ჩამ-ჩუმ ნაფენ სამარეთ...

 ნავ-მოალი-დ ამოალ
 ჩემ დიდ შინის ნარჩომა,
 ნახორ-ნამცეც კერაო.

რამდენ სიზმარ მინახავ
 ჩალიან ღრმა ტახტებში,
 ედემს შესაფერაო.

რამდენ სურნელ დამკმევი
 შენ ტანსხვეულ ყვავილთაჲ
 არაის არ ფერაო.

ძლებავ, ძალით ცხვაკ ყოფნავ,
 ძალით სახეს ღიმშლაო,
 ცხვათ სიმღერის მღერაო.

გულში სუ მანდ ტრიალო,
 სუ მანდ ჭირ-ლხინ ყოფნაო,
 სუ შენ თვალთ ჭერაო...
 ნავ-მოალი-დ მანდ მოალ,
 გულზე თავს შემოგავლებ,
 ედემს შესადრელაო...

 რა იმედ მოგც, რა გირჩიევ
 ბალღამრეულმ თავადაც...

 გულ გამიგალ შენ ნალოდნ
 იმედთ შემოჭკნობამ...

 ახლ იდგების დაღვრემილ
 დანაჩუმარ არეა,
 ღილად ექნებ შენაბამ
 ცას მირგველა მთვარეა.

 შენ რა გქვიან, ყვავილო,
 თებერვალში მნათეო,
 არ მოშიშო სიცივის...



მხატვარი თენგიზ ბორჯაშვილი

დასასრული

ნომერში ბატონ როსტომ ჩხეიძის გამოხ-
მაურების ნაკითხვა მომინია, რომელშიც
ამ სახის ნომერში შექმნის საფუძველზე
შესაბამისი პრიორიტეტების საკითხი იყო
დასმული. სახელდობრ, მითითებული იყო
ოთარ ჩხეიძის ერთ-ერთი ადრინდელი
ნოველის დასასრულში სამსიტიყვიანი წი-
ნადადების ვარიანტითა სრული სიმრავ-
ლის არსებობის ფაქტი. აგრეთვე განიხ-
ილებოდა, რამდენად ეფექტური ან
საჭიროა სწრაფა წინადადების ვარიანტი-
ათა სრული სიმრავლის აგებისაკენ. ამან
ახალი ფიქრები აღმძრა და ერთი ჩემი
ძველი ლექსიც გამახსენა (ამაზეც ქვე-
მოთ). ვიდრე ამ ახალ აზრებს დავალაგებ-
დი და გადაწყვეტილების მიღებას ან განხ-
ორციელებას მოვასწარებდი, ხელში იმავე
გაზეთის უკვე ახალი, მესამე პუბლიკაცია
მეჭირა, რომელშიც პაატა ნაცვლიშვილ-
მა გაგვაცნო სხვადასხვა სიგრიდის წი-
ნადადების სიტყვათა („შესაკრებთა“)
გადანაცვლებების სრული სიმრავლეების
მისაღებად მის მიერ ათწლეულების მან-
ძილზე შესრულებული მართლაც კო-
ლოსალური სამუშაოს კონტურები და
კომპინატორის ცალკეული ასპექტები,
რომლებიც მოგვიანებით შეუსწავლია.
ყოველივე ეს ისევე და ისევე უაღრესად საინ-
ტერესო იყო. ამასთან გამოიკვეთა ერთგ-
ვარი პოლემიკა ორ ლიტერატორს შორის:
როსტომ ჩხეიძე აღნიშნული ტიპის ნაწარ-
მოებთა გამართლებას ვარირებულ
სტრიქონთა ინტონაციური შეფერილობე-
ბის სხვადასხვაობაში ხედავდა და ამ ვარი-
ანტითა შედარებით მცირე ნაწილის მოყ-
ვანა მიაჩნდა საკმარისად, ხოლო პაატა
ნაცვლიშვილი ვარიანტითა სიმრავლის
სისრულის აუცილებლობისკენ იხრებოდა,
პრობლემის წინაისტორიის გააზრებისას
კი მესამე ავტორიც შემოიყვანა — იაკობ
გოგებაშვილი, რომლის „აი ია“-ში დაინ-
ახა განსახილავ სტრუქტურათა ყველაზე
ადრინდელი, თუმცა ასევე ყველაზე მარ-
ტივი (ორელემენტური სიმრავლის) ნიმუ-
ში. მივხვდი, რომ სანამ ყველაფერს გავი-
აზრებდი (პაატას ტელეფონი ხომ ჯერაც
არ მქონდა!), მოვლენები შესაძლოა კიდევ
განვითარებულყო. თანაც ვითარებამ
საჯარო ფორმატი მიიღო, ასე რომ, თუ
რაიმე საყურადღებოს თქმას განვიზრახ-
ავდი, ეს უკვე „ლიტერატურული გახე-
ობის“ ფურცლებზე უნდა მომხდარიყო და
არა კერძო სატელეფონო საუბარში.

პირდაპირ ვიტყვი — თემა მრავა-
ლასპექტიანია, შეფასება კი ცალკეულ
მკითხველთა გემოვნებაზეცაა დამოკიდე-
ბული (აბსოლუტური ხომ ქვეყნად არაფე-
რია!). ამიტომ რაიმე კარდინალურის თქმა
გულშიც არ გამოვიღია. არც ორი მწერლის
პოლემიკაში ვაპირებ ჩარევას. ჩემი
აზრით, ისინი ისეთი ერთდირებული,
მოაზროვნე და, რაც მთავარია, შინაგანი
ინტერესით დამუხტული პიროვნებები
არიან, ძალიანაც რომ ეცადონ, ღრმა ას-
პექტებს მოკლებულ რაიმე მოსაზრებას
თუ თეორიას ვერაფრით მოიფიქრებენ და,
მით უმეტეს, არ გამოიტყვიან საჯაროდ
განსახილავ. მეგონა, რომ ისინი უბრალო-
დ საკითხის სხვადასხვა ასპექტზე არი-
ან კონცენტრირებულნი და, ამდენად,
შესაძლოა, პრინციპულად საკამათო არც
არაფერი აქვთ. ასე თუ ისე, ბოლო პასუხს
ქართული პოეზიისა და ლიტერატურული
აზრის განვითარება მოგვცემს. მე მხ-
ოლოდ რამდენიმე ფაქტს მივანვიძებ მკითხ-
ველს, თუმცა არ მოვერიდები ზოგიერთი
ნიუანსისადმი საკუთარი დამოკიდებუ-
ლების გამუდმებულად.

უპირველესად, პაატა ნაცვლიშვილის
აღნიშნული ლექსის მნიშვნელობას ადას-
ტურებს ის გაოცება, რომელიც მისი ნაკ-
ითხვისას აღიძვრება მკითხველში: რა გამ-
ოგნებლად ღრმა, მოქნილი, დრეკადი,
ფერთა და ფორმათა თვალწინდელი
პოტენციის მფლობელია ქართული ენა!
ამას ყველანი ვვარაუდობდით, მაგრამ
ახლა ეს ყოველივე ცხადად დავინახეთ
კიდევ ერთ ასპექტში: არსებობს ექვსსი-
ტიყვიანი წინადადების 720 ვარიანტი, ყვე-
ლა გრამატიკულად დასაშვები და მეტ-
ნაკლებად იგივე შინაარსის მქონე!
ხოლო ამ „მეტ-ნაკლებად“-ში ნაგულის-
ხმევი ნიუანსობრივი (სტილური, ემოცი-
ური და ასე შემდეგ) სახესხვაობების სიმ-
რავლეც წარმოუდგენლად მრავალსახაა.
რაიმე მსგავსი, ჩემთვის ნაცნობ ენებში,

წარმოუდგენელია (ეს უკვე აღნიშნა ავ-
ტორმაც).
რა თქმა უნდა, ამ თვისებათა მფლო-
ბელი წინადადებების ხვედრითი წილი
მოცემული სიგრიდის წინადადებათა სრულ
სიმრავლეში მცირე იქნება, წინადადების
სიგრიდის ზრდისას კი იგი უჭკველია ნუ-
ლისკენ მიისწრაფვის, მაგრამ ეს უკვე სხვა
საკითხია.

კიდევ ერთი: ვარიანტითა ორი სხვა-
დასხვა დასაშვები ფორმა შეიძლება, სხ-
ვადასხვა რამეს გვეუბნებოდეს. მაგალი-
თად, „მხარზე მზე მართლა ჰქონდა გადე-
ბული თოხივით“ (13.1) პასუხობს კითხვას
— ჰქონდა თუ არ ჰქონდა მხარზე გადე-
ბული მზე, ხოლო „მზე მართლა თოხივით
ჰქონდა გადებული მხარზე“ (93.3) კი კითხ-
ვას: თოხივით ჰქონდა გადებული მზე თუ
რაიმე სხვა საგანივით (თუმცა, ერთგვარი
ძალდატანებით, სხვა ნიუანსის მიწერაც
შეიძლება). ესეც საყურადღებო ასპექტია
(ავტორს ისეთი ვარიანტიც მოჰყავს,
რომლებიც საწყისის საწინააღმდეგო ში-
ნაარსსაც კი ატარებს).

შემდეგ: თუ ნაწარმოებს ლექსად
აღვიქვამთ, მაშინ ისიც საყურადღებო
ფაქტორია, რომ სხვადასხვა ვარიანტი
სხვადასხვა პოეტურ საზომს ემორჩილე-
ბა. მაგალითად, საწყისი სტრიქონი 5/4/5
საზომს მიჰყვება („მხარზე მზე ჰქონდა/
შალვა საბაშვილი

ისევ „შესაკრებთა გადანაცვლების“ შესახებ



გადებული/ მართლა თოხივით“) —
იმავეს, რასაც სტრიქონი „სულ ბორო-
ტო, ვინ მოგიხმო/ ჩემად წინამძღვრად“,
„გადებული/ თოხივით მზე/ მხარზე ჰქონ-
და/ მართლა“ (90.1) — 4/4/4/2 საზომს
(ისე, როგორც „ზუბოვიკიდან/ მომავალ-
მა/ ვნახე ერთი/ ქალი“, ან „ჯერ არას-
დროს/ არ შობილა/ მთვარე ასე/ წყნარი“.
ბარემ ვიტყვი, რომ ეს საზომი ზოგს
გალაკტიონ ტაბიძისა ჰგონია, მაშინ
როდესაც იგი დავით გურამიშვილის შე-
მოტანილია), „მხარზე თოხივით/ ჰქონდა/
მზე გადებული/ მართლა“ (39.1) — 5/2/5/
2 საზომს, „მხარზე ჰქონდა/ მართლა მზე/
გადებული/ თოხივით“ (31.1) კი 4/3/4/3
რიტმს მიჰყვება, როგორც „ლურჯა ცხ-
ენები“. მერეა რა? — იტყვიან.
არაფერი, თუკი ლექსის მუსიკას უგულე-
ბელყოფთ (თუმცა, მაშინ საერთოდ რაღა
შეგვრჩება?). თუმცა, ზოგან საზომი თითქ-
მის მთლიანადაც ქრება. აი, თუნდაც: „მზე
თოხივით მხარზე გადებული მართლა
ჰქონდა“ (24.3) ლამის მთლად პროზაა. ეს-
ეც ერთგვარად გააძნელებს ნაწარმოებ-
ის ლექსად აღქმას.

კიდევ ერთი შემობრუნება აზრისა:
ჩვენს წინაშეა 720 სრულიად განსხვავებუ-
ლი სტრიქონი. ვთქვათ ამ სტრუქტურას
მივანერეთ გარკვეული პოეტური შინაარ-
სი. მაგრამ საიდან გაჩნდა სტრიქონთა
ზუსტად ამგვარი თანმიმდევრობა? ეს ხომ
ავტორისეული, შემთხვევითი, კონკრეტ-
ული დალაგება! შევეცვალოთ პირველ
და 720-ე სტრიქონებს ადგილები — უკვე
მივიღებთ სხვა დალაგებას, ანუ სხვა
ლექსს! სტრიქონთა რომელიმე სხვა წყვი-
ლის ურთიერთშენაცვლებით კიდევ ერთ
ახალ ლექსს მივიღებთ და ასე შემდეგ. სულ
კი რამდენი ლექსი გამოვა? ეს იქნება
გონებისათვის აბსოლუტურად მიუწვ-
დომელი რაოდენობა. მართლაც, აქაც
გადანაცვლების იგივე პრინციპი მო-
ქმედებს, რაც ფაქტორიალის ცნებას უკვე
შირდება. თუ 6 სიტყვა 720 განსხვავებულ
სტრიქონს წარმოქმნის, 7 — 5040-ს და ასე
შემდეგ. 720 სტრიქონის სიმრავლეც
ანალოგიურადვე მის ელემენტთა
(სტრიქონების) მიმდევრობების (ანუ ლექსე-
ბის) 720-ის ფაქტორიალის ტოლ რაოდე-
ნობას მოგვცემს. ეს კი 1-დან 720-მდე ყვე-

ლა ნატურალური რიცხვის ნამრავლს
უდრის, ამიტომ ბევრად აღემატება 620
ცალი ასიანის ნამრავლს, ანუ 1-ით და მის
მარჯვნივ მინერილი 1240 ნულით გამო-
სახულ რიცხვს! ამ უკანასკნელის გრან-
დიოზულობის წარმოსადგენად, უფრო
ზუსტად კი მის წარმოუდგენლობაში
დასარწმუნებლად, საკმარისია აღვნიშ-
ნოთ, რომ ჩვენი გალაქტიკის წარმოქმ-
ნიდან გასული წამის მემილიარდელების
რაოდენობა დაახლოებით 1-ითა და 27
ნულით გამოისახება, ამავე რიცხვჯერ
ნაკლებია ელექტრონის მასა ყურძნის
მარცვლის მასაზე, ხოლო ტელესკოპები-
სთვის მისანვდომი მთელი მეტაგალაქ-
ტიკის (ხილული სამყაროს) მასა
ელექტრონის მასას მხოლოდ 1-ითა და
მისთვის მარჯვნივ მინერილი 81 ნულით
გამოსახულ რიცხვჯერ აღემატება!
დედამიწაზე მცხოვრებ 10 მილიარდამდე
ადამიანიდან თითოეულს რომ მილიარდ-
ჯერ მილიარდი თვალი ჰქონდეს, თი-
თოეული მათგანით წამის მემილიარდე-
ში მილიარდ ლექსს კითხულობდეს, და ეს
პროცესი გრძელდებოდა მეტაგალაქ-
ტიკის არსებობის მთელი 14 მილიარდი
წლის განმავლობაში, მაშინაც კი ნაკითხ-
ულ ლექსათა სრული რაოდენობა 1-ითა და
მხოლოდ 64 ნულით ამოიწურებოდა! კო-
მენტარიც არაა საჭირო.
ისევე გამოქვეყნებულ 720-სტრიქონიან

ლექსს დავუბრუნდეთ. აშკარაა, მას
თავიდან ბოლომდე ცოტა ვინმე წაიკითხ-
ავს — უკვე წაიკითხულ სტრიქონთა ხსოვ-
ნაში შენარჩუნება და ყოველი ახალი
სტრიქონის წინათგან განსხვავებულო-
ბის ფიქსირება მხოლოდ კომპიუტერს თუ
შეუძლია! ნაკითხვის გარეშე კი ნაწარმოე-
ბი ფუნქციას ნაწილობრივ კარგავს.

არ გამოვიკრძალო აღნიშნული ქმ-
ნილება რომელიმე ენათმეცნიერულ ჟუ-
რნალში მენახა დაბეჭდილი — მისი ფაქ-
ტობრივი სიმდიდრე ამასაც იმსახურებს.

ახლა კი გადანაცვლებათა რაოდენო-
ბის შესახებ. თუ სიტყვებს a,b,c,d,e,f ასოე-
ბით აღვნიშნავთ, ერთ-ერთი წინადადება
abcdef იქნება. სიტყვათა ყველა შესაძლო
გადანაცვლების შედეგისა და წი-
ნადადების პირველი სიტყვის ამორჩევის
6 სხვადასხვა შესაძლებლობა გვაქვს, თი-
თოეული მათგანისთვის მეორე სიტყვის
მინერისა — უკვე მხოლოდ 5 შესაძლებლო-
ა, ასე მიღებული სიტყვათა 6.5 წყვილი-
სათვის მესამე სიტყვის მინერის 4 გზა
გვრჩება, მიღებულ 6.5.4 სამეულისთვის
მეოთხე სიტყვის არჩევისა — 3, მეხუთე
სიტყვისა — მხოლოდ 2, მეექვსე კი აუცი-
ლებლად დარჩენილი ერთადერთი სიტყ-
ვა იქნება. აქედან, კომბინაციითა (ანუ
წინადადებათა) სრული შესაძლო რაოდე-
ნობა იქნება 6.5.4.3.2.1 ნამრავლი ანუ 6-ის
ფაქტორიალი.

მე შევეცადე ამომეცნო, კონკრეტუ-
ლად როგორი რიგით დალაგა არამათემ-
ატიკოსმა ავტორმა სიტყვათა ყველა შესა-
ძლო 720 კომბინაცია ანუ მიღებული ექვს-
სიტყვიანი წინადადებები (ეს შეიძლება
უამრავი გზით მოხდეს!). აღმოჩნდა, რომ
მან მიაგნო ძალზე ეფექტურ გზას (ამაზე
ის არ გვიყვება): სიტყვათა abcdef ექვსეუ-
ლი წარმოადგინა (abc)(def) სამეულთა
წყვილის სახით. შემდეგ შეადგინა (abc)
დასრულის ნევრთა ყველა შესაძლო
დალაგება (ასეთი ექვსია: abc, acb, bca, bac,
cab, cba) და (def) სამეულის ასევე ყველა
შესაძლო მიმდევრობა (ასეთი ექვსია);
მერე კი პირველი ექვსეულიდან თი-
თოეულს რიგრიგობით მიუწერა მეორე
ექვსეულიდან თითოეული, რითაც მიიღო
6.6 ანუ 36 წინადადება. მერე შეადგინა
a,b,c,d,e,f სიმრავლიდან სიტყვათა პირვე-

ლი სამეულის ყველა ვარიანტი (თი-
თოეულში დანარჩენი 3 სიტყვა ავტომატ-
ურად ქმნის სიტყვათა მეორე სამეულს,
ანუ ასრულებს წინადადებას) —
(a,b,c)(d,e,f) წინადადების მარცხენა ფრჩხ-
ილის ab, ac, bc შესაძლო წყვილებიდან თი-
თოეულს რიგრიგობით მიუწერა მარჯვე-
ნა ფრჩხილის d,e,f სიტყვები, რაც 9
„შერეულ“ სამეულს იძლევა (abd, abe, ...,
bcf), შემდეგ მარჯვენა ფრჩხილის de,df,ef
შესაძლო წყვილთაგან თითოეულს რი-
გრიგობით მიაწერა უკვე მარცხენა ფრჩხ-
ილის a,b,c ნევრები (აქაც 9 „შერეულ“
სამეულს ვიღებთ: dea, deb, ..., efc), მიღე-
ბულ 18-ს კი მიამატა ორი „წმინდა“ სამეუ-
ლი abc და def. ასე მიღებული 20 სამეული
20 ექვსსიტყვიან წინადადებას გან-
საზღვრავს. და რადგან თითოეული მათ-
განი მარცხენა და მარჯვენა სამეულების
შიგნით სიტყვათა გადანაცვლების 36
ვარიანტის უმეტეს, სულ 720 ერთმანეთი-
საგან განსხვავებულ წინადადებას
ვიღებთ. ეს კი სრული სიმრავლეა. წარმო-
მიდგენია, რამდენი ფიქრი და ვარჯიში
დასჭირდებოდა ავტორს ამის მისაგნებად!
სამაგიეროდ მან წინადადებათა ძალზე
სახიერი და თვალსაჩინო ჩამონათვალი
მიიღო — სხვა შესაძლო მიმდევრობათა
შეუცდომლად შედგენა გაცილებით ძნე-
ლი იქნებოდა.

და მაინც, ეტყობა ამ გრძელ გზაზე
ავტორმა ოდნავ მოაღუნა ყურადღება ორ
ადგილას. შედეგად ორ-ორჯერ მოიყვანა
12 წინადადება, ამიტომ გამოჩნდა სხვა 12,
ანუ 720-დან არსებითად მხოლოდ 708 გან-
სხვავებული წინადადება წარმოადგინა. ეს
უნებლიე უზუსტობაა, მაგრამ მაინც
აუცილებლად გასასწორებელი, თუნდაც
მომავალ წიგნში. ამიტომაც ვუთითებ
მასზე.

სახელდობრ, სტრიქონთა ექვსეული
(ავტორის ნომერაციით) 5.1, 5.2, 5.3, 5.4,
5.5, 5.6 უცვლელად იმეორებს 2.1, 2.2, 2.3,
2.4, 2.5, 2.6 ექვსეულს. უკანასკნელს ასე-
თი სახე აქვს:

- 2.1 ჰქონდა მზე მხარზე გადებული
მართლა თოხივით
- 2.2 ჰქონდა მზე მხარზე გადებული
თოხივით მართლა
- 2.3 ჰქონდა მზე მხარზე მართლა
თოხივით გადებული
- 2.4 ჰქონდა მზე მხარზე მართლა
გადებული თოხივით
- 2.5 ჰქონდა მზე მხარზე თოხივით
გადებული მართლა
- 2.6 ჰქონდა მზე მხარზე თოხივით
მართლა გადებული

შეცდომის გასასწორებლად 5.1, 5.2, 5.3,
5.4, 5.5, 5.6 ექვსეულში სიტყვათა მეორე
და მესამე სვეტები უნდა შენაცვლდეს
ერთმანეთთან, რაც მოგვცემს სწორ გან-
ლაგებას:

- 5.1 ჰქონდა მხარზე მზე გადებული
მართლა თოხივით
- 5.2 ჰქონდა მხარზე მზე გადებული
თოხივით მართლა
- 5.3 ჰქონდა მხარზე მზე მართლა
თოხივით გადებული
- 5.4 ჰქონდა მხარზე მზე მართლა
გადებული თოხივით
- 5.5 ჰქონდა მხარზე მზე თოხივით
გადებული მართლა
- 5.6 ჰქონდა მხარზე მზე თოხივით
მართლა გადებული

ზუსტად ასევე, სტრიქონთა ექვსეული
100.1, 100.2, 100.3, 100.4, 100.5, 100.6 უცვ-
ლელად იმეორებს 97.1, 97.2, 97.3, 97.4, 97.5,
97.6 ექვსეულს, რომელსაც ასეთი სახე
აქვს:

- 97.1 ჰქონდა გადებული მართლა
მხარზე მზე თოხივით,
- 97.2 ჰქონდა გადებული მართლა
მხარზე თოხივით მზე,
- 97.3 ჰქონდა გადებული მართლა
მზე თოხივით მხარზე
- 97.4 ჰქონდა გადებული მართლა
მზე მხარზე თოხივით
- 97.5 ჰქონდა გადებული მართლა
თოხივით მხარზე მზე
- 97.6 ჰქონდა გადებული მართლა
თოხივით მზე მხარზე

შეცდომის გასასწორებლად 100.1,
100.2, 100.3, 100.4, 100.5, 100.6 ექვსეულში
ერთმანეთს უნდა შეუნაცვლდეს პირველი
და მეორე სვეტები, რაც მოგვიყვანს სწორ
განლაგებამდე:

- 100.1 გადებული ჰქონდა მართლა
მხარზე მზე თოხივით

- 100.2 გადებული ჰქონდა მართლა მხარზე თოხივით მზე
- 100.3 გადებული ჰქონდა მართლა მზე თოხივით მხარზე
- 100.4 გადებული ჰქონდა მართლა მზე მხარზე თოხივით
- 100.5 გადებული ჰქონდა მართლა თოხივით მხარზე მზე
- 100.6 გადებული ჰქონდა მართლა თოხივით მზე მხარზე

ესაა და ეს. მეტი უზუსტობანი მოყვანილ ლექსში არ არის — გულდაგულ შევამოწმე. ავტორს რომ სტრიქონთა მიმდევრობის ნაკლებ თვალსაჩინო ხერხი შეეჩინა, ცდომილებები შეიძლება მეტი დაეშვა და მათ ასე ადვილად ვერც აღმოვაჩენდით.

ბატონი როსტომი ვარაუდობდა, რომ იგი ერთადერთი იყო, ვინც განსახილველი ლექსის ყველა სტრიქონი წაიკითხა. როგორც ხედავთ, ეს ასე არ ყოფილა. მე, ჩემი მხრივ, ვვარაუდობ, რომ ერთადერთი მკითხველი ვარ, ვინც ბოლომდე შეამოწმა სტრიქონთა ურთიერთგანსხვავებულობა. შეიძლება, არც ეს ვარაუდია სწორი.

ახლა წარმოიდგინეთ, რა თავსატეხი იქნება შვიდ და მეტსიტყვიან წინადადებათა ყველა შესაძლო ფორმების სიმრავლის ზუსტი შედგენა და, ასევე, წაკითხვა.

დამრჩა, გითხრათ, ჩემი რომელი ლექსი გამახსენა აღნიშნულმა პოლემიკამ და რატომ. ესაა „სევდიანი მუსიკა“ (თავიდან სათაურად „მთებიდან“ მქონია), რომელიც დამინერია 28 წლის წინათ, 1987 წლის 1 ოქტომბერს 12 საათსა და 3 წუთზე უნივერსიტეტის მაღლივი კორპუსის მისაღვომებთან (ჩემი ყველა, 8 ათასამდე ლექსის შექმნა ზუსტად მაქვს დოკუმენტირებული). აი, ისიც:

სევდიანი მუსიკა

მოგდგომია უეცრად უცნობი ბურუსი კარს, ჩამოიფრქვა მთებიდან სევდიანი მუსიკა.

დავინყების ფერი კრთის ნაცნობ ზეანთებიდან, სევდიანი მუსიკა ჩამოიფრქვა მთებიდან,

თითქოს ხმლის სიდიადეს მკვიდრი ფუძე მოერყა, სევდიანი მუსიკა მთებიდან ჩამოიხრბა.

ო, გრძნობ, ვერ მიაღწიე! ვით მიაღწევი ან იქ! მთებიდან ჩამოიხრბა მუსიკა სევდიანი.

რად მოგადგა უეცრად უცნობი ბურუსი კარს? მთებიდან სევდიანი ჩამოიხრბა მუსიკა.


ლექსი გამოქვეყნდა დაწერიდან 10 წლის შემდეგ ჟურნალ „მნათობის“ 1997 წლის 11-12 ნომერში. ეს იყო არჩილ სულაკაურის რედაქტორობით გამოსული უკანასკნელი ნომერი.

როგორც ხედავთ, ეს არის კონვენციური რითმიანი ლექსი, აგებული ორსტრიქონიანი სტროფებით. სტროფთა პირველი სტრიქონები ერთმანეთისაგან სრულიად განსხვავებულნი არიან, მეორე სტრიქონები კი ერთმანეთს ემთხვევიან სიტყვათა შემადგენლობით, ოღონდ განსხვავდებიან მათი დალაგებით. ამრიგად, სწორედ მეორე სტრიქონების მეშვეობითაა განხორციელებული ამ ლექსში ეგრეთ წოდებული შესაკრებთა გადანაცვლების პრინციპი, თუმცა არა მის ამოწურვამდე. ამგვარი ამოწურვა არც ჩამოიფრქვება. რომ ჩამოიფრქვებინა, 24 სტროფის შექმნა მომიხდებოდა, რაც გაჭიანურებულობის შეგრძნებას დაბადებდა. ამას გარდა, ამ ლექსის პოეტური საზომი გამოისახება სქემით 4/3/4/3/, რაც ნიშნავს, რომ კენტნომრიანი მუსიკები 4-მარცვლიანია, ლუნნომრიანი კი 3-მარცვლიანი. წინააღმდეგ შემთხვევაში მელოდია შეიცვლება. რეალურად, მესამე სტროფში ეს პირობა დარღვეულია („სევდიანი/მუსიკა/მთებიდან/ჩამოიხრბა“ — 4/3/3/4 საზომითაა აგებული), თუმცა ოდნავი ძალდატანებით ეს სტრიქონი მაინც შეიძლება წაკითხვით თავდა-

პირველი სქემით: სევდიანი/მუსიკა/მთებიდან ჩა/მოიხრბა. ამისკენ გვიბიძგებს ისიც, რომ ოთხმარცვლიანი „ჩამოიხრბა“ ერთიმეხა დაქტილ „მოიხრბა“-ს. მაგრამ იგივე თითქმის შეუძლებელი იქნება, ვთქვათ, სტრიქონში „სევდიანი/ჩამოიხრბა/მთებიდან/ მუსიკა“ (საზომი არც თუ მელოდიური 4/4/3/3-ია), თუმცა იგი აზრობრივად გამართულია და საწყის შინაარსთანაც თანხვედნილი.

რატომ დაინერა ამგვარი ლექსი? რა თქმა უნდა, შემოქმედებითი პროცესის წინმსწრები თუ თანმხლები ყველა წვრილმანი შეუძლებელია ახსოვდეს ან თუნდაც უბრალოდ გაცნობიერებული ჰქონდეს ავტორს, მაგრამ მთავარი მოტივები ჩემთვის ნათელია. სახელდობრ, როგორც ჩანს, რალაცამ იმდენად დამასვედიანა, რომ ამ ფაქტის ერთჯერადმა აღნიშვნამ არ დამაკმაყოფილა და მოვიხდომე მისი რამდენჯერმე განმეორება. შესაძლოა, ნაწილობრივ თვით სტრიქონის („ჩამოიხრბა მთებიდან სევდიანი მუსიკა“) სილამაზემ დამატყვევა და აღარ მინდოდა მას მალე განვმორებოდი. სტილური სიახლის ძიებაც თავის როლს შეასრულებდა. ამასთან, ყოველი ვარიანტი სიტყვებისა აზრის თუ ემოციის ახალ ნიუანსს ბადებს. თუ პირველი სტროფის

თა თუ განწყობილებათა დასახნადად გამოტანას ემსახურება. ამაზე ლექსის დედანიც მეტყველებს: როცა 4-სიტყვიანი საწყისი სტრიქონის თითოეული სიტყვა მოექცა სტრიქონის ბოლოში, ანუ გარეგნულად ამოიწურა თვალთახედვათა სიმრავლე, ლექსიც თითქოსდა უნდა დამთავრებულიყო, მაგრამ ასე არ მოხდა: დაინერა მეხუთე სტროფიც, რომელმაც გაიმეორა ლექსის დასაწყისი (ეს გავრცელებული ხერხია, რომელიც საშუალებას იძლევა კიდევ ერთხელ გამოიკვეთოს ლექსის მთავარი თემა), ანუ კიდევ ერთხელ იქნა ნახსენები ავტორის დასვედიანება, ოღონდ ორი ცვლილებით: პირველი (არა „მოგდგომია“, არამედ „რად მოგადგა“) მოვლენის მიზეზის გააზრების მცდელობას მიაჩნებდა, მეორე კი იმით გამოიხატება, რომ მეორე სტრიქონი ჯერ უცვლელად გადმოიტანა პირველი სტროფიდან („ჩამოიხრბა მთებიდან სევდიანი მუსიკა“), მერე კი სიტყვა „ჩამოიხრბა“ პირველი ადგილიდან წინადადების მესამე და მეოთხე სიტყვებს შორის გადაიტანა („მთებიდან სევდიანი ჩამოიხრბა მუსიკა“). ამით კი ლექსში დამატებითი, მეხუთე გადანაცვლება გამოჩნდა! ანუ ვარიანტის პროცესი გაღრმავდა და ნიუანსთა სიმრავლაც გაფართოვდა. ამით



სტრიქონში ეს „სევდიანი მუსიკა“ სტრიქონის ბოლოდან აღწევს მკითხველის სმენამდე, მეორე სტროფში იგი უკვე თავიდანვე შემოდის სივრცეში და ცდილობს მკითხველის მონუსხვას („სევდიანი მუსიკა ჩამოიხრბა მთებიდან“). მესამე სტროფში აქცენტირებულია ამ მუსიკის გამოჩენა პორიზონტიდან, გარესინამდვილიდან, პოეტის გარემომცველი ობიექტური მოვლენებიდან („მთებიდან ჩამოიხრბა“) — ესეც ღირებული ინფორმაციაა, რადგან იგივე მუსიკა შეიძლება და უშუალოდ პოეტის სულის სიღრმეში დაძრულიყო (ცოტაა სულის აგებულებაში ამგვარი უეცარი რხევების მიზეზი?). მეოთხე სტროფში დამატებით ხაზგასმულია, რომ მუსიკა, რომელიც „ჩამოიხრბა“, სევდიანი იყო და არა მაჟორული, მოხეიძე, შთაგონებული და ასე შემდეგ. და ეს მიღწეულია სიტყვა „სევდიანის“ სტრიქონის ბოლოში მოქცევით ანუ სარიტმოდ ერთეულად გატანით. რითმა რომ ლექსის არსის ღრმად გაშუქების (მეტე, მისი შექმნის!) კარგი საშუალებაა, ყველა პოეტმა იცის (უნდა იცოდეს!). მეხუთე სტროფში კი წინა პლანზე წამოიწვეა ზმნა, მოქმედების გამოხატველი სიტყვა („ჩამოიხრბა“). რა თქმა უნდა, ყველა ეს მინიშნებული ნიუანსი საწყის სტრიქონში ისედაც მოიხრება, მაგრამ მოაზრება ანუ გულისხმობა ერთია, მათი რიგრიგობით წინა პლანზე წამოიწვევა და მკითხველისთვის მინათება ლექსის კითხვის მსველელობაში კი სწორედ ამ სტილური ხერხებით ხდება შესაძლებელი (ამ შემთხვევაში ცალკეული სიტყვების წინადადების სხვადასხვა ადგილებზე გამომზეურებად). ეს შუქრიდული თამაშია, ერთნაირად მნიშვნელოვანი პოეზიაში, ფერწერაში, მუსიკაში და ასე შემდეგ, რომელიც დროებით ალაგ-ალაგ მოფარებულ სახე-

დასტურდება, რომ განსახილველი მოვლენა („შესაკრებთა გადანაცვლება“, როგორც ხერხი ლექსის შინაარსის გაღრმავებისა და ნიუანსობრივ-ემოციური გამდიდრებისა) იმ პერიოდში უკვე ჩემი ფიქრის აპკარა საგანი ყოფილა. ჯერ შემომნებლად მიჭირს დაბეჯითებით მტკიცება, მაგრამ ეს ხერხი ვგონებ ჩემს ზოგ სხვა ლექსშიც უნდა იყოს გამოყენებული. რაც შეეხება გადანაცვლებათა შესაძლო რიცხვს, ეს საკითხი ჩემთვის გასარკვევი არ იყო — ფაქტორიალის არსი ისედაც დიდი ხნის წინ მქონდა გაცნობიერებული (ახლაც თვალწინ მიდგას, 55 წლის წინ უნივერსიტეტის დერეფანში ლექციისთვის შესვენებაზე თანაკურსელ გოგონას მისი თხოვნით „ჰაერში“ როგორ დაფუძკიცე შესაბამისი ფორმულა), ამიტომ ჩემს შემთხვევაში ყველაფერი მხოლოდ ახალი პოეტური ხერხის მიგნებით ამოიწურა. კიდევ ერთი. იმ პუბლიკაციაში რატომღაც მე-4 სტროფი ვერ მოხდა. ეტყობა რედაქტორს მოეჩვენა, რომ ვარიანტები მეტისმეტად ბევრი იყო (თუმცა სულ 5 გამოვიყენე 24-დან), ანუ შეფიქრინდა, ხომ არ მობეზრდებოდა ისინი მკითხველს. ან იქნებ აქსიომად მიიჩნია, რომ, რაბან წინადადება ოთხსიტყვიანი იყო, ვარიანტათა რიცხვიც ოთხი უნდა ყოფილიყო. ამას ველარავინ დაადგენს, მაგრამ თვით ამგვარი ჩარევის ფაქტი რალაცას მაინც მიაჩნებდა ზემოხსენებული პოლემიკის გააზრებისთვის. ბოლო მსჯელობანი მცირე ნიმუშია პოეტის მიერ საკუთარი შემოქმედებითი პროცესის ანალიზისა, რაც მსოფლიო ლიტერატურაში გავრცელებულია, საქართველოში კი თითქმის უგულვებლყოფილი. არადა, ვის მოეხსენება პოეტის

შემოქმედების საიდუმლოებანი მასზე უკეთესად? რა მინდოდა ყოველივე ამით მეტეჯა? არაფერი, გარდა იმისა, რომ ის, რამაც პაატა ნაცვლიშვილის ყურადღება მიიპყრო, მეც მომხვდა თვალში ამ ოცდაათიოდე წლის წინ, და რომ „შესაკრებთა გადანაცვლების“ ეფექტი მნიშვნელოვანია პოეტიკისათვის. კიდევ ერთხელ გამოვხატავ ღრმა პატივისცემას პაატა ნაცვლიშვილის მაძიებელი ბუნების მიმართ. P.S. ვაპირებდი, აღმენიშნა და გამომრჩა: ახლა ჩემთვის ძნელია გახსენება, მქონდა თუ არა ლიტერატურაში მანამდე წაკითხული რაიმე ისეთი, რასაც შეეძლო ჩემთვის განსახილველი სტილური სიახლე ეკარნახა. გასაკვირი არაა, კიდევაც მქონოდა — სიცოცხლის ძირითადი თვისება ხომ გარეინფორმაციაზე რეაგირებაა. შეიძლება ამგვარი ბიძგი მათემატიკიდანაც მომდინარეობდეს. P.S.P.S. ეს ესაა ვახტანგ ჯავახიძის ბრწყინვალე წიგნის — „უცნობი“ — მორიგი გადანაცვლებებისა თვალში მომხვდა ამ წერილის თემასთან უშუალოდ დაკავშირებული ნიუანსი: ავტორი ყურადღებას ამახვილებს გალაკტიონ ტაბიძის ექსპერიმენტებზე, მათ შორის წინადადებათა სხვადასხვა ვარიანტების მოსინჯვის ჩვენზე. კერძოდ, ამგვარი ექსპერიმენტი მას ჩაუტარებია სტრიქონზე: „კაცის გული ისეთია, ვით მორვეი ზღვისა“. ვახტანგ ჯავახიძეს მოჰყავს 5 ვარიანტი. მართალია, ერთ-ერთი მათგანი საერთოდ ახალი, გადაკეთებული ფორმაა, შეცვლილი სიტყვებითა და გაღრმავებული აზრით („კაცის გული ისეთია, თრთის შავი ზღვის მორვეით“), მაგრამ 4 დანარჩენი უკვე წმინდა წყლის ვარიანტებია. თქვენვე შეადარეთ ზემომოყვანილ სტრიქონს: „კაცის გული ისეთია, ვით მორვეი ზღვისა შავის, ვით მორვეი შავი ზღვისა კაცის გული ისეთია, ვით მორვეი შავი ზღვისა შავის, ვით მორვეი ზღვისა შავის, ისეთია გული კაცის“. დამეთანხმებით, ვერც ამ მასალას ავევლით გვერდს „შესაკრებთა გადანაცვლების“ პოეტური ფენომენის განხილვისას. ოღონდ სამართლიანია გავხაზოთ, რომ გალაკტიონ ტაბიძის ეს ჩანაწერი მხოლოდ მოსინჯვას წინადადებაში სიტყვათა სხვადასხვა განლაგებით აღძრული ემოციური ეფექტების ურთიერთშედარებისა, ოღონდ აქ არაა შექმნილი რაიმე მხატვრული ნაწარმოები და, მით უმეტეს, საქმე არა გვაქვს ერთ ლექსში სიტყვათა ერთი და იმავე სიმრავლისგან შედგენილი რამდენიმე სტრიქონის ერთდროულ მოქცევაზე. ეს გასათვალისწინებელია. ისე კი, გალაკტიონ ტაბიძის ეს ექსპერიმენტი 7-სიტყვიან წინადადებას ეხება! აქ ვარიანტათა სრული სიმრავლე უკვე 5040 წინადადებას გვაძლევს! ვეჭვობ, ვინმე დათანხმდეს მის სრულ ამონერას. აზრი არა აქვს, თუნდაც იმტომ, რომ ამ წინადადებაში მსაზღვრელ-საზღვრულის ორი წყვილია („კაცის გული“ და „მორვეი ზღვისა“), და ყველა ვარიანტის შორის ასეთიც მოიძებნება: „კაცის მორვეი ისეთია, ვით გული შავი ზღვისა“. აღარას ვამბობ „კაცის ზღვისა ვით ისეთია მორვეი შავი გული“ და სხვა მსგავს წინადადებაზე. შეიძლება საინტერესო იყოს, ვარიანტათა რამდენი პროცენტი ინარჩუნებს საწყისი წინადადების აზრს. ალბათ ვინმე ამასაც შეამოწმებს. კიდევ ერთ ასპექტს მინდოდა შევხებოდი: წინადადების შინაარსის სხვადასხვა ნიუანსების მიღება სიტყვათა ყოველგვარი გადანაცვლების გარეშეცა შესაძლებელი, სახელდობრ, ამა თუ იმ სიტყვის აქცენტირებით. ცხადია, ვგულისხმობ კითხვის პროცესს, თუმცა ხანდახან წერის დროსაც იყენებენ ამა თუ იმ სიტყვაზე მახვილის მითითებას, განსაკუთრებით წაკითხვის მრავალნაირობის გამოსარჩევად. ეს ფაქტი კიდევ უფრო აფართოებს „შესაკრებთა გადანაცვლების“ ხერხის მრავალფეროვნებას, მაგრამ ამ ასპექტს აქ არ ვაგვლი — ასე რომ, ამით დავამთავრობ.

რამდენიმე მოთხრობა ნავიკითხე ჩვენს ლიტერატურულ ჟურნალ-გაზეთებში. ასეთი რამ, გამოვცემდები, ჩემთვის უმკითხველს ამბავია. მხატვრული პროზა ნიგნად მიყვარს და არა პრესის ფურცლებზე. უკანასკნელად ვაჟა გიგაშვილის სამი მოთხრობა მომეწონა, ჟურნალში ნაკითხული. მას შემდეგ კი დიდი დროა გასული, ათწლეული მაინც.

ამ ახალნაკითხულებს, ჩემი განსჯით, არც კარგი ეთქმით და არც ცუდი. „კაიფები“, „ლომკები“, „ბარიგები“, თბილისის ერთი და იგივე ქუჩა, სულ ერთი და იგივე ქუჩა, ყოვლად ერთი და იგივე ქუჩა ვერა-ვაკისა თუ მთაწმინდის უბანში. ავტორი ქალია თუ ვაჟი, ძნელად განირჩევა — ყოვლად აუცილებელი „მკიდა“, ანდა „მეთქი ეს ვინ სირია, ტო“... იქნებ მაინცა და მაინც მე შემხვდა ამ ყაღიბის მოთხრობები? ხოლო თუ მთელი საქართველო ეგრეთ-ნოდებული „მორფინისტების ჟარგონით“ აღაპარაკდა და სხვა ხალხი დაილია, ჩვენით ხომ არ გამოგვეგონებინა?

ეს სიტყვები და გამოთქმები, ბეჭდურადაც და სცენიდანაც ასე რომ მოგვიხმირდა, თუ მართლა საჭირო გახდა, კი ბატონო, რატომაც არა... ხან რისხვიანია, ხანაც გაციანარი. მაგრამ ყოველ მეორე ფრაზაში რისთვის უნდა გჭირდებოდეს? ისინი იმით არიან გამორჩეული, რომ ტაბუირების გამო უზარმაზარი ენერჯია ახლავთ.

სრული ნებადართულობის შედეგად, რა დიდი მიხვედრა უნდა, ენერჯია ეცლებათ, რაც ენის წინაშე ჩადენილი დანაშაულია, მას არა მხოლოდ სტილისტიკურად, სტრუქტურულადაც ვაღარებთ.

გაგანია საბჭოთა პერიოდი იყო, როცა ბაჩანა ბრეგვაძემ მითხრა: — ღმერთმა ქნას, თავისუფალ საქართველოს მოვესწროთ, მაგრამ აქედანვე შეგუებულეები უნდა ვიყოთ, რომ დიდი კულტურული აღმავლობა არ გველოდება. დაღმასვლა კი სავსებით მოსალოდნელია.

ცოტა არ იყოს, გამიკვირდა. თავისუფალი საქართველო აკი მიწიერ სამოთხედ გვესახებოდა.

არგუმენტი ასეთი ჰქონდა: — კულტურა ეკონომიკური პარაზიტია, ერის ზედმეტი შემოსავლით ცხოვრობს. პატარა ქართულ სახელმწიფოს დიდი კულტურის შენახვის თავი არასოდეს ექნება. დღესაც არ მინდა დაჯერება.

ყოველ ახალ პუბლიკაციაზე, მიღებულია, ავტორს ქებას ეუბნებიან, ზოგჯერ კიდევაც ურეკავენ. ზოგიერთი ავტორი აქედან დაგირეკავს, ადვილად არ შეგეშვება, აღმატებული სიტყვები უნდა გამოგძალოს.

— შენ სულ შედეგებს უნდა ნერდე? — ხუმრობით ვუთხარი ერთ პოეტ ქალს. იმეორა და იმეორა, ვერავითარმა წლებმა ვერ დალაღა. ბოლოს უკვე ძალიან უხერხულად ვიშმუშნებოდი. თუმცა მისი ნანერებიდან ზოგი რამ გულწრფელად მომწონდა.

სამაგიეროდ, თვითონაც დიდი ხალხით მიხდიდა ვალს: — რა ვისიამოვნე, ო, რა ვისიამოვნე! და ზოგჯერ, წარმოიდგინეთ, ნაკითხული ჰქონდა, რასაც მიქებდა. ასეთი შემთხვევებიც გამოგვრევია.

ყოველი ამგვარი სახელდახელო ქება ძირითადად ყასილია, სიმართლე იშვიათად ურევია.

— შესანიშნავია, — მეუბნება ნაცნობი ხმა ტელეფონზე, — ის „ზზზზზ“ მაინც რა არის, რამდენი ვიცინე, ვაიმე, რამდენი ვიცინე! შემდეგ ჯერზეც იმავეს მეუბნება, შემდეგ ჯერზე — კიდევ იმავეს. უნდა დამიმტკიცოს, რომ მართლა ნაკითხა, ჰაერზე კი არ მელაპარაკება.

არადა, თვალის არ შეუვლია, ყური აქვს სადღაც მოკრული. ალბათ რედაქციამივე რაღაც ითქვა. კარგი დახლი დამდგომია, ყველაზე

დავით ნერედიანი

თემა და პარიაციები



უკეთესი ეგ „ზზზზზ“ თუ დაგწერე. მინდოდა მეკითხა, თავი ძლივს შევიკავე:

— ის არ მოგეწონა, ქარების კლასიფიკაცია? მე მგონი, ძალიან დრამატულია.

და თუმცა მსგავსი არაფერი მინერია, სიტყვასიტყვით ვიცი, რასაც მიპასუხებს: — ვაიმე, რას ამბობ, მომეწონა ცოტაა, ვკითხულობდი და სულ ჟრუანტელი მივლიდა!

— ალო! — ეს უკვე სხვა ხმაა, — ნავიკითხე! — დიდი მადლობა! — ამას მართლა ნაკითხული ექნება.

კარგა ხნის ქმუჭუნის მერე მეუბნება: — იცი, მე კი მომწონს, მაგრამ სხვები ამბობენ... შემდეგ ჯერზე ისევ იგივე მეორდება: — იცი, მე კი მომწონს, მაგრამ სხვები ამბობენ...

ყველაზე დასამახსოვრებელი მაინც ასეთი მოლოცვა იყო, აგრეთვე ტელეფონზე: — ნავიკითხე. ამა და ამ სტრიქონს მძიმე ხომ არ აკლია?

მე კი მისი მხოლოდ მაქებარი ვარ, გამოტოვებული მძიმეები არ მამბრკოლებს.

„ის სხვები“ ზუსტად ვიცი, ვინც არის, ცნობილი პოეტი, მის აზრს მართლა ძალიან ენდობა. მაგრამ „იმ სხვების“ დამოკიდებულება ჩემდამი ერთ პატარა კაზუსს ემყარება, გასაღიმრად პატარას. ერთხელ თარგმნილი სტრიქონის ორი ვარიანტი მითხრა ზეპირად, ქუჩაში შევხვდით ერთმანეთს. რომელი ჯობიაო, არჩევანი გასძნელებოდა. ძველი ამბავია, ლექსად თარგმნილი ჯერ არაფერი დამეჭება.

ვუთხარი, რომელიც მერჩია. ისიც დავაყოლე, ეს ლექსი მეც თარგმნილი მაქვს-მეთქი.

— მერე რა, — მეუბნება, — რაც მეტი თარგმანი იქნება, მით უკეთესი! „აი, კაცი! ეკცე ჰომო!“ გავიფიქრე. არადა, თურმე „ეკცე ჰომოს“ მარტივად სათვალავში არ ვყავდი. რომ იტყვიან, ნერე და იკითხე...

ეს მერე გაირკვა, როცა მეც გამოვაქვეყნე ის ჩემი თარგმანი. „რაც მეტი იქნება, მით უკეთესი“ — აღარ გახსენებია.

საიდუმლო და სამუდამო მტრად მომეკიდა. აღმაცერად იღიმებოდა, ჩუმ-ჩუმად იგესლებოდა. რა არ ვცადა, ვერა და ვერ მაპატია.

„ჩვენი დრო ისეთი აჩქარებულია“, ძველთაძველი გამოთქმაა, თითქმის ისეთივე ძველი, როგორც — „ეს რა თაობა მოდის!“ თუ არ ვცდები, ორივე ანტიკურია. ლევ ტოლსტოის არაერთხელ უსაყვედურეს, სანამ „ომსა და მშვიდობას“ წერდა: „ამოდენა რომანს ვინ ნაკითხავს, ჩვენი დრო ისეთი აჩქარებულია“.

(ამ გახსენებაზე: ქართულად მაგ წიგნს უწინ „ომი და ზავი“ ერქვა. ბოლო ორი ტომის მთარგმნელს ბევრი უბრძოლია ძველი სათაურის აღსადგენად. ნეტავ უფრო სწორი რომელია?) მეოცე საუკუნის დიდი ეპიკოსები ხომ

გაჭირვებით ძლევენდნ გამომცემლობათა ზღუდებს: „შეამოკლე, ნახევარზე დაიყვანე, მესამედზე დაიყვანე! ჩვენი დრო ისეთი... ამოდენა რომანს“...

გასაგებია, რატომაც უჩნდებოდათ ეს შეგრძნება: თვალნათლივ ხედავდნენ ირგვლივ გამეფებულ განუწყვეტელ ფაციფუცს, მოუსვენრობას, ჯახირსა და დავიდარაბას, წარსული კი შორიდან ისეთი მშვიდი მოჩანს, ისეთი ზანტი და აუჩქარებელი... თვითმფრინავიდან ზღვას რომ დახედავ და ტალღები არ იძვრიან, აი, სწორედ ისეთი.

კი, ჩვენს დროში ტრანსპორტი თავბრუდამხვევად სწრაფი გახდა, ინფორმაცია სულ ადვილად მოსაპოვებელი, მაგრამ ამან მოსაკლავი დრო კი არ შეამცირა, უკიდურესად გაზარდა. დიდტანიანი წიგნების ნაკითხვას დროის აჩქარება კი არ ამბრკოლებს, არამედ ტელევიზორების წინ საათობით უქმი ჯდომა, ლამის ნარკოტიკებად ქცეული კომპიუტერული თამაშები...

ტრანსპორტის თავბრუდამხვევი სისწრაფე. წარმოვიდგენ ხოლმე, ვთქვათ, რომელიც ჩემმა წინაპარმა ინდოეთში იმოგზაურა. რა ქვეყნებს გაივლიდა, რა ზღაპრულ სამყაროს ნახავდა. უკან სულ სხვა კაცად დაბრუნდებოდა, შთაბეჭდილებებით დახუნძლული, თვალსაწიერგახსნილი.

ახლა? ნაცნობი მხვედება: — სამი დღით ვიყავი ბომბეში. — მერე? — ძალიან ჭუჭყიანი ქალაქია. მეტი არაფერი.

ჩემი გამოცდილებით, შთაბეჭდილება საკმაოდ მკრთალია ხოლმე, შიგ მოწყენილობის დღეებიც თუ არ ჩაიკეცა. მოწყენილობა ისეთი რამ არის, საგნებსა და მოვლენებს ახლოდან, ფართო პლანიით რომ გიჩვენებს. დაგდებულ გირჩზე დაგხრის. ჭიანჭველების ბილიკს გაგავლევინებს.

— მეუბნები, შენზე უკეთესი რუსული იცისო? — კოპებს მიკრავს, სულ ადვილად სჩვევია გაალმასება, — ეცოდინება, რატომაც არ ეცოდინება! მერე რა, თუ ცოტა ხანს მოსკოვში მიცხოვრია! რუსულენოვანი დედა ჰყავდა, ოჯახში მხოლოდ რუსულად ლაპარაკობდნენ. აშკარად ეტყობა, პირველ საბავშვო წიგნებს რუსულად რომ უკითხავდნენ. მწირი ლექსიკა! პირნმინდად რუსული სინტაქსი! ცოტა ალბათ ენობრივი გაორების ბრალიც არის, გულწრფელობის ნასახი რომ არა აქვს!

ამ სიტყვებმა გამახსენა: ჩემი თანაკლასელებიდან და თანაკურსელებიდან ოთხმა თუ ხუთმა იცოდა სრულიად გამართული, ბუნებრივი რუსული. არაქართულენოვანი დედები... ნომენკლატურული ოჯახები, რუსულად მოლაპარაკე... ჩვენთან მათი ურთიერთობა ცოტათი მიმოკრიას ჰგავდა. მართლაც შეიმჩნეოდა გულწრფელობის დეფიციტი.

კავკასიელი იოზეფ კ.-ს მიბაძვით, ჩემი დაუნერული მოთხრობის გმირს, როგორც ამ წინაზე უკვე ვიუწყებოდი, იოზეფ ჭ. და-

ვარქვი. იგი დღიდან დღემდე ნელ-ნელა პატარავდება.

ვინმე უჩინარმა თანამოკალმემ ეს „ჭ“ გვარად რომ არ მიიჩნიოს და გულში წყენა არ ჩაიღოს, როგორც ერთხელ, ჩემდა სამწუხაროდ, უკვე მოხდა, წამით ვხსნი აბრევიატურას და აქვე ვხურავ:

ჭიჭე. იოზეფ ჭიჭე. კაცი, რომელიც დღითიდღე პატარავდება.

ვიცოდი, განა არ ვიცოდი, ან, უფრო სწორად, მეცოდინებოდა, განა არ მეცოდინებოდა, რომ ამ ტანჯვის გზაზე მას, ხსენებულ იოზეფ ჭ.-ს, თვითონ პატრონი და მისი კეთილი მოურავი შეაყენებდნენ, ისინი გადაუწყვეტდნენ, ჩემს დაუნერულ მოთხრობაში შემოშუმპრებულებიყო.

გმადლობთ, მეგობრებო, ძვირფასი საჩუქრისათვის!

ჰოდა, მას შემდეგ, რაც ეს ხსენებული იოზეფ ჭ. ჩემი შემოქმედებისა და ფანტაზიის ნაყოფად იქცა, თავს, საითაც მინდა, იქით ვუზამ, ქვეყნებსა და ეპოქებს ისე შემოვატარებ, გამკითხავი არავინ მეყოლება.

ამასწინათ ასეთი პასაჟი გამოვიგონე: ვითომ ეს ხსენებული იოზეფ ჭ. შუა საუკუნეებში გადაპარულიყო და კარის მასხარა გამხდარიყო.

არა, არა, ხუმრობით ვერც იქ ხუმრობდა, ხოხვა იცოდა და მხოხველობდა, მეტსაც აბეზარობდა.

ასეთი უცნაური მასხარა გამომივიდა. მაინც იცინოდნენ, მაინც წარმატებით ეწეოდა მაგ ხელობას:

— ახ, ჩვენი იოზეფ ჭ.! ახ, ჩვენი დიდ-პატარა იოზეფ ჭ.!

— ვაიმე, ნავიქცევი! ეს რა ლიტერატურული დარდიმანდია!

იცინოდნენ, სიცილით იჭაჭებოდნენ.

— ცხოვრება რომ თავიდან დაგანყებინოს, რას იზამდი? — მეკითხება. მეგობარია, სულ უწინგურ კაცთან რამდენადაც შემიძლია მეგობრობა.

— არაფერსაც არ ვიზამდი, უარს ვიტყოდი.

— არა, ამ გამოცდილებით... — სწორედაც ამ გამოცდილებით. ჰგონია, თავიდან რომ გაამეორებინონ, იმავე შეცდომებს არ დაუშვებს.

ძველი ჩინური სიბრძნე გვასწავლის: კაცი მისი შეცდომების მიხედვით უნდა შეფასდეს.

თავში რომ არასოდეს მომივიდოდა. არადა, თითქოს რა მარტივია. მართლაცდა.

სწორი საქციელი ერთმანეთს ჰგავს და ხშირად ერთადერთია. შეცდომა ათასგვარია: მსუბუქი და მძიმე, უნებურად ჩადენილი და ბოროტად ჩადენილი, საპატივბელი და უპატივბელი... შუაში უთვალავი გრადაციებით.

ის, რაც გორში მსოფლიო ტელევიზიების თვალწინ მოხდა, მეცხრამეტე საუკუნეში რომ მომხდარიყო, ორი დღე დაელოდებოდნენ, მესამე დღეს მაღალი რანგის ოფიცრები ეწვეოდნენ, წამოსვლის წინ იარაღს დაუტოვებდნენ და ეტყოდნენ: — იცი შენ, როგორც უნდა მოიქცე.

პოლიტიკოსის ყველაზე ცინიკური სიტყვები, რაც კი ოდესმე წამიკითხავს თუ მსმენია, ჟოზეფ ფუშეს მიერ ნათქვამი ფრაზაა, როცა ნაპოლეონმა პერციოგი ენგინელი დაახვედრინა.

ეკითხებიან: — ხომ იყო ეს ბოროტმოქმედება?

პასუხი მოკლე და სხარტია: — ეს ბევრად უარესი იყო, ვიდრე ბოროტმოქმედება. ეს იყო შეცდომა.

კრიტიკოსები, ისეთნიც კი, ნანარმოების ავ-კარგს სწორად და ღრმად რომ ხვდებიან, მხატვრულ შემოქმედებაში უმეტესწილად მკრთალნი არიან. უარეს შემთხვევებზე ნურც ვილაპარაკებთ.

ვფიქრობ, მთავარი საიდუმლო ისაა, რომ ლიტერატურული წვრილმანის ძალა და ფასი ბოლომდე კარგად არ იციან, რაგ-

ინდ კარგადაც არ უნდა გრძნობდნენ ტექსტის სიღრმესა და მასშტაბურობას.

უპირატესობას ჩანაფიქრს ანიჭებენ, აი, იმას, სკოლაში რომ „იდეას“ ვეძახდით. არადა, ნაწარმოების მხატვრულ ღირებულებას პირველ რიგში სწორედ წვრილმანები განსაზღვრავენ.

რასაკვირველია, წარმატებული გამონაკლისებიც ყოფილა. მათ შორის ჩვენშიაც.

დაახლოებით მსგავსი რამ დროდადრო ლექსის მთარგმნელებსაც ემართებათ.

რაა საიდუმლო, ამ ჯერზე არ გავამხელ, მე თვითონ მჭირდება.

ახლახან წავიკითხე: თარგმანის თეორიაში დღეს უკვე მიღებული აზრი ყოფილა, რომ უზუსტესად, მთარგმნელისეული გადახვევებისა და ინტერპრეტაციის გარეშე თარგმნილი ლირიკული ლექსი მკვდარი ტექსტია. მრავალი და მრავალი შეჯერების შემდეგ ბოლოს და ბოლოს ამ დასკვნამდეც მისულან.

პოეტებისაგან არ გამიკვირდებოდა, თეორეტიკოსებისაგან გამიკვირდა.

გრიგოლ ორბელიანის პოეზია, თავისი ყველა ნაკლითა და ღირსებით, ვერასოდეს იქცეოდა კლასიკად და მით უფრო მაღალ კლასიკად, პოეტურ უფსკრულში რომ არ აღმოვჩენილიყავით.

ერთხელ ხმამაღლაც ხომ უნდა ითქვას, რაც სათქმელია:

ქართული ლექსის იმ უფსკრულიდან ამობოლბებას მთელი მეცხრამეტე საუკუნე მოხმარდა.

გინდ გრიგოლ ორბელიანი, გინდაც ალექსანდრე ჭავჭავაძე რომანტიკოსებად რატომ იწოდებიან, არ მესმის და ვერც გამაგებინეს.

სამაგიეროდ, რა სანახაობაა, სიტყვის რა ზეიმი, როცა მეოცე საუკუნის დასაწყისში გადმოვიდვართ! რითმა ისე იწყებს წკრიალს, ბროლი რომ ბროლს შეეხება — თავის თავს შეჰხარის. ლექსი მთლიანად საკუთარ სილამაზეზე დგას, არავითარ გარესაბეჭედებს აღარ საჭიროებს, პატრიოტული იქნება თუ სოციალური, თავისი თავი სავსებით ესაკმარისება.

მოდით, ნურც გალაკტიონს დავიმონმებთ, ნურც ნურავის ისეთს, პირველთაგანთა რიგში რომ მოვიხსენიებთ.

ნიმუშად მოვიყვან კონსტანტინე ჭიჭინაძის სტრიქონებს „რიონის აპოლოგიიდან“. ვფიქრობ, კომენტარი არაფერში სჭირდებათ, თავიანთ თავს თვითონვე მიხედავენ. მხოლოდ სამად სამ სიტყვას ნაუშმძღვარებ — უმაღლესი სინჯის სტრიქონებია.

*შენი სათავე ვინახულე დღეს მეორეჯერ.
შენ აქ სახელად უსათუოდ გშვენი ფაზისი.
მესვრი თვალეში კალმახების წითელ ფორეჯებს,
ბავშვის ცრემლივით უწმინდესი და უნაზესი.
პეშვით დავლიე შენი წყალი, რძესავით ჩვილი...*

*მაგრამ მინახავს სხვა სერიც... მაშინ, როცა მე
შენი მქუხარე ამბოხების გავხდი მონამე
და სტრიქონებიც დაგიმზადე სხვადასხვაგვარი,
ხან უღბილესად მოხაზული, ხან წელმაგარი,
ვით აბრეშუმი და ველური ტახის ჯაგარი...*

*შემოღამებულ ცის გუმბათზე ნეპოდენ მთანი.
თავისი სწრაფი მეძებრებით და მშვილდიანა
იალალებზე ადიოდა თეთრი დიანა,
რომ ნადირობით დაექანცა უვნებო ტანი.*

იშვიათი ძალის ალიტერაცია, ყველა ბგერას რომ იხვევს ხმოვან-თანხმოვნებიანად, რჩეულ მუსიკას რომ ქმნის და თავს არ აჩენს. მოდით, კიდევ ერთხელ მივაყურადლოთ:

*იალალებზე ადიოდა თეთრი დიანა,
რომ ნადირობით დაექანცა უვნებო ტანი.*

შემდეგი თაობები უფრო ყოფითს, უფრო ყოველდღიურს უბრუნდებიან, უმაგისობა შეუძლებელიც იყო, მაგრამ უკვე სულ სხვაგვარად აღჭურვილნი. თუმცა არც ის დავიწყებით, მოუხელთებლის მოხელთება რასაც ჰქვია, როგორც ალექსანდრე საჯაიას ამ სტრიქონებშია — არავითარი პროზაული მინარევი, შიშველი პოეზია, სუფთა შთაგონება:

*ჩემი და თეთრი თოვლის ქალია
და უყვარს მხოლოდ თოვლი და თოვა,
იგი ლაჟვარდის ერთი თვალია
და გაზაფხულზე ენძელად მოვა,
ჩემი და თეთრი თოვლის ქალია...*

რაზეა? იმაზე, რასაც გოეთე „მარადქალურს“ უწოდებდა.

და რა მომხიბლავია ამ კონტექსტში არა „სატრფო“, არამედ „და“!

ლელა ლაგაზიძე

ვედრება

შენ გიხმობ მწვანე კორომში,
ბალახებს, ხეებს, ჩიტებს.
ქალს, მტრედებზე მზრუნველს,
ბრონეულის ცეცხლისფრად
დახალულ ბუჩქებს,
პეპელასთან მოთამაშე ლეკვს,
შენი მაღლის ნათელი მოსავეს, უფალო.

უწყალობე ჩემს სულს
უშურველი სიკეთე.
ნუ განდევნი გულიდან სიყვარულს.
ნუ გამწირავ მარტოობის უდაბნოში
სახეტილოდ.

ტკივილი მიქციე სიბრძნედ.
მანუგეშე წარუმატებლობა,
დაცემა, მარცხი,
ისე გამძლიერებს,
როგორც ხეები იზრდებიან
ქარის, წვიმის ხმაურში.

ხალხური მითქმელაბის მიხაკვა

მარტოობის კოშკში ვცხოვრობ.
სიპის ქვად მაქვს ცრემლის მძივი.
სარკმლად მთვარის ვერცხლის სხივი.
ამაკენებს მოგონება,
გადაიფრენს კოშკის თავზე
წეროების თეთრი მწკრივი...
მოგიტანენ ნეტა ამბავს?
უშენობით როგორ ვქრები,
როგორც ქარში სანთლის ალი,
როგორც მზეზე ვარდის ცვარი.
მარტოობის კოშკი ვაგე.
სამზერებზე გამოვფინე
რიდი, ფიქრით დაქარგული,
მხოლოდ შენთვის დამრჩა ღია
კარი სევდით შეჭედული...

ბალახის სურნელი

გაზაფხული ალვანს მახსენებს.
მამა ბალახს თიბავს,
იკმევა ირგვლივ
ბალახის სურნელი.
იელვებს, ცა იწყებს წვიმას.
სახლის კუთხესთან
წვიმით გალუმპული მაისის ვარდიდან
შარბათივით ვისრუტავ ცვარს.
ვერცხლისფრად ბზინავს
ლოკოკინას კვალი
გოგრის ფოთოლზე.
ცვივა ჟასმინის ყვავილები
პატარა თეთრი ნიჟარებივით.
აივანზე სველდება ოფოფის ბუდე.
მოერეკება მეჯოგე
შოლტის ტყელაშუნით
ალაზნიდან ცხენების რემას.
წვება საღამო
ციცინათელების მობარბაცე ნათელით
ბაყაყების შორეული მოძახილით.

ქარები

ქარები, ჩემი მშვენიერი დები არიან.
ჩურჩულით ხსნიან
სულზე სევდის იეროგლიფებს.
ჯადოქარი მუსიკოსივით
ახმიანებენ ხეთა აკორდებს.
ფერმიმქრალ ქალაქს
ფოთლის მინანქრით ახვევდებენ.
მიხსნიან სარკმელს,
ეხებიან თმასა და ღანვებს.
ყვებიან, როგორ დააღწიეს თავი
მთვარის ვერცხლის ზარდახშას.
კვლავ მინახულეს.
ქარები ჩემი მშვენიერი დები არიან,
ჩურჩულით ხსნიან
სულზე სევდის იეროგლიფებს...

შამოდგომის საღამოაბი

მოდინა ძველი მეგობრებივით
შემოდგომის ნაღვლიანი
საღამოები.
ესმით ყვავილებს
მწუხრის ჩურჩული
და ღამის კაბას
უნაზესი ჩრდილებით რთავენ.
რას შრიალებენ მენამული ქრიზანთემები?

ჩემმა მეზალემ
დავიწყა შეჩვეული გზა და ბილიკი.
დადგა ბაღში
განშორების ქარვის კარავი.
სევდით დაფურცლა
ვარდები და ხეთა ვარჯები,
მომიქსოვა მოფარფატე ფოთლებისაგან
სინანულის თავსაბურავი.

მონატრება

წვიმიანი განთიადისას
მონატრება მსტუმრობს.
ბავშვობის საუფლოს ვესაუთუები,
ნაღველის საღვინს.
ანვიმს მამის სახლს.
წვიმა ძვირფას,
გარდასულ ამბავს უყვება
სარკმლებს, კედლებს,
მეძინის, ცაცხვის სურნელი
ბანგავს აივანს...
ცხოვრობს სხვენზე,
მტრედებთან ახლოს,
კეთილი სული.
მღერის ქარში გაციკრებისას.
და ყოველ დილით
ძველ დარბაზში
ბუხარში ცეცხლს
აღვიძებს დედა...

სიყვარული

ის სიყვარული
ვაშლის ყვავილის მინანქარს
ჰგავდა.
ახლა შორსა ვართ,
თან ისე ახლოს,
როგორც ცა და დედამიწა.
თვალის ჩინზე მახატია
თეთრ გვირილებში
მოთამაშე ბატკანი.
ჩაის ბუჩქებთან ნანვიმარი
ჰორტენზიები.
ჩვენი მთრთოლვარე ხელები,
კანკელთან დანთებული სანთლებივით
რომ ევედრებოდნენ ღმერთს
მარადიული სიყვარულის ნიჭს.
შორს, შორს გურიის მთებისკენ
მიჰყავდათ ნისლებს
მონყენილი მზე.

იისფარი

თქვენ მოჰყვებოდით იის ყვავილებს,
ვიყავი თქვენი
ერთგული და ნაზი მხევალი...
მოგქონდათ ფრთები,
პეპელაზე უფრო ნატიფი.
ცრემლის საყურე
შემოდგომურას დახრილ რტოზე
მეტად მწუხარი.
იყავით ჩემი სულის უფალი,
ხან ძონის ნათლით,
ხან გიშრის ბინდით.
მაჯადოებდა თქვენი გალობა,
ღვთიური ჰანგის დასადარები.
ო, სიყვარულო, იისფერიც ჩამოიფურცლა.
გულს ახსოვს მხოლოდ,
ვიყავი თქვენი
ერთგული და ნაზი მხევალი...



მამი

მამი, შენი წერილი მივიღე. ძალიან სიტყვაძუნად ხარ, რა გეტყვია, აქამდე გრძელ წერილებს იწერებოდი. შენ არ გჩვევია მოკლე და სხარტი სიტყვა, ყოველთვის აგრძელებდი. ცოტა ავნიერვიულდი, რამეს ხომ არ მიმალავს-მეთქი, მაგრამ მერე ვიფიქრე, შორს წასულ კაცს მეტი რა უნდა მოსთხოვო, ესეც მაღლია და ერთი ათად დაგიფასდება.

თბილისში წვიმს, გუშინ დილას მზემ გამოანათა, მერე ქარი ამოვარდა ისეთი, რომ ქუჩაში არ გაისვლებოდა, ყველა სახლისკენ მიბრუნდა, ქარს წვიმა მოჰყვა და იმის მერე წვიმს გადაუღებლად. მე მეგონა, მარტო ბათუმში იცის ასეთი წვიმები, სექტემბრის თოთხმეტში რომ დაიწყება და იანვრის თოთხმეტამდე ვერ გააჩერებ, მაგრამ შევცდი. ის წვიმები მაგარია, ვანიჩკა თავის შვილს რომ უყვება ზღაპრებს, შენ რომ ღვეზელებს აცხობ, ნანუცა ფილმს რომ უყურებს, მე წიგნებს რომ ჩავუჯდები, დაგვადუმებდა, დაგვამშვიდებდა ყველას და ჩვენ-ჩვენი საქმის კეთებას დაგვანყებინებდა, ფისობიც ჩახუტებულები რომ ინვინენ, ცუგაც რომ მიჩოჩდებოდა ფანჯარასთან.

აქაური წვიმა საშინელებაა, უფასს ემსგავსება ქალაქი, საცობებია და მაგრად ჭედავს ყველა, ავტობუსის მძღოლებს წერვები აწეწილი აქვთ, ყველა ჩხუბობს, ყველა დაობს.

ვანიჩკამ მოინერა წინა დღეს შენზე, მაგ კაცს ოცი პარასკევი აქვს თვეში. არა, რა მაგრად თქვა, არა, მამი? მეც სულ ეგრე ვფიქრობდი, მარა ვერაფრით ვხვდებოდი, რა დამერქმია. მართლა და მართლა, როდემდე უნდა იყო მანდ, კარგად თუ მაინც გიხდინა, რაღაც კაპიკებზე არ ინვალო რა, აქაც იშოვი მაგ ორ თეთრს, ჩვენთან ახლოს მაინც იქნები.

ვცხოვრობთ მე და რაფო. რაფო კარგი ბიჭია, ხმას ვერ ამოაღებინებ, ერთი ეგაა, ორი ნათესავი ჰყავს, იზა და აზა, აზრზე არა ვარ, ვის მოაფიქრდა, იზა და აზა რქემოდათ, ვერაფრით ვხვდები, რომელია იზა და რომელი — აზა, ხან ერთს ვეძახი შეცდომით, ხან — მეორეს, იშვიათად და-ვამთხვიო, მაგრამ არ სწყინთ, მგონი, დედასაც ეშლებოდა თავის დროზე, არ გაიმტყუნებო. რას ვამბობდი, ჩამოდიან ეს იზა და აზა და რჩებიან ჩვენს სახლში. უცნაური გოგოები არიან, დღეში სამჯერ ლოცულობენ, წაიკრავენ თავზე, ხატებს დაანყობენ მაგიდაზე, ხელებს ჩასჭიდებენ ერთმანეთს და ნახევარი საათი ბუტბუტობენ, არ ექანება არც ერთი, მაგარი სტრანნი ხალხია. მე რას ვეტყვი, ლოცვას ხომ არ დავუშლი, პროსტა იმ წუთებში მაგრად ვიგრუხები, მგონია, რომ არ უნდა ვიხმაურო, ოთახშიც არ უნდა ვიარო და ვარ ასე დაძაბული.

გოგოებმა, ჩვენ არ შეგანუხებთ, არც ოთახი გვინდა, არც არაფერი, მისაღებში დავენებთო. ზაზარი არაა, სადაც გინდათ, იქ დაიძინეთ-მეთქი, მაგრამ რაფომ თვალები დამიბრიალა, ჰოდა, ჩვენ დავნექით მისაღებში, რაფო იატაკზე, მე — ათას ჭირიან და უბედურება გამოვლილ სავარძელზე.

ვენეართ ერთ დღეს, რაფოს არ სძინავს, ტრიალებს, მეც, გაგიკვირდება და, არ მეძინება. რაფოს ვკითხე, ისე რატომ დადიან ეს გოგოები, ისხდნენ თავიანთ ოზურგეთში თუ სადაც-მეთქი, რაფო მომიბრუნდა, მაგ გოგოებს შენ ეხუბრები, სასწაულებს აკეთებენო, ბავშვობაში ლეღვის ხიდან ჩამოვარდნილან, მაგრად დაჟეჟილან და დედას შემინებია, ცუდის ნიშანია ლეღვის ხიდან ჩამოვარდნა, თან ასე ორივე ერთად. ჰოდა, დაავლო ხელი და გააქანა სოფლის ეკლესიაში, მერე ეს გოგოები აზრზე მოსულან თუ არ არის, არ ვიცი, მაგრამ შეჭრილან ამ ორთოდოქსულ სამყაროში და ერთხელაც აღმოაჩინეს, ვისზეც ლოცულობენ, უეჭველად შველით. ბაძადუებს შვილი არ ჰყოლიათ, ილოცეს გოგოებმა, გაუჩნდათ, ნესტანას სინკარი გაერჭო ფეხში, ილოცეს, აღარ დარჩა მოსაჭრელი. მოკლედ, მაგარი გოგოები არიან რა, ხატს უკან ამოუკებენ ნესტანას სურათს, ლოცულობენ და ეგაა რა.

მე დიდად არ მჯერავს ეგეთების, მარა ვიფიქრე, ჩემი რა მიდის, ქირას ამათ ვერ გადავხდევინებ, ოთახს ვერ დავათმობინებ, ჰოდა, ჩემი ოჯახის უბედურების სახ-

ელზეც ილოცონ, დიდი ამბავი-მეთქი, ამ-ოვჩხრიკე შენი სურათი და ტექსტი შევამზადე.

დავიმართხვლე ეს იზა თუ აზა, ნარმოდგენა არ მაქვს რომელი, იმ ლოცვის დროს რას ბუტბუტებთ-მეთქი?! ვერაფრით გავტეხე, თითქოს სახელმწიფო საიდუმლო აქვთ რამე, ბოლოს ვუთხარი, მამა მყავს ქვეყნის იქეთ, ცოტა უცნაური კაცია, ორმოცს კი გადაცდა, მარა მაინც ვერ მოერგო ამ ცხოვრებას, სულ ვალებში და გასაჭირშია და რა იქნება, უთხარი მამაჩემის სახელი წინ რომ ხატები გიღვეთ იმაზე გამოსახულ ხალხს-მეთქი.

ჯერ ერთი, ისინი ხალხი კი არა, წმინდანები არიანო, მერე მეორეც, ჩვენი მრწამსის თუ არის, ვილოცებთ, აზა, რას ვიზამთო, ძან ზრდილად მითხრა, არც ხმას აუწნია, არც თვალები დაუბრიალებია, სათნო გოგოა, ეტყობა, ხომ იცი, ეგეთებს ვიცნობ. მარა მე მაგრად დავიბენი, შემატყო კიდეც და მითხრა, ტყუილს აზრი არა აქვს, ჩვენ კი ვილოცებთ, მარა იქამც არ მიუვაო.

მერე დავჯექი და დავფიქრდი, რა რელიგიისა ხარ, შე უსახურო-უპატრონო,



ვერაფრით გავიხსენე, დავურეკე შენს დას, არაფრით უპასუხა ტელეფონს, მერე მეორედაც ვცადე და შუშანამ მიპასუხა, სამსახურშია, ტელეფონი დატოვა ამ კეკელკამო, მეც ვიფიქრე, ვკითხავ, ჩემი რა მიდის, ხო არ იცი, რა რჯულისაა მამაჩემი-მეთქი, უი, არ ვიციო და დაალო პირი, იმის იგიც მამაშენთან ერთადაა და იქ ნახა, ასე იყო, ისე იყო, ღმერთმა ზეირათ ქნას მაგ კაცის ამბავიო. მერე სამსახურშიც დავურეკე მამიდას, ვკითხე და აზა, მე რა ვიციო, ბიძაშენს დაურეკეო, ამ შენმა ძმამ, რელიგიები და სექტები სად იყო ჩვენს დროს, ეკლესიაში პირველად შენს ნათლობაზე ვიყავიო, მამა და დედა ცოცხალი რომ ყავდეს, იმათ ეცოდინებოდათ და დამიკიდა. ისე უგულოდ მითხრა, გეგონება მარტო შენ ხარ ობოლი და თვითონ არა. მოკლედ, ძანაც რომ არ გამიგრძელდეს, ძან ბევრთან დავრეკე, აზა, ნახვით, მე ვის ვნახავდი, ისინი ვაფშე სხვაგან არიან, ვერაფერს მიპასუხა, ბოლოს რა უნდა მექნა, ნანუცას დავურეკე, აქაოდა, შენი ყოფილი ქმარია, შენი შვილების მამა, ბავშვობის სიყვარული, საერთო კაცმა გაგვიმწარა ბავშვობა, იქნებ იცოდეთ-მეთქი, ჰოდა, მომიბრუნდა ეს სწერვა ქალი, შენც თუ შვილი ხარო, დაინყო ტელეფონში ღრიალი, მაგ არაკაცს რამე რელიგია რომ ჰქონოდა ან რომელიმე ღმერთის რომ შესწინებოდა, ასე არაკაცურად კი არ მოიქცეოდაო და დამიკიდა. ისევე დავურეკე, გეხვებები, თუ შენი შვილი ვიყავი, მითხარი-მეთქი, არავის მოუნათლავს ეგ უჯჯიმო და საიდან ექნება რელიგიაო, უგულოდ მიპასუხა და ისევ დამიკიდა, ჰოდა, დავფიქრდი, ნეტავ ის ქალი რას მიპასუხებდა, იგივე კითხვა რომ დამესვა შენზე, აი, ის ქალი რა, ბავშვობაში, დედაშენიაო, რომ მატყუებდი, სამი თვე რომ ცხოვრობდა შენ ბინაში, ყოფილი ლენინის ქუჩაზე და საღამოობით დეიდასთვის მეუფერებელი ხმები რომ გამოდიოდა შენი ოთახიდან.

მოკლედ, ღმერთი, მთელი შენი სანათესაო, აზაც და იზაც მოწმეა, რომ მე კარგი მინდოდა, ძმაო, შენთვის, მაგრამ, რა ვქნა, მამი, არა გაქვს ეს რელიგია და აზა,

როგორ ილოცებს ეს იზა შენთვის. კი, კი, მეც ვიფიქრე, მოვატყუებ-მეთქი, მარა არ მინდა რა, ვეტყვი რომ უღმერთო ხარ, სხვა შემთხვევაში, ირწმუნებინა, თუ ორთოდოქსი არ არის, არ მიუვაო, მაგრამ ეგ არაფერი, ვანიჩკაზე ილოცებს, სულ ზურგის ქარი დაუქროლებს შორეულ აფრიკაში.

ჰოდა, სიკეთის ქმნა მინდოდა და სულ პირიქით მოხდა ყველაფერი, ვიღვიძებ ერთ მშვენიერ ორშაბათს, მეგობარი მირეკავს, საღამოს ხომ არ დაგველიაო, ზაზარი არაა-მეთქი, მერე კი ვიფიქრე, ამ ორშაბათს რა დალევა ამიტყვია, მარა ძანაც აღარ ჩავძიებულვარ კვირის დღეების მნიშვნელობას თანამედროვე ადამიანის ცხოვრებაში, როცა გელევიანება, უნდა დალიო, შენგან მაქვს ნასწავლი, გახსოვს, რომ მეუბნებოდი, როცა დედა აღარ გყავს, მამაც იმის გზას მიჰყავდა და ძმას აღარ უნდა, შენნაირი მანაჩნალა, სხვა რა უნდა ქნა, უნდა დალიო, ეგ სიტყვები გამახსენდა და მერე ძან ვინანე, რომ გენდე.

მოვედი სახლში გვიან ღამით, მთვრალი და ცოტათი აპათოლოგებული და ვერ-

მიხედო. მაგრად ვიჩხუბე, მერე დავემუქრე, წავალ და სხვაგან ვიცხოვრებ-მეთქი. დავურეკე ყველა ჩემს მეგობარს, ხომ ვერ შემიფარებთ-მეთქი, ყველამ უარი მითხრა, მერე ფლეთმეთის ძებნაზე ფიქრიც დავიწყე, მაგრამ აზა, ვის ვიპოვიდი, რაფოც ღმერთისგან გადმოფურთხებული საჩუქარი იყო. ნახევარ საათში მივხვდი, რომ სულ ტყუილად ვფართხალედი, რომც ჩავბჭირებულყავი, მაინც ჩემი გაფუჭებული იყო ის ონკანი და ჩემივე გასაკეთებელი.

გავუყვიე სამსახურისკენ გზას, უფროსი დავიმართხვლე და, ბატონო ბადრი, ორი თვისა წინასწარ უნდა მომცე-მეთქი, იმ ორ თვეს რა უნდა მექნა, კაცმა არ იცის, შიშობილობისგან კედლის ფხეკას რომ დავიწყებდი, მარა რამეს ვიზამდი, ბოლოს და ბოლოს, ჯანიანი ბიჭი ვარ, ვიმუშავებდი სადმე, ვთრევედი კარდონებს და მეშოკებს. იმ გამოყვლებულმა კაცმა, ორი თვისას ვერ მოგცემ, დაჟე ამ თვის ხელფასიც დაიგვიანებს, საგადასახადო გვიხის და მაგრად გვყვლეფსო. გულში კი ვიფიქრე, შენი მამაც რომ მოგცემ, ნძრევას რომ არ მიუძღვნა სიცოცხლე და შენნაირი არაკაცების არგაჩენაზე არ იფიქრა-მეთქი, მაგრამ ხმამალა, აზა, რას ვეტყვოდი.

წამოგჩანჩალდი სამსახურიდან წყევლა-წყევლით, სულ დედას ვაგინებდი სამყაროს, იზა-აზას, რაფოს და იმ ჩანძრეულ მეზობელს. მერე ისევ დავურეკე მეგობარს, ფული უნდა მიმოვო-მეთქი, ზაზარი არააო, ნაწილს ახლა მოგცემ, ნაწილს მერეო, კი არ მინდოდა ფულის გამოთმევა, იმასაც მაგრად უჭირდა, მარა რა მექნა, გამოვართვი და წავბნეული ელიავასკენ. არ მინდოდა, მამასისხლად გამხდომოდა ერთი ონკანი, ვიყიდე ყველაზე იაფიანი და თითქოს ყველაზე მოში ონკანი და წამოვეწურე სახლისკენ.

რაფომ ჩემი სახე დაინახა თუ არა, მაგრად შენუხდა, ბოდიშები მიხადა, მაგრამ რა ჩემს ყლედ მინდოდა მაგის ბოდიშები, ონკანის დამაგრებაში დამეხმარა და მოვილაპარაკეთ, თვის ბოლოსთვის დავპირდეთ ფულის მიცემა იმ ქალსო და დავიწყეთ ახალი ბინის ძებნაო, ჩუმად ვავიპაროთ ამ ყლეობა სახლიდანო. მეც გამიხარდა, ამდენი რომ მოტივინა ამ ცალფაზიანმა და ცოტა ხასიათზე მოვედი. მერე რაფომ, დავასველოთ ასეთი მაგარი ამბავიო და დალევა შემომთავაზა, არა, რა უნდა გვეზეიმა, არ ვიცი, ვალი რომ დავჩინდე, „შენი ჭირიმე“ თუ მითხარი რომ გავიჩინე, „შენ მოუკვდი დედაშენს“, პირობა დამადებინა, მთვრალი და მყრალი არაფერს გავაფუჭებდი.

წავინიეთ ქალაქის ცენტრისკენ, არაყი იყო გომი და კოკა-კოლა იყო თბილი, მეგობრები შემოვიმართეთ და კოლმეურნეობასთან გადავწყვიტეთ ჩამოსვლომა. მოკლედ, ვართ შუა სმამში, სიცილში და მხიარულებაში, მოვიდა კაცი სახელად ლევანა აბულაძე, თქვენთან ერთად ჩამოვსხდები, თქვენი არაფერი მინდა, ჩემი არაყი და ჩემი ლუდი მაქვს, აქეთ გაგინანილებთ, თუ გინდათო. მოკლედ, ღამეა, ცივა, შეგვეცოდა კაცი და ჩამოვივით რა, მარტო რა უნდა ეკეთებინა იმ ღმერთისგან დავინყებულ ადგილას.

მარა ეს კაცი მაგარი სევდიანი არსება გამოდგა, ცოტათი აკლდა კიდეც. დაინყო, წინა დღეს აქ ერთი გოგო გაიტანა მანქანამო და ყველას ღმილი შეგვეყვირა სახეზე, ისეთ ისტორიას მოჰყვა, სიცილის თავი აღარ გვექონდა, ბოლოს მაგარი დაახეთქა, თურმე, მარტა ერქვა იმ გოგოს, მანქანამ რომ გაიტანა, ჰოდა, ცოტა პოეტურად უნდოდა, მოეყოლა შემომამტებული მეგობრისთვის იმ გოგოს ამბავი და იყო ერთი მარტა, ტროტუარზე ახტაო, სიცილი აგვიტყვია, ფისუნია კატას ლექსი დაგვახსენდა და მაგრად ვიცინეთ, თორემ იმ საწყალ მარტას რას ვერჩოდით, რა სასაცილო ეგ იყო. მე ყველაზე მაღალ ხმაზე ვიცინოდი, მაგრად გამწარდა ლევანა, მომიბრუნდა, შენა, რამდენი წლის ხარო, ოცის-მეთქი, ჰოდა, იცოდე, ოცი წელი სროკი მაქვს მარტო მოხდლილი და ვერევე დამაგვო, გული ჩამივარდა მუცელში, მეთქი თუ წამოფრინდა ახლა ეს კაცი და თუ გადამახვია ის ბოთლი თავზე, მერე რაღა ვქნა, ხომ იცი, ეგეთებისგან ყველაფერია მოსალოდნელი.

კაროჩე, ყველაფერი მშვიდობით დამთავრდა, რიცხვობრივად მეტნი ვიყავ-

ით, მოვერეოდით იმ ყლისშვილს, მაგრამ მაინც მაგრად ტვინი ტყენა, არ გვაცალა ბავშვებს არც გართობა, არც დაღვინა და არც არაფერი, ჯერ დედაზე მოყვა, როგორ დაებრუნდა, მერე შვიდი ვერელი ძმაკაცი როგორ დაასაფლავა სხვადასხვა დროს, სხვადასხვა ადგილას და ბოლოს მაგრად დავილაღეთ, ჰოდა, გავუზურეთ, ოე, ბიძა კლაუს, ჩვენ აქ დასალევიდა ვართ, რა დროს შენი ტრაგედია, ჩვენ-ჩვენი უბედურებები გვეყოფა, მერე, მაგრად მშურს თქვენი ასაკისო, ნეტავ მეც ოცი წლის ვიყო, ტვინი აგვხადა, ბოლოს ყელზე დავიკიდეთ და გავცვალეთ, ტაქსი გავაჩერეთ და ექვსნი ჩავიკუჭეთ სასწაულად პატარა მანქანაში. დიდი ხანი აბრუნებდა მძღოლი მანქანას, ლევანს ვუყურებდი, იმ სკამზე იჯდა, თავი ჩახეხარა და მაგრად განიცდიდა, ხომ იცი, მა, ვიცნობ მე ეგეთ ლოთბაზარა ხალხს, ვიცი მე ეგეთი რეებიც არიან, მარა ეგ კაცი ცოტა სხვა იყო, ძაან მინდოდა, იმ ადგილიდან ათრეულიყო და სადმე წასულიყო, ძაან მინდოდა, დამეჯერებინა, რომ წასასვლელი ჰქონდა სადმე, ვილაცა ელოდა სადმე, მაგრამ ისე იჯდა, წასვლას რომ არ აპირებ არსად და პროსტა რომ ზიხარ, მაგრად იმოქმედა, მერე ჩემს თავსაც გავუბრაზადი, რა იქნებოდა, რომ მოგვესმინა, ცოტათი შემემინდა კიდევ იმ ლევანსი, მარა ყველაზე ცუდი, იცი, რა იყო, მა?

ის კაცი მაგრად გაგავდა. ჰოდა, ვზივარ ახლა მისაღებში, იზა და აზა გაეთრენ იმ თავიანთ ოზურგეთში, იქ გააგრძელებენ ალბათ სასწაულობანას. გარეთ მაგრად წვიმს და ონკანი ისევ გაფუჭდა, აბა, მე და რაფიკა რას დავამაგრებდით, წყალი მოჩუხჩუხებს, ხმა იმ ჩანჩქერისას მიუგავს, ბავშვობაში რომ დაგვყავდი, ჰოდა, მაგრად მეზარება იქ გასვლა და წყლის გადაკეტვა, დავსველდები, თან ძალიანზე მეტად, ჰოდა, მერე როგორ გავშრე, რითი გავთბე, გათბობა ჩვენ არა გვაქვს და თბილი წყალი, ფეხები რომ ჩავყო.

ისე, მაგარი არაკაცი ხარ, ეგრე ძაან რომ არ ჩავეჯვრა საქმეში, ახლა აქ იქნებოდი, ჰოდა, გასაყვედურობ, ხომ შეიძლება გისაყვედურო, სულ კარგ რალაცებს გწერ, კარგად ვარ, ასე, ისე, არა, მამი, გატყუებ, ძალიან ცუდადა ვარ, ძალიან, ნეტავ იცოდეთ, როგორ ცუდად ვარ. და შენ რა გგონია, ნანუქა კარგადაა უშენოდ? სულ ჰარე კროშნას და რალაც სასწაულებს გაიძახის და გვატყუებს, რომ კარგადაა, მარა ხომ იცი, მამი, ქალებისა მე უკეთ გამეგება, ვერაა კარგად ეგ ქალი, ვეერაა...

ვზივარ ამ დამპალ მისაღებში და მაგრად მიტყდება ამ წერილის დანერა რომ მიწვევს, მაგრამ შენ ვერა ხვდები, რა ცუდადაა ყველაფერი. შენ ვერა ხვდები, როგორ ძალიან ცუდია უშენობა. შენ ვერ ხვდები, რამდენჯერ გინატრე, რამდენჯერ ვთქვი, ნეტავ აქ მყავდეს ჩემი ჯანიანი მამა-ჯანი, ხომ მაგრად მიაჩმორებდა იმ მეზობელს და თეთრს არ გადაგვახდევინებდა, ხომ მაგრად დაამაგრებდა იმ ონკანს, ხომ მაგარს მიაჯვამდა ჩემს დამპალ უფროსს, ხომ არ მომიწევდა კოლმეურნობაზე სამლარიანი ოტკის დაღვინა, ხომ არ დავუჯერებდი აზას და იზას ბოდვებს.

გარეთ წვიმს და დგას ნოემბერი და წვიმა ალბათ ასველებს ჩემს გაფენილ ტრუსიკებს და წესით, უნდა გავიდე და ჩამოვსნა, მერამდენე დღე უნდა გავვარდე სახლიდან ტოტეგანინი და გამოხეული ტრუსიკით, მაგრამ არ მინდა აივანზე გასვლა, არ მინდა. კორპუსები ჩანს ჩემი აივნიდან და დიდი ქალაქი, მეთერთმეტეზე ვცხოვრობ, ეგრე კი არა, აქედან მთელი თბილისი ჩანს და ბათუმის მალაჩქერიანებში გაზრდილი პარკიტზე ნაგორავები ბიჭისთვის, შენ არ იცი, რა ტანჯვაა. მეთერთმეტეზე ცხოვრება, მაგრამ მე ხომ უკვე დიდი ბიჭი ვარ, რას გეწუნებ, ჩემი გასავლელი გზაა, მარა იმ აივანზე არ გავალ, მთელი თბილისი ჩანს, თუ თვალს დაძაბე, შეიძლება ბათუმიც დანახო, მაგრამ მე არ მინდა დავინახო ქალაქი, სადაც არ ცხოვრობს ვანიჩკა თავის ცოლ-შვილთან ერთად, სადაც არ ცხოვრობს მუდამ მშვიდი, განონასწორებული, მაგრამ გულის სიდრემში სტერვა და ნაბოზარი ხასიათის პატრონი ნანუქა და შენ, ჯიგარი კაცი. მაგრამ, ვანიჩკასი არ იყოს, თვეში ოცი

პარასკევი გაქვს, იქნებ ერთ პარასკევს ყელზე დაიკიდო ეგ შენი სტამბოლი და ჩამოერეკო ბათუმში და ისევ მივარტყაოთ ჭიქა-ჭიქას და ისევ ვთქვათ მოკლე სადღეგრძელოები, აი, ჰემინგუეის სტილში რა.

მაგრამ, მე ხომ უკვე დიდი ბიჭი ვარ, ოცი პარასკევის და შენნაირი მამების დიდად აღარ მჯერავს, მაგრამ მაინც ძალიან მიყვარხარ. რა ვქნა, მამას რომ ირჩევდნენ, ატიკუსს ავირჩევდი ან ბილ გეითსს, მაგრამ ვერ ვირჩევთ და ვილაც სირს ისევე შენ მირჩევინხარ, ოლონდ მალე დაბრუნდი რა.

თუ არ აპირებ დაბრუნებას, წერილი მაინც მომწერე.

პ.ს. შენმა ლელამ სილამაზის სალონი გახსნა, ფული საიდან იშოვა, კაცმა არ იცის, რაც შენ ეგ გაღლიტე, მაგრამ საკაიფოდ მოხდა, ერთი ის ვერ დაიჯერა, ყოფილი ცოლი რომ არის და არაფრით მოქმედი. აუ, სულ მაინტერესებდა სილამაზის სალონების უფროსები რას აკეთებდნენ ბიზნესის დაწყებამდე და ახლა მივხვდი, შენნაირ არაკაცს გადაეყრებიან, გამწარდებიან, პადრუგებს რომ მობეზრდებთ კაცისგან მიტოვებული მოსმენა და მრავალ ხმაში ლანძღვა, ხსნიან სალონებს, დაუჯდებიან მერე კლიენტებს და ექორავებიან დაუსრულებლად. ისე, იმ სალონში მონუვა თუ შეიძლება, ბევრს კი ეწეოდა?! უბედური, მაგრამ შენს ხელში, არ მიკვირს, არ მიკვირს.

ძაან სევდიანი ქალი კი არის ისე, მარა უფრო შტერია, ვიდრე სევდიანი, შენნაირ კაცს რომ მიანდობ ცხოვრებას და მიათხლიშავ იმდენ ფულს ან დედაჩემი უნდა იყო ან შტერი.

ლელა დედაჩემი არ არის. ისე, დედაჩემიც კაი შტერია.

ზინა

მისაც ზღვისპირა ქალაქში უცხოვრია, ზამთრობით, დაცარიელებულ პლიაჟზე აუცილებლად შეესწრებოდა სექსის სცენას, ცხრა თვის შემდეგ კი ქალაქში მორბენალ პატარა ნაბიჭვარს.

ჩემს ქალაქში, სანაპიროზე, ზღვასთან იმაზე ახლოს, ვიდრე ჩვენ, ცხოვრობდა ქალი სახელად ეთერა.

ეთერა, რაც თავი მახსოვს, სულ ჭლარა იყო, გრძელ თმას კოხტად დაივარცხნიდა, მერე დაიბნინდა და კეფასთან შეიკრავდა რგოლად. ზორბა ქალი იყო, ქონდა დიდი ზინა და აქირავებდა ოთახებს, ყავდა ორი შვილი, ანზორი და ავთორი, ძაღლი, რომელსაც პანჩო ერქვა, ლოგინად ჩავარდნილი ქმარი იაშა და კატა, რომელიც შვილივით უყვარდა.

ყოველდღიური საქმისგან დაღლილ-დაქანცული ეთერა ბოლმის ამოღებას სხვებზე ცდილობდა, ამიტომ ყოველ საღამოს სანაპიროზე მოაგროვებდა ბოთლებს, პოლიეთილენის პარკებს, რეზინებს და გააჩაღებდა კოცონს ეზოში, საკმარისი იყო, უკმაყოფილო მეზობლის ერთი სიტყვაც კი გაეგონა, ერთ ამბავს ნაკიდებდა. ასე ჩხუბობდა ყოველ საღამოს ეთერა, მერე დაჯდებოდა თავის სავარძელში, მოისვამდა გვერდით კატას და უყურებდა სერიალებს.

წლების განმავლობაში ეთერას სახლი იცვლებოდა, იცვლებოდნენ მდგმურებიც, სულ სამი ოთახი ქონდა გაქირავებული და ამ ოთახებში, ძირითადად, სტუდენტები, უცხოელი კაცები, ცოლს გაყოფილი, ეთერას თქმით, პიანიცა კაცები, ბოზები და ნაბოზრები ცხოვრობდნენ. სამ თვეზე მეტხანს ეთერას მდგმური არ უჩერებოდა, რასაც ქალი ძალიან განიცდიდა, რა ექნა, ეზარებოდა ყოველ სამ თვეში ერთხელ ახალი მდგმურების ძებნა.

დიდი უმაქნისი შვილები ჰყავდა ეთერას, ავთორი უფროსი ძმა იყო და — დედამისივით ზორბა და ძვალმსხვილი. როგორც წესი, დღის სამ საათამდე ეძინა, ღამე კი გადასაფურთხებლად ვერ ააყენებდა, სანოლის გვერდით ედო ჩაიდან, გადააწყობდა ხელს და ჩაუშვებდა ნახველს ეთერას მზითველი მოყოლილ „ჩაინიკში“. უმცროსი ძმა, ანზორი ტანგრძელი და მამასავით წარმოსადეგი აღნაგობისა იყო, ყოველთვის ცდილობდა, ფული ეშოვა, გამოირჩეოდა ემბაკობით, სულ ახალ-ახალი იდეები მოსდიოდა თავში და სანამ იდეას რეალობად აქცევდა, მეორე იდეა

დაარტყამდა თავში, მთელი ცხოვრება სხვადასხვა საქმეში იყო ჩაბმული, ყოველთვის ჰქონდა ფული, სამ თვეში ერთხელ სეზონურად განახლებდა გარდერობს მეორადებში და განსაკუთრებული სიხარულით ყიდულობდა ახალ სათვალეს.

არაფრის დარდი არ ჰქონდა ეთერას, მაგრამ, როგორც კი ოცდაათ წელს გადააბიჯეს ბიჭებმა, ეთერამაც ნერვიულობა დაიწყო, რა ექნა საწყალს, უნდოდა, შვილიშვილებს მოსწრებოდა, დღენიდაც სხვის გოგოებს უყურებდა და ცდილობდა, ეპოვა თავისი შვილების სადარი გოგო, მაგრამ ავთორის ცოლის მოყვანა არ ეჩქარებოდა, თან ეზარებოდა სახლიდან გასვლა, ხოლო ანზორისთვის ცოლი ზედმეტი ხარჯი იყო.

შემოდგომის ერთ წვიმიან დღეს ჩვენს ეზოს ქოლგამომარჯვებული შალის მოსახსამში გახვეული ქალი ეწვია, რომელიც ნაქსოვი ქუდი, კაშნეთი და ხელთათმანებით ინონებდა თავს, მსუბუქად მოანკაპუნებდა ფეხებს და თან ღიმილი არ შორდებოდა სახიდან. ქუდში ზინას (როგორც მერე გავიგეთ, ასე ერქვა ქალს) მოკლედ შეკრეჭილი შავი თმა მოუჩანდა. გუბესთან დაბნეული შეჩერდა, ფეხები უცნაურად მოკეცა და რამდენიმე წამი ფიქრობდა, გადაეხიჯებინა გუბეზე, შემოევლო თუ გაეტოვა, ბოლოს შემოვლა არჩია და ეთერას ბინისკენ აუყვა ვიწრო კიბეს.

ზინამ ოთახი იქირავა ეთერას სახლში. ბევრი არაფერი მოჰყოლია ქალს, ერთი პატარა ჩემოდნით მოიტანა ტანისამოსი, სამი წიგნი შემოდო თაროზე, ერთი ქოთნის ყვავილი ფანჯარასთან დადგა და ელევანტური ბრა — სანოლის გვერდით.

ბრა ერთადერთი იყო, რაც მამისეული სახლიდან გამოჰყვა ზინას, ძალიან უყვარდა ქალს იგი, ბევრ ქალაქში უცხოვრია და ყველგან თან დაატარებდა. მამისაგან უარყოფილ გოგოს ერთადერთი რამ, რაც ბავშვობას და გარდაცვლილ მშობლებს ახსენებდა, ეს ძვირფასი და ელეგანტური ნივთი იყო. ყველაფერი შეელოდა ქალი, მაგრამ ბრას ვერაფრით. ეთერამ თავიდანვე დააღდა ამ ბრას თვალი, შინაგანად გრძნობდა, რომ ეს ბრა მას შერჩებოდა, ზინას უთუოდ გადააინწყებოდა და დატოვებდა დროებით ნაქირავებ ოთახში. გადიოდა დღეები, კვირები, თვეები, ზინა ან ფანჯარასთან იჯდა და გაჰყურებდა ზღვას, ან ქოლგას მოიმარჯვებდა და სანაპიროზე სეირნობდა მზიან ამინდში. მუშაობით არსად მუშაობდა, არც არავის ესაუბრებოდა ეზოში, რადგან არავინ ვიცოდით რუსული. ზინამ კი იცოდა ქართული, მაგრამ მაინც რუსულად ესაუბრებოდა და ესალმებოდა ყველას, მალაზიაში მომუშავე ეკასაც კი სამსაათიანი წვალბის შემდეგ ძლივს აგებინებდა, თუ რისი ყიდვა უნდოდა, კითხულობდა თავის სამ ნიგნს დაუსრულებლად, უსმენდა წვიმის რაკრას სახურავზე, ეფერებოდა ეთერას კატას და სამშაბათობით მთელი ღამე ტიროდა სანოლში.

როგორც კი ზაფხული დადგა, ზინამ თავისი ელეგანტური საცურაო კოსტიუმები გამოაჩინა და დალაპარაკებდა მზეზე იწვა, ხან კითხულობდა, ხან ჭამდა, ხან უბრალოდ იწვა და ილიმებოდა. ხანდახან ეთერას უმცროსი ბიჭი, ანზორი მიუჯდებოდა გვერდით. თავიდან ზინა ყურადღებას არც კი აქცევდა ანზორს, მაგრამ მერე და მერე ბიჭის თეთრმა კბილებმა, ჩალისფერმა თმებმა და გრძელმა, დახვეწილმა თითებმა ქალი მოხილმა.

ერთ დღესაც ქოლგას ამოფარებული ანზორი და ზინა დაინახეთ გადახვეული, ახლა საღამოობითაც გადიოდა ზინა სანაპიროზე და გვიან ღამემდე არ ბრუნდებოდა სახლში. რამდენჯერმე ცუდი ჭორებიც დაუყარეს ბედნიერ წყვილს. ეთერა იმდენად იყო ზინას ბრით მოჯადოებული, რომ არც კი აინტერესებდა მისი შვილის ახალი გატაცება, ზედ დაჰკანკალებდა ბრას და ყოველ დილას გულდასმით წმენდდა, თან სიყვარულით ესაუბრებოდა უსულო ნივთს.

ზაფხული ისევ შემოდგომამ შეცვალა, ანზორი უკვალოდ გაქრა, ახალმა იდეამ ქვეყნის მეორე ბოლოში გადაისროლა, ზინა აღარც ფანჯარასთან ჩანდა, აღარც სანაპიროზე ქოლგით ხელში, ერთადერთი ეთერა თუ შეუხედავდა დილას ბრას და თან ზინას გადაუგდებდა ერთ-ორ სიტყვას

გატეხილი რუსულით. შემოდგომის მიწურულს ხმა დაირხა ეზოში, უჯიშო ზინა ორსულადააო, ზამთარში მივხვდით, რომ ბოროტი ციალა არ ტყუოდა, ზინა მართლაც ორსულად იყო, მაგრამ მაინც და მაინც ვერ ხვდებოდა, რომ სხვისი განსჯის საგანი იყო, ზამთრის ბოლოს ზინა კარგა მოზრდილი მუცლით დაიარებოდა ეზოში, ყიდულობდა რძეს და ბრუნდებოდა სახლში. ახალი ამბით გაოგნებულ ანზორს სახლსგარეთ ვერ ნახავდით, იჯდა თავისთვის და გეგმავდა უჯიშო ზინასთვის შვილი წაერთმია, ოლონდ უნდოდა, ეს ისე გაეკეთებინა, რომ ბავშვის დაბადების ხარჯები ზინას გაენია. მაისის ბოლოს ზინას ბიჭუნა შეეძინა. ზინამ ბავშვს ბაბუის სახელი, ოლაფი დაარქვა, თეთრ საბანში გაახვიდა და სამშობიროდან წამოიყვანა. ეთერასთან დარჩენილი ქირა გადაიხადა და წამოსვლა დააპირა, დიდი ხანი გეგმავდა მამისეულ დაცარიელებულ სახლში დაბრუნებას და, როგორც იქნა, ნატვრასაც ისრულებდა.

მაგრამ, როგორც ყველა უბედურ ზღაპრის გმირს, არც ზინას დაადგა კარგი დღე, ანზორმა წაართვა შვილი, ეთერამ ქალის უბედურებით ისარგებლა და არეულობაში, წივილში და კივილში ზინას ბრა გადაამალა.

დიდი ხანი არც გასულა იმ ამბების შემდეგ — მოხუცი ეთერა ისევ დაეძებს მდგმურებს, ზინას ბიჭუნა იზრდება უდღოდ და ვერც კი ნარმოუდგენია, რომ არსებობენ ბავშვები, რომლებსაც დედები ჰყავთ, ხოლო სანაპიროზე დღემდე დაიარება ერთი ქალი შალის მოსახლამით, შორიდან ადევნებს თვალს პატარა ბიჭების თამაშს და იმედი აქვს გადანურული, რომ ისევ იხილავს ბავშვობისდროინდელ სახლს.

ეთერას ბინძურ ოთახს კიდევ დიდხანს გაანათებს სიძველისგან და მოუვლელი ბისგან გაუფერულებული დიდებული ბრა.

შუალაღის ბოგოეზი

ქალები იცვლიდნენ თმის ფერს და ბავშვის გაჩენას ნატრობდნენ, პრინცებზე ხედავდნენ სიზმრებს, დღისით კი არაფერს ამბობდნენ.

ქალები იცვლიდნენ თმის ფერს, დღიურში ყვავილებს ახმობდნენ, ეტრფოდნენ ლექსებს თუ ცის ფერს, უბრალოდ, თავისთავს ართობდნენ. გაგა ნახუცრიშვილი. „ქალები“

— ბომბიკომ, ახალი ამბავი მაქვს, — ნაფაზი დაარტყა, შუბლზე ჩამოშლილი უხეიროდ შეჭრილი წინამო უკან გადაინია და გააგრძელა ლაპარაკი თინანომ, — ოლონდ არ დაინყო, აქამდე რატო არ გვითხარი, სად იყავი, როგორი დაქალი ხარ და მსგავსები, გასაგებია? — რა გაქვს ასეთი სათქმელი, აბა, გისმენთ, — იკითხა თინანოს მეგობარმა მარუსამ და ხელები მაგიდას დააყრდნო. — ახალი კაცი გამოჩნდა... — რაა? ვინ, დროზე მოჰყავი, ქალო, — წამოიკვილა მარუსამ. — კი, კი, ახალი კაცი, თქვენც იცნობთ, არ გამწნწნოთ ოლონდ, ცოხოვთ. — ვინა, არ მითხრა ახლა, ისევ იმ დეგენერატ პაატას დაუბრუნდი, არ გამაგიჟო.

— არა, კაცო, რაც მე მაგას დედაზე ვაგინე სიმთვრალეში, აღარც მესალმება. — აბა, ვინ, რას გვანამებ, დროზე ამოსთქვი. — ბადრი... — თქვა და მლელვარები-სგან ღრმა ნაფაზი დაარტყა, თან თვალები მილულა. — რომელი ბადრი, კაცო, ვორონცოველი? — არა, არა, ეგ ცოლიანია, რა ვორონცოველი ბადრი. — ოჰჰ, თორემ რას ამბობ, ვითომ პაატა გზაზე დასაყენებელი სტუდენტი იყო. — პაატას ცოლი სწერდა იყო და იმსახურებდა, ვორონცოველი ბადრის ცოლი ჯიგარი გოგოა, რეებზე მალაპარაკებთ, შიგ ხო არ გაქვთ.



— ჰოდა, ამოსთქვი, რომელ ბადრიზე ამბობ, შენ დალოცვილო, — აღელვება ეტყობოდა მარუსას.

— ამამუკელი... — ისევ ღრმა ნაფაზი დაარტყა თინანომ.

— რას ამბობ, ქალო, მაგას ხომ კიბო აქვს, გაგიფებულხარ, კაცი დაგებრიდოს, გინდა? — ნამოიკვილა მარუსამ.

— არა, აღარ აქვს, იმკურნალა.

— რანაირად იმკურნალა, ფული მაგას არა აქვს და ქონება, ნუ გამაგიჟე.

— რომელიღაცა ქვეყანამ დაუფინანსა.

— და სულ განიკურნა?

— კი, კი, ექვს თვეში ერთხელ ესინჯება ექიმს, აღარაფერი არა აქვს.

— და თქვენ საიდან შეხვდით ერთმანეთს, რეებს მელაპარაკები, პირი დამრჩა ღია.

— გამომიტყდა, სულ მიყვარდიო, ცოლმა დამადო თუ არა, ეგრევე მიხვდი, ვისთანაც უნდა დამერეკაო, ვინც უნდა გამეხსენებიაო. აი, ეგეთი ამბები მაქვს, — სიამოვნებისგან გაიბადრა მეჩხერთმიანი თინანო.

— ვაიმე, მაგისი ცოლი სულ დამავინყდა, რა ამბები იყო, შარშან სამ შვილს რომ მოკიდა ხელი და გაჰყვა ვიღაცა უცხოელს, დაადო ქმარი.

— ჰო, ძან დეპრესიებში ვიყავიო, ბადრიმ მითხრა, პირველი სამი კვირა ვერ გამოვდიოდი სახლიდანო, მერეც დიდი ხანი დამჭირდა აზრზე მოსასვლელადო, ახლა კარგად ვართ.

— ვაიმე, რაღაცა მაინც არ მომწონს ეგ ამბავი.

— რატო, ნუ შემშალე, რანაირი ხარ, მარუ, დამჭკნარი დაქალის ბედნიერება როდის მერე გწყინს?!

— რაღა კიბოიან და ჯანდაბიან კაცს გადაეყარე, იდიოტკა ყოფილი ცოლით და სამი პირდაღებულით.

— ოჰჰ, თორემ რას ამბობ, ჯანმრთელები, უცოლოები და ფსიქიკურად განონასწორებულები სულ ვიტრინებში არიან გამოფენილები დიდი ფასდაკლებით.

— ნუ, კიბოიანი მაინც...

— აღარ აქვს, აღარ.

— მაგისგან მაინც არავინაა დაზღვეული, რო დაუბრუნდეს?

— ფუ, ფუ, — სამჯერ დააკაკუნა სამზარეულოს ხის მაგიდაზე თინანომ.

— ფუფუ არ უნდა მაგას, ავადმყოფი დედაჩემი მყვოფა, სახლში რო მიწევს.

— მოიცა, მირეკავს, — ტელეფონი აიღო და გვერდით ოთახში გაიქცა აღელვებული და სახელაწილი თინანო.

— შენ რაღა გჭირს, ლილი, რად არ იღებ ხმას, ვაფუე სხვაგან ხარ, — მიუბრუნდა მოსაუბრის გარეშე დარჩენილი მარუსა გვერდზე მჯდომ მესამე დაქალს.

— აჰჰ, არაფერი, სამსახურმა გადამიყოლა, გამოვითიშე, — გაუღიმა ლილიმ დაქალს, — მთავარია, ბედნიერი იყო, თინანო, ყლუზე დაიკვიდა მაგისი ვალები, ცოლები და კიბოები, — გასძახა გვერდით ოთახში ყურზე ტელეფონისუბტებულ თინანოს.

— სადა აქვს, თორემ, ორმოცივეს ზედ დაიკვირებდა, — ჩაიხიბხიბა მარუსამ.

მარუსა, თინანო და ლილი საბჭოეთის დროინდელი დაქალები იყვნენ, ერთ უბანში გაიზარდნენ, ერთ ეზოში აგორებდნენ ბურთს, აწივებდნენ სკამეიკაზე ჩამოსხდარ ან გარდაცვლილ უბნის ბებოებს, ერთად აგრიანებდნენ ველოსიპედებს, ისმენდნენ მანქანების ნივთს ქუჩაზე თავხედურად გადარბენისას, ერთად მირობდნენ ნაყინის საყიდლად უახლოეს სურსათის მაღაზიაში და ზაფხულობითაც ერთად ისვენებდნენ აგარაკზე, ქალაქთან ახლოს. მარუსა და თინანო ერთი ასაკისა იყვნენ, ლილი სამი წლით უმცროსი იყო მათზე. ბავშვობაში უკადრისობდნენ სამი წლით უმცროსს, კარგად მოვლილ და დავარცხნილ, ქერათმიან გოგოსთან ურთიერთობას, მაგრამ რაც ასაკი ემატებოდათ, სამწლიანი სხვაობა უფრო და უფრო ნაკლებად შესამჩნევი ხდებოდა. გოგონების მეგობრობაზე მთელი უბანი ლაპარაკობდა. ყველგან, სადაც კი მეგობრობის სადღეგრძელოს სვამდნენ, იხსენებდნენ სამ არაჩვეულებრივ მეგობარს, სამ დაქალს, ბავშვობიდან ერთად მყოფებს და ბედნიერებს. ბიჭები გიჟდებოდნენ პატარა, ლამაზ არსებებზე, მეზობლებს უჭირდათ

ცალ-ცალკე მათი წარმოდგენა, ისინი ერთნი იყვნენ ყოველთვის და ცალკეულად არავინ მსჯელობდა მათზე, უბნის ყოყინებს და ყრიაშულებს ეძახდნენ, ერთად კი პანორამულ სილამაზეს ქმნიდნენ. ერთხელ ბებერმა და ლოთმა ვალოდიათ თქვა, თუ გურულებმა მარსზე კრიმანჭული გააგზავნეს, ჩვენი უბნიდან მარუსას, თინანოს და ლილის გავაგზავნი, დაჰკვივლებენ ერთს და ააყვავებენ იქაურობასო. მართალიც იყო, გოგონები აცოცხლებდნენ უბანს, ახალისებდნენ სამეზობლოს და ალაპარაკებდნენ მახინჯ, მრავალსართულიან კორპუსებს.

ასაკის მატებასთან ერთად გოგონების ხმაურიანმა თავგადასავლებმა ეზოდან ერთმანეთის ბინებში გადაინაცვლა, მოსწავლეობის პერიოდში ჰქონდათ გამართული დიდი სტუმრიანობა, თამაშობდნენ

ზურაბ აბაშიძე



გათენებამდე, იცინოდნენ, კისკისებდნენ და ხმაურით აჰქონდათ მთელი კორპუსი. შენუხებული მეზობლები არაფრის დიდებით გამოთქვამდნენ პრეტენზიას, ახალგაზრდები არიან, იმხიარულონ, აბა, რა უნდა ქნან, ჩვენსავით ქსოვას ხომ არ დაინყებენო. მშობლებსაც იმდენად ახარებდათ მათი ურთიერთობა, რომ დიდ სტუმრიანობასაც არად აგდებდნენ და მორჩილად ხვეტდნენ გამტყდარი ჭიქებისა თუ თევზების ნამსხვრევებს იატაკიდან.

გოგონებმა პირველი სიყვარული ერთად იწვინეს, უბნის ყველაზე მშვიდ, განონასწორებულ და ალაღ ბიჭს დაადგეს თვალი და ერთად შეუფრინდათ გულში. მერე დიდი ხანი წენეს და გლიჯეს ერთმანეთი, არა მე მოვწონვარ, არა — მეო, მაგრამ ამას მათ ურთიერთობაზე არ უმოქმედია, გაიგეს თუ არა, სხვა უბნელი გოგო უყვარს კოკასო, მაშინვე მიჩუმდნენ, ბევრი იცინეს და შეთანხმდნენ, რომ ამის იქით ერთი ბიჭი არასოდეს მოეწონებოდათ და საერთოდ, მოკლე ფეხები ჰქონდა სხვა უამრავ სიკეთესთან ერთად. ლოთი ბიძის პატრონ კოკას, ძალიანაც თუ ჩავეძიებთ, ბოზი მაშიდაც ყყოლებს სანათესაოში, დაამშვიდა გოგონები თინანომ თავის დროზე.

უნივერსიტეტის დამთავრების შემდეგ მათი გზები თავისდაუნებურად გაიყო, თინანომ ევროპული ენების შესწავლა გადაწყვიტა, მარუსას კარდიოლოგობა უნდოდა, ლილის კი ფრენზურთელობა. საბოლოოდ, თინანოსგან კარგი თარჯიმანი დადგა, მარუსამ საკუთარი სტომატოლოგიური კლინიკა გახსნა და ლილი დაწყებით კლასებში მყოფ მოსწავლეებს ასწავლიდა ქართულ ენასა და ლიტერატურას.

თავისი ცხოვრებით არცერთი იყო უკმაყოფილო, ბევრი კაცი გამოიცვალეს, ერთ-ორჯერ გათხოვდნენ კიდევ, ლილის ორი შვილიც გაუჩნდა, ბიჭები. მარუსამ პატარა გოგონა იშვილა ორიათასიანების დასაწყისში, თინანოს ბავშვის ატანა და გაგონებაც არ უნდოდა და სამსახურსაც არ უჩიოდნენ. სამივე დასაქმებული, წარმატებული და ასაკთან შედარებით ომახიანად შენახული იყო, მაგრამ ბოლო წლებმა სამივე მოტყვა, ვეღარც ძველი ხალისით დადიოდნენ თბილისის გაპარტახებულ

კლუბებში, კაცების აგდებაც უჭირდათ სხვადასხვა ღამისეული დანესებულებიდან, აღარც თმა ეზრდებოდათ წარსული სიშლეგით, ვეღარც სახის კანს ეთქმოდა ვარდის ფურცელივით ნაზი ან სათუთი და ვერც ძველი რიხით მღეროდნენ შუფუტინისკის ყოვლად უგვანო სიშლერებს.

სამსახურმაც კლანჭებში მოიქცია და თავში ხელი წამოარტყა ქალებს. რაც უფრო ემატებოდათ ასაკი, მით უფრო მეტი მოთხოვნა უჩნდებოდათ, აგერ ჯანმრთელობას უნდა პატრონობა, იგერ შვილებს უნდათ ათასი რამე, მუშაობაა საჭირო, გოგონებო, შემოსძახა ერთ დღეს თინანომ ქალებს, ვეღარ შევიცვლით სამსახურებს კაცებივით, თავი უნდა დავიმკვიდროთ, სტაბილურობა, ძიჯონკი, სტაბილურობა, თორემ ჩვენი პატრონი

არჩევსას, ვაითუ, არ მოეწონოს ეს გულამოღერებული კაბაო.

იყვნენ ასე ერთმანეთზე გადამსკდრები, ვერც გაზაფხული უშფოთებდათ გულს და ვერც გადამფრენი მოლაღურები. თინანო ხანდახან ფეხებსაც არ იპარსავდა, მარუსა დანოლის წინ კბილებს არ იხეზავდა, ვის რაღამი უნდა ჩემი პირი, რა აზრი აქვს გამოსუფთავებული იქნება თუ ჩემი ბედით მყრალიო, გაიფიქრებდა დანოლისას თავდამძიმებული, ლილი წარბებსაც არ იქნიდა, დადიოდა გაშლილი ამაზონით და სულ ფეხზე ეკიდა თვალეში მომხიარული დაქალების შეკვივლები და წარსული დროებიდან გადმოყოლილი ქალური ზამაშკები. ხანდახან უძილობაც აწუხებდათ, იჭყიპებოდნენ საძილეებით, ყოველთვიური სისხლიანი საზრუნავიც მოიშორეს, მაგრამ თვეების მერე კიდევ ერთხელ მიხვდნენ, რომ ამ სისხლდენას მათი ახალგაზრდობაც და ფუნქციური ცხოვრებაც თან მიჰყვა.

ყველაფრის მიუხედავად, გასაჭირზე დიდად არც ლაპარაკობდნენ, ქალები ქმრების ნიხლებს ვერ იშორებენ. ფიქრობდნენ ისინი — ზოგს მარცხენა ძუძუ აქვს ჩამონეული თითო ნაბიჭვრის გამო, ზოგიც ერთოთახიანში ცხოვრობს რძალთან, დედამთილთან და შვილიშვილთან ერთად, ზოგიც საერთოდ თურქეთში უვლის ყლექალა მოხუცებს, დიდი ამბავი, ჩვენთან სამსახურის გარდა თუ არაფერი ხდება, ჩვენი გასაკეთებელი ვქენით, იმდენს გადავხატით, გადმოვახტით, დავხატით და შემოვახტით, საშვილიშვილოდ გვეყოფა მოსაყოლაო.

მაგრამ რაღაცა მაინც ღრღინდათ შინაგანად, იცოდნენ, რომ ყველაფერი ასე მარტივად არ იყო, იცოდნენ, რომ სჭირდებოდათ უფრო დიდი ამბავი, უფრო დიდი თავგადასავალი, დიდი სიხალისე, მხიარულება, ყრიაშული და ხმაური, სულ ფეხებზე ეკიდათ სხვა ქალების ბედი, თვითონ მოწყენილები იყვნენ და სხვა ქალებზე საფიქრალად არც უნდა დაეხარჯათ ძვირფასი დრო და ტრაკი უნდა გაეწმირათ, თუ სურდათ, კარგად ყოფილიყვნენ, იცოდნენ, რომ ასე გაგრძელება არ შეიძლებოდა, იცოდნენ, რომ დედა გაელუნებოდათ, უფრო დამახინჯდებოდნენ, ერთმანეთის ყურებაც გააგიჟებდათ.

იცოდნენ, რომ ვეღარც თინანო იამაყებდა თავისი ჩამოქნილი თითებით და სავსე, წყლიანი თვალებით, ვერც მარუსა თავისი განიერი, უმშვენიერესი მხრებით და ჯერ კიდევ ატმებივით ძუძუებით, ვერც ლილი გადმოაწყობდა ჩამოთლილ, უგრძეს ფეხებს, ვერც ვაგას გააქან-გამოაქანებდა რამდენიმე წელსინადში და ვეღარც შეღებულ გრძელ თმას დაიყრდა მერბზე.

ამიტომაც თინანოს ამბავმა ორივე გაახარა, მიხვდნენ, რომ კაცები ჯერ კიდევ არსებობდნენ, რომ არც ისე ბებრები იყვნენ და მათაც შეეძლოთ, თავიანთი წილი ბადრი ეპოვათ, თავიანთი ხვედრი ამამუკელი, მათაც გაეხეთქათ დაქალების გულები სიხარულისგან გაზაფხულის მშვენიერ საღამოს.

ორშაბათს, ექვს საათზე, სანამ თინანო თავის კაცს შეხვდებოდა, გოგონებთან შეირბინა, კარზე სამჯერ თანაბარი ინტერვალებით დააკაკუნა და მარუსა მიხვდა, ვინც უნდა ყოფილიყო. კარი გაუღო და სამზარეულოსკენ გაუშვა.

— იქეთ არ შეხვიდე, დედაჩემს ისევ დააინყდა, ვინ ჩემი ყლეა, ბლავის, ჩაკვტე ოთახში, მაგის აშარებების თავი არ მაქვს, აქეთ მოვჯვამს და მყრალი სუნის თავი არ მაქვს.

— კარგი რა, ცოდოა, — შენუხება დაეტყო სახეზე თინანოს.

— არ გამაშლევიანო ახლა ფრთები, მე ხო რას ამბობ, არ ვარ ცოდო, — თვალეში გაუფართოვდა მარუსას.

— ყველა ვებრდებით, გოგო, — უთხრა, ჩანთა მაგიდაზე მოათავსა და ჩამოჯდა.

— ფანჯარასთან არ ჩამოჯდე, გატეხილი სკამი დევს მანდ, — გამოსძახა მაცივარში თავმყოფილმა მარუსამ, — მე, გენაცვალე, ეგრე არ გავანვალე ნათესავებს, როგორც კი ასაკში შევალ, ავიყრი ბარგს და წავალ თურქეთში ან საბერძნეთში, ვიცხოვრებ მოხუცებულების სახლში, იქაც ვიპოვი დაქალებს და ერთ ბაბუს.

— დღეიდანვე დაინყე ფულის შეგროვება.

— რას შევბოდი ამდენ ხანს ტუალეტში? — ჰკითხა მარუსამ ტუალეტიდან გა-

არჩევსას, ვაითუ, არ მოეწონოს ეს გულამოღერებული კაბაო.

იყვნენ ასე ერთმანეთზე გადამსკდრები, ვერც გაზაფხული უშფოთებდათ გულს და ვერც გადამფრენი მოლაღურები. თინანო ხანდახან ფეხებსაც არ იპარსავდა, მარუსა დანოლის წინ კბილებს არ იხეზავდა, ვის რაღამი უნდა ჩემი პირი, რა აზრი აქვს გამოსუფთავებული იქნება თუ ჩემი ბედით მყრალიო, გაიფიქრებდა დანოლისას თავდამძიმებული, ლილი წარბებსაც არ იქნიდა, დადიოდა გაშლილი ამაზონით და სულ ფეხზე ეკიდა თვალეში მომხიარული დაქალების შეკვივლები და წარსული დროებიდან გადმოყოლილი ქალური ზამაშკები. ხანდახან უძილობაც აწუხებდათ, იჭყიპებოდნენ საძილეებით, ყოველთვიური სისხლიანი საზრუნავიც მოიშორეს, მაგრამ თვეების მერე კიდევ ერთხელ მიხვდნენ, რომ ამ სისხლდენას მათი ახალგაზრდობაც და ფუნქციური ცხოვრებაც თან მიჰყვა.

ყველაფრის მიუხედავად, გასაჭირზე დიდად არც ლაპარაკობდნენ, ქალები ქმრების ნიხლებს ვერ იშორებენ. ფიქრობდნენ ისინი — ზოგს მარცხენა ძუძუ აქვს ჩამონეული თითო ნაბიჭვრის გამო, ზოგიც ერთოთახიანში ცხოვრობს რძალთან, დედამთილთან და შვილიშვილთან ერთად, ზოგიც საერთოდ თურქეთში უვლის ყლექალა მოხუცებს, დიდი ამბავი, ჩვენთან სამსახურის გარდა თუ არაფერი ხდება, ჩვენი გასაკეთებელი ვქენით, იმდენს გადავხატით, გადმოვახტით, დავხატით და შემოვახტით, საშვილიშვილოდ გვეყოფა მოსაყოლაო.

მაგრამ რაღაცა მაინც ღრღინდათ შინაგანად, იცოდნენ, რომ ყველაფერი ასე მარტივად არ იყო, იცოდნენ, რომ სჭირდებოდათ უფრო დიდი ამბავი, უფრო დიდი თავგადასავალი, დიდი სიხალისე, მხიარულება, ყრიაშული და ხმაური, სულ ფეხებზე ეკიდათ სხვა ქალების ბედი, თვითონ მოწყენილები იყვნენ და სხვა ქალებზე საფიქრალად არც უნდა დაეხარჯათ ძვირფასი დრო და ტრაკი უნდა გაეწმირათ, თუ სურდათ, კარგად ყოფილიყვნენ, იცოდნენ, რომ ასე გაგრძელება არ შეიძლებოდა, იცოდნენ, რომ დედა გაელუნებოდათ, უფრო დამახინჯდებოდნენ, ერთმანეთის ყურებაც გააგიჟებდათ.

იცოდნენ, რომ ვეღარც თინანო იამაყებდა თავისი ჩამოქნილი თითებით და სავსე, წყლიანი თვალებით, ვერც მარუსა თავისი განიერი, უმშვენიერესი მხრებით და ჯერ კიდევ ატმებივით ძუძუებით, ვერც ლილი გადმოაწყობდა ჩამოთლილ, უგრძეს ფეხებს, ვერც ვაგას გააქან-გამოაქანებდა რამდენიმე წელსინადში და ვეღარც შეღებულ გრძელ თმას დაიყრდა მერბზე.

ამიტომაც თინანოს ამბავმა ორივე გაახარა, მიხვდნენ, რომ კაცები ჯერ კიდევ არსებობდნენ, რომ არც ისე ბებრები იყვნენ და მათაც შეეძლოთ, თავიანთი წილი ბადრი ეპოვათ, თავიანთი ხვედრი ამამუკელი, მათაც გაეხეთქათ დაქალების გულები სიხარულისგან გაზაფხულის მშვენიერ საღამოს.

ორშაბათს, ექვს საათზე, სანამ თინანო თავის კაცს შეხვდებოდა, გოგონებთან შეირბინა, კარზე სამჯერ თანაბარი ინტერვალებით დააკაკუნა და მარუსა მიხვდა, ვინც უნდა ყოფილიყო. კარი გაუღო და სამზარეულოსკენ გაუშვა.

— იქეთ არ შეხვიდე, დედაჩემს ისევ დააინყდა, ვინ ჩემი ყლეა, ბლავის, ჩაკვტე ოთახში, მაგის აშარებების თავი არ მაქვს, აქეთ მოვჯვამს და მყრალი სუნის თავი არ მაქვს.

— კარგი რა, ცოდოა, — შენუხება დაეტყო სახეზე თინანოს.

— არ გამაშლევიანო ახლა ფრთები, მე ხო რას ამბობ, არ ვარ ცოდო, — თვალეში გაუფართოვდა მარუსას.

— ყველა ვებრდებით, გოგო, — უთხრა, ჩანთა მაგიდაზე მოათავსა და ჩამოჯდა.

— ფანჯარასთან არ ჩამოჯდე, გატეხილი სკამი დევს მანდ, — გამოსძახა მაცივარში თავმყოფილმა მარუსამ, — მე, გენაცვალე, ეგრე არ გავანვალე ნათესავებს, როგორც კი ასაკში შევალ, ავიყრი ბარგს და წავალ თურქეთში ან საბერძნეთში, ვიცხოვრებ მოხუცებულების სახლში, იქაც ვიპოვი დაქალებს და ერთ ბაბუს.

— დღეიდანვე დაინყე ფულის შეგროვება.

— რას შევბოდი ამდენ ხანს ტუალეტში? — ჰკითხა მარუსამ ტუალეტიდან გა-

მოსულ ლილის.
 — ვფსამდი.
 — ხელებს რატო იმშრალე შარვალზე.
 — პირსახოცი იქ არ ეკიდა და...
 — კარგი, რა დროს ეგაა, მალე გავდივარ, — დაჩქარა თინანომ გოგოები, — სად არის?
 — კარგი რა, მართლა გვერავთ?
 — რატო არ გვერავს, რა მიდის ჩვენი, იქნებ სასწაული მოხდეს და სიმართლე გვითხრას, არ მომხდარა თუ?!
 — კარგი, აივანზეა, შემოვიყვან ეხლავე, — აჩქარდა მარუსა.
 — რა უნდა აივანზე?
 — ესე თქვა, მოილაპარაკეთ თქვენში, მე არ მოგისმენთ, მერე რამე რო არ თქვათო, თან სუფთა ჰაერსაც ჩავისუნთქავ, კარგი აურააა სუფთა ჰაერიო, — უპასუხა უგულოდ ლილიმ.
 — აბა, რა, ამ უბანში მანქანების გამონაბოლქვის გარდა რას ჩავისუნთქავს, ძაან კი მინტერესებს.
 — დამწვარი ბოთლების სუნს, — ჩაიხიოთხიოთა ქალმა.
 — აი, მოვიყვანე, გაიცანით, ვარდო, — წარუდგინა მარუსამ ქალი გოგოებს, — ესენი ჩემი მეგობრები არიან, თინანო, ლილი.
 — რომელს დავჭირდი?
 — აი, თინანოს, — თინანოსკენ გაიშვირა თითი მარუსამ, — თუ დრო დაგვრჩება, ჩვენც ჩავგვიხედე.
 — კარგი, მოიტათ ყავა.
 თინანომ ოთახში ყავის სამი ჭიქა შემოიტანა, მაგიდაზე დადგა და თვითონაც მორყეულ სკამზე მოკალათდა.
 — როგორც მითხარით, იშვიათად რომელ ჭიქებსაც ვიყენებ, იმაში ჩამოვასხი ყავა, ზომიერად ტკბილია და ყავაც მსხვილი და უხეში შევარჩიე, ნელ პარზე მოვხარშე, — მოსწავლესავით ალაპარკდა მარუსა.
 — სანამ ყავის სმას დაიწყებდეთ, მოიქციეთ ფინჯანი ორივე ხელისგულში.
 — ესე ხო? — აჩვენა თინანომ.
 — კი, ეგრე, დახუჭეთ თვალები და მოდუნდით, — ქალები ნელში გაიმართნენ, მხრები ჩამოყარეს და თავი მალა ანიეს, — თუ მომავლის გაგება გსურთ, არ იფიქროთ არაფერ კონკრეტულზე, მაგრამ თუ რაიმე გარკვეული საკითხი გაინტერესებთ, კონცენტრირება გონებაში სწორედ მასზე უნდა მოახდინოთ. ამის შემდეგ პატარ-პატარა ყლუპებით და აუჩქარებლად მიირთვით ყავა, ოღონდ ბოლომდე არა. დატოვებთ ფინჯანში სულ ცოტა სითხე, მიმოატარებთ ხელის მსუბუქი მოძრაობით და გადმოაბრუნებთ. თუ თქვენთვის მკითხაობთ, გადმოაბრუნებთ თქვენკენ, შემდეგ სანინალმდეგო მიმართულებით, შემდეგ მიატრიალეთ საათის ისრის მიმართულებით, ბოლოს კი — საათის ისრის სანინალმდეგოდ.
 — ვაიმე, ამასაც თუ ამდენი ამბავი უნდოდა, რა მეგონა, — ამოიკნავლა მარუსამ.
 — აბა, როგორ, გენაცვა, ყველაფერი საჩალიჩოა დღეს, — ჩაყვითლებული კბილები გამოაჩინა ვარდომ.
 — მოვრჩი, — ყავის ჭიქა ამოატრიალა თინანომ.
 — მონიე ახლა ერთი ღერი პაპიროზი და ჩავიხედავ მერე.
 — ეგრე ვიზამ, — სამივემ ერთად მოუკიდა სიგარეტს.
 — მომისმინე ახლა, — დაიწყო მარუსამ, — იცოდე, არ აყლექალდე, არ დაიწყო ნიკოტინი და ისტერიკები, პატარა გოგო აღარ ხარ, არც გადაპარსული თმა მოგიხდება და არ გეგონოს, დამორდები, გადაიპარსავ თავს და გადაგივლის.
 — არა, გაგიჟდი, — შეიცხადა თინანომ.
 — და არც შენებური პრინციპულობა გამოიჩინო, დაგპატიჟებს, დაიპატიჟე თავი, არ უნდა შენი რეჩები, ვაიმე, როგორ დავხარჯო, გამოგივლის მანქანით, ჩაუხტი, არ უნდა აქ, როგორ შეევანუსო, როგორ დავახარჯინო ბენზინი.
 — არა, კაცო, გაზზე ყავს.
 — უიმე, სულ რო ოქროს ასხამდეს შიგ, შენ მაინც უნდა შევანუსო, კაცი რისთვისაა, სიამოვნებს ეგეთები, თონთლო შენ.
 — აუ, ხო იცი, არ მესმის ეგეთები, არაა ნაშობა ჩემი სფერო.
 — გოგო, მისმინე, არ უნდა ყვერების გამობმა, ქალი ხარ და ქალს ქალობაც

უხდება, — ხმა აიმაღლა მარუსამ
 — მაიბა ჭიქა, — დაიკნავლა ვარდომ.
 — აჰა, კი ამბები გვაჯახე, — ჭიქა ამოაბრუნა და გაუნოდა მკითხავს მარუსამ.
 — რასაც დავინახავ, იმასა, ქალებო, როგორ მოგატყუებთ ამხელა გოგოებს.
 — ა, ეგ ქენი, — მიუგო მარუსამ.
 — ესე იგი, თალი აგერ, ხო ხედავ? ეგ გამოვლილი ტრაგედია და დანაკარგია, ბევრი გინვალია ამ ცხოვრებაში.
 — ეგ, იცოცხლე იმდენი.
 — ჭიშკარიც ჩანს თალის ქვემოთ, ელოდე განსაკუთრებულ, თუმცა მოულოდნელ სტუმარს.
 — უჰჰ, ძაანაც კაი.
 — ორი თვალი, ერთმანეთზე მიბმული, ვილაცა გითვალთვალეს.
 — იმისი ყოფილი იქნება უეჭველი, — ამოიკრიახა მარუსამ.
 — არა, ბურღული იქნება, მაგასაც ყვარებია ადრე თურმე, — უპასუხა თინანომ.
 — აგერ, ა, ბლის კუნწულაა, ორმხრივი სიყვარულია აგი, ჩემი გოგო, — გაუღიმა ვარდომ თინანოს.
 — კარგი რა, მართლა გვერავთ ამ ბოლდების, — ვედარ დამალა გაბრაზება ლილიმ.
 — ოჰჰ, ჯერავთ რა, ჩემგან ტყუილი გალმაა, გენაცვალე, მეორე ნაპირზე დგას ეგა.
 — კარგი რა, ვერთობით, შენც კიდე, — გაიცინა მარუსამ.
 — სხვანაირად გავერთობ, აგერ არაყი, ცუდადა ვარ, — ნაჭრის ჩანთიდან არყის ბოთლს ამოაყოფინა თავი ლილიმ.
 — რა გჭირს, ქალო?
 — ცუდადა ვარ, აი, რა მჭირს.
 — ჭიქები, მოიტა, მარუს.
 — ეხლავე, — გაიქცა კარადისკენ და რამდენიმე წამში ოთხი ჭიქა შემოდო მაგიდაზე.
 — ჩვენ გაგვიმარჯოს, — გადაკრა ლილიმ და მეორე ჭიქაც მიიყუდა.
 — რა გეჩქარება, მეორეს რად ისხამ, რა გაგიჭირდა ასეთი? — გაოგნებული სახით შესცქეროდნენ მეგობრები ლილის.
 — გამიჭირდა ესე იგი, რაღას მეკითხებით.
 — მოჰყევი.
 — არაფერია მოსაყოლი.

მოსაყოლი ბევრი ჰქონდა, გუშინ ორმოცდაათი შეუსრულდა პატარა, ეზოში მორბენალ გოგოს, ნახევარი საუკუნე დაიარებოდა ამ ქვეყანაზე ლილიტი და ნახევარი საუკუნე ორი შვილის, კიდევ ორი აბორტის, ოცდაოთხი სისხლის გამშრობი მოსწავლის, ორი ათასიანი საბანკო კრედიტის, ქმრის დატოვებული ვალების, თავის ტკივილის და ორი დაქალის მეტი ვერც ვერაფერი შეიძინა რა, ვერც დიდი სიყვარული, ვერც კუნთმაგარი, ლურჯოვალე კაცი.
 მესამე ჭიქა:
 — ვიცეკვოთ, გოგოებო, ვიცეკვოთ, მეცეკვოთ, — გრძელ კაბას აფრიალებდა ლილი.
 მეოთხე ჭიქა:
 — ნამო, გავიზრბინოთ ჩვენს ეზოში, შევკვივლოთ, დავხაზოთ ცარცებით ასფალტზე, ვითამაშოთ კლასობანა, ვაბრაზუნოთ ქვები, გადავიტყავოთ მუხლები.
 მეხუთე ჭიქა:
 — ავგერილოთ ველოსიპედი. ენა და ვუგდოთ უზნის ბიჭებს, გავამწაროთ ბებობე, დავცინოთ და სულ ტრაქიანები ვეძახოთ, გავგვივადოთ, გავმხიარულდეთ.
 მეექვსე ჭიქა:
 — კუსტაზე ავეყაროთ ჩვენს კურსელ ბიჭებთან ერთად, დიდი კოცონი დავანთოთ და გადავახტეთ, გამოვიწვათ ბოტასები, დავიჭვარტლოთ და გავიმუროთ, შეგვივიდეს კვამლის სუნი, მაგის დედაც არ მოგტყან.
 მეშვიდე ჭიქა:
 — დავაი, ბათუმში წავიდეთ, შევცუროთ შიშველებმა ზღვაში, ხომ სულ გინდოდათ ზღვაში სექსი, ვიპოვოთ დასავლელი ბიჭი.
 მერვე ჭიქა:
 — კინოში წავიდეთ, თეატრში, სადმე წავიდეთ, ვიშოპინგოთ, დავაი, ფულები ჩამოყარეთ, ხვალვე გავფრინდეთ სადმე, სოფთ დრაგებით გავიჭყაპოთ და ტუალეტში მინეტი გავუკეთოთ უცხოელ სტივს და ჯონს.


მეცხრე ჭიქა:
 — ცუდადა ვარ, გოგოებო, ცუდად, გარეთ მივინდა, ჩავექროლოთ დილოში მამუკას მოსკვირით, გადავყოთ ფანჯრიდან თავები, დავიღრიალოთ ბოლო ხმაზე.
 მეათე ჭიქა:
 — გამოვთვრეთ კაცებთან ერთად არანორმალურად, არაქალურად, პახმელიაზე ბოხი ხმით მოვითხოვოთ გაზიანი წყალი, გავიხეთქოთ თავები, აღარ შემიძლია, ტუჩზე ჰერპესი მაქვს, ცხვირზე მუნწუკი. ნამო, ღრმა დეკოლტე გავიკეთოთ, ან ბრაზილიანკა, ვისაც როგორ, რამე ვქნათ რა.
 მეთერთმეტე ჭიქა:
 — საშვილოსნოს ყელზე რალაცა მჭირს, დაერხა, დღეს ვოვა ექიმთან ვიყავი, მიხედე, შვილო, თავსო, ვკვდები, გოგოებო, ვიცეკვოთ.
 ერთ ლოგინში დაიძინეს ქალებმა იმ ღამეს, ვარდოს ფული გადაუხადეს და გაუშვეს, შემოსასვლელში ტელეფონის სადგამზე დადებული საათიც ჩაიჯიბა და ლილიტი დაემშვიდობა შეცბუნებულ მარუსას, არც ზადრის დაურეკავს და იმ ღამესაც მარტო ეძინათ, ლილისაც დაჰპირდნენ, რომ ეცეკვებოდნენ.

შუალამის გოგოები შუალამს აჩენენ თავიანთ ნამდვილ სახეს, დღე სულ ჩვეულებრივები არიან, სამსახურში დაიარებიან, ბავშვებს დაატარებენ ბაღებსა თუ სკოლებში, ჩვეულებრივად დგანან სალა-

როსთან. თქვენ კი შეამჩნევთ, მანქანასაც აყენებენ პარკინგზე, კაფეებშიც შეხვდებით, რესტორნებშიც, შუალამის გოგოებსაც უნევთ კომუნალურების გადახდა, პურის ყიდვა უახლოეს მარკეტში, მაგრამ, როგორც კი მოსალამოვდება, შუალამის გოგოები თავს კარგავენ, ემშვიდობებიან დღის ცხოვრებას და ძალიან სევდიან არსებებად გადაიქცევიან.
 მათი შეხვედრის ადგილი, ძირითადად, სამზარეულოა. შუალამის გოგოები ყვებიან ამბებს სამზარეულოებში, შუალამის გოგოებისთვის შუალამისას აღარ არსებობს დრო, არსებობს მზე, რომელიც აუწყებს, რომ გათენდა და სიგარეტი, რომელიც აღარ არის. შუალამის გოგოები სვამენ და იხსენებენ ძველისძველ ამბებს, შუალამის გოგოები ადრე უფრო ლამაზები იყვნენ. შუალამის გოგოების გულისტკენაზე ადვილი არაფერია, არც გახარებაა რთული, შუალამის გოგოებს უკვე აღარ სჯერათ სიყვარულის, შუალამის გოგოებმა იციან, რომ კაცები უბრალოდ ბრიყვებიან და სიყვარულთან ამას არაფერი კავშირი არა აქვს.
 შუალამის გოგოებს თმა შეღებილი აქვთ.
 სინამდვილეში, შუალამის გოგოები სულაც აღარ არიან გოგოები, მათ უფრო ქალები ჰქვიათ.

გათენებამდე ჩურჩულებდნენ, თითქოს ვინმე უსმენდათ...

საქართველოს კულტურისა და ძეგლთა დაცვის სამინისტროს ხელშეწყობით



საქართველოს კულტურისა და ძეგლთა დაცვის სამინისტრო

სსიპ „მწერალთა სახლი“

აქცხადებს

კონკურსს

2 სალიტერატურო

ჟურნალის

გამოსაცემად



ქვეყნის

სახლი

კონკურსის მიზანი:
 სალიტერატურო პროცესის გააქტიურება, ქართული ლიტერატურის (პროზა, პოეზია, დრამატურგია და ასე შემდეგ) ნიმუშების წარმონეჩა, სალიტერატურო და სახელოვნებო კრიტიკის განვითარება, კითხვის პოპულარიზაციის ხელშეწყობა.

კონკურსის პირობები:
 კონკურსში მონაწილეობის მიღება შეუძლიათ სალიტერატურო პერიოდიკის გამოცემით დაკავებულ იურიდიულ პირებს, რომლებსაც აღნიშნულ სფეროში მუშაობის მინიმუმ 1 წლიანი გამოცდილება აქვთ.

წარმოდგენილი პროექტი უნდა აკმაყოფილებდეს შემდეგ კრიტერიუმებს:

- პერიოდულ გამოცემაში თანაბრად უნდა იბეჭდებოდეს ყველა თაობის ქართულენოვანი ავტორების გამოუქვეყნებელი ნაწარმოებები; ასევე დებიუტანტი მწერლებისა და მთარგმნელების ნაწარმოებები;
- წარმოდგენილი უნდა იყოს ლიტერატურული კრიტიკისა და ესეისტიკის ნიმუშები;
- ცალკე რუბრიკა უნდა მიეძღვნას მსოფლიოში მიმდინარე თანამედროვე ლიტერატურულ პროცესებს;
- დაცული უნდა იყოს საავტორო უფლებები;
- სასურველია, პროექტის წარმომადგენელ ორგანიზაციას ჰქავდეს თანადამფინანსებელი.

გამარჯვებულს გამოავლენს 7 წევრისგან შემდგარი ჟიური (მწერალთა სახლის სამეთვალყურეო საბჭო); გადანიშნულია მიიღება ხმათა უმრავლესობით.

ხელშეკრულების პირობები:
 გამარჯვებული პროექტის გამოვლენის შემდეგ მწერალთა სახლი კონკურსში გამარჯვებულ ორგანიზაციასთან აფორმებს ხელშეკრულებას.

საკონკურსოდ წარმოსადგენი დოკუმენტაცია:

- წერილი მწერალთა სახლის დირექტორ-მენეჯერის ნატალია ლომოურის სახელზე (1 გვ.);
- პროექტის აღწერილობა (2-3 გვ.);
- პროექტის თანდართული მასალები: პერიოდიკის გამოცემის 12 თვიანი გეგმა (ნომრების რაოდენობის, ფორმატის, მოცულობის, რუბრიკების, ტირაჟის, ნომრის თვითღირებულების და საცალო ფასის, რეალიზაციის სტატისტიკის მითითებით; 3-4 გვ.);
- პროექტის 12 თვიანი დეტალური ხარჯთაღრიცხვა;
- პერიოდულ გამოცემის ნიმუშის მაკეტი;
- ამონაწერი სამეწარმეო რეესტრიდან;
- სარედაქციო კოლეგიის შემადგენლობის ნუსხა;
- თანადაფინანსების შემთხვევაში კონკურსანტმა ორგანიზაციამ უნდა წარმოადგინოს თანადაფინანსების შესახებ ოფიციალური დოკუმენტის ორიგინალი.

საკონკურსო დოკუმენტაციის რეგისტრაციის პროცედურა:

- განმცხადებელმა საკონკურსო დოკუმენტაცია უნდა წარმოადგინოს როგორც ბეჭდული (1 ეგზემპლარი), ასევე ელექტრონული სახით (CD);
- საბუთების მიღება იწარმოებს მწერალთა სახლში 2015 წლის 8 დეკემბრიდან 2016 წლის 8 იანვრის ჩათვლით. მისამართი: თბილისი, მაჩაბლის 13. ტელ.: +995 32 297 41 01/297 41 02;
- საკონკურსო განაცხადების მწერალთა სახლში წარდგენა უნდა მოხდეს გამოცხადებული ვადების დაცვით. საბოლოო ვადის გასვლის შემდეგ წარმოდგენილი განაცხადები აღარ მიიღება;
- კონკურსის დამთავრების შემდეგ მწერალთა სახლში წარმოდგენილი საკონკურსო დოკუმენტაცია კონკურსანტებს უკან არ უბრუნდება.

ლიტერატურული ჟურნალების ბიუჯეტი:
 პირველი ადგილი — 75 000 ლარი;
 მეორე ადგილი — 65 000 ლარი.

პოეტი

ნიკა ჯორჯანელი

პოეზია მსხვერპლს მოითხოვს — არ მახსოვს, ეს ვინმემ თქვა თუ მე მომავლიერდა ნიკა ჯორჯანელთან ინტერვიუს შესავლისთვის. არც ის ვიცი, რამდენად უნდა უნდა წასულიყო და იმ ცხოვრებას, ენერჯიას, რომელიც იხარჯება ლექსამდე და ლექსისთვის, მაგრამ დარწმუნებული ვარ, რომ სხვანაირად ვერ შეიქმნება „ემპირიულ ფაქტზე მალა და მდგომი“, „სინამდვილის გამამდიდრებელი“ პოეზია. ჯორჯანელის განსაკუთრებული შეუფერხებლობა, გამორჩეულობა, განსხვავებულობა, ვფიქრობ, მის დამოკიდებულებაში, შეუფერხებლობაში, მუდმივ ზრდაში, „დროის ნიოკობების“ გაძლებაში, ახალ-ახალ სიმაღლეებშია და ამ ყველაფრის შედეგში — ქმნილებებში, კრებულებიდან და ლიტერატურული პერიოდიკიდან რომ ვეცნობით.

ნიკა ჯორჯანელი — იმ თავის „ერთადერთ გზაზე“:

— მაინტერესებს, როგორ და როდის დაიწყეთ წერა. ზოგადად, თუ გახსოვთ, პოეზია, როგორც ასეთი, როგორ გაჩნდა თქვენს ცხოვრებაში? მე ვკითხულობ თქვენს ლექსებს, ინტერნეტით ვკითხულობ, შემდეგ წაკითხულს ისევ ვუბრუნდები, ყოველთვის ახალივით არის, ჯერ არწაკითხულივით. და შემეძინა შთაბეჭდილება, რომ პოეზია თქვენთვის ლექსი არ არის მხოლოდ — შინაგანი მდგომარეობა, წყობა, ხედვა, სმენა.

— ის, რასაც ასე თუ ისე უკვე შეიძლება ნერა დარქმეოდა, დაახლოებით 18-19 წლიდან დაიწყო. მანამდე უკვე იყო სულ უფრო მატებადი დარწმუნებულობა იმაში, რომ ლექსები უნდა მენერა, უკვე გაკეთებული იყო წყალგაუვალი არჩევანი. პოეზია ჩემს ცხოვრებაში იმ შინაგანი მდგომარეობის, იმ ეიფორიის სახით გაჩნდა, რომელმაც ეს არჩევანი გამაკეთებინა. არჩევანიც არ ყოფილა — იმიტომ რომ არჩევანი ორ ან მეტ რაღაცას შორის კეთდება, — ეს იყო ერთადერთი გზის დანახვა, რომლითაც უნდა წავსულიყავი.

რაც შეეხება პოეზიას, ის მხოლოდ ლიტერატურაა, მხოლოდ ლექსებია. „მხოლოდ“-ს დანახვით კი არ ვამბობ, არამედ უნიკალურობისათვის ხაზის გასასმელად. ხშირად გვესმის ხოლმე, რომ არსებობენ პოეტები, რომლებიც არ წერენ, მაგრამ შინაგანად არიან ასეთები... ეს მტკნარი სისულელეა. „არამწერალი პოეტი“ ისეთივე ოქსიმორონია, როგორც „მშრალი წყალი“. ლექსებს რომ არ ვწერდე, არასოდეს გაგიჩნდებოდათ ჩემდამი კითხვა ჩემს შინაგან წყობასა თუ ხედვასთან დაკავშირებით. წყობა, ხედვა, სმენა ერთია, პოეზია კი — მათი შედეგი, მათი განხორციელება — მეორე. თუ პირველი საკმარისადაა, მეორეც ჩნდება, და ინტერესს სწორედ ეს მეორე ინვეს, რადგან პირველი სხვაგან ვერსად გამოვლინდება, ვერსად დაამტკიცებს თავის არსებობას, თუ არ მასში. პოეზია ჩემთვის ის არის, რაც უკვე გამოვლინდა, რაც ლექსებშია. რაც ლექსებს გარეთაა, პოეზიის საზრდოა და თვითონ პოეზიად ვერ განიხილება.

— ტერენტი გრანელი და შემდეგ გალაკტიონი. გრანელმა, როგორც ერთ-ერთ ინტერვიუში ამბობთ, „წარნარით“ გადაგიყვანათ გალაკტიონზე. მაშინ უკვე წერდით. რა მოვლენა გალაკტიონის, თუ შეიძლება ითქვას, შესწავლა თუ მასში ჩაღრმავება (რაც ალბათ არასოდეს მთავრდება) და რამდენად აისახა ეს თქვენში, თქვენს ლექსებში?

— კი, ტერენტიმ ერთგვარი პლატ-ფორმის მაგივრობა გასწია. როგორც მსახურთუფროსმა ბატონთან, ისე მიმიყვანა იმ დროს გალაკტიონთან. ტერენტის აქვს

ამის პოტენციალი. სრულიად გამორჩეული ადგილი უკავია ქართულ პოეზიაში. ეფექტი, რომელსაც ის საკმაოდ შეზღუდული ხერხებით აღწევს — გასაგებია, რომ უფრო მაღალი ოსტატობის უქონლობის და არცთუ ფართო რაციონალური თვალსაწიერის გამო ხმარებული, ვიდრე შეგნებულად, — გასაოცარია. თვითნაბადი პოეტური ნიჭის მქონე გამოკვეთილი მისტიკოსია, უაღრესად ინტუიციურად შემეცნებელი სამყაროსი. მე რომ მკითხოთ, ცისფერყანველებზე დიდი მასშტაბია



ტერენტი გრანელი და, მათგან განსხვავებით, ასე თუ ისე გაცდენილია, თქვენ წარმოიდგინეთ, ეროვნული ლიტერატურის ფარგლებს, ყოველ შემთხვევაში, ასულია საზღვრის კედელზე და ერთი ფეხი იქით აქვს გადაყოფილი.

გალაკტიონისთვის ოდნავი გვერდის ავლითაც კი, მასში ჩაუღრმავებლად, შეუძლებელია ქართველ პოეტობაზე ფიქრი. ცხოვრების ეტაპითაა გასაველი. შესწავლა ნიშნავს მისი ენის, სახეების, ფორმების, რითმების, თითოეული მხატვრული მიხრა-მოხრის — ყველაფრის, რაც მასთან დაკავშირებით ხელმისაწვდომია — ძალიან კარგად შესწავლას, და ეს არაა სახუმარო საქმე. მწკრივში „რუსთაველი, გურამიშვილი, ბარათაშვილი, ვაჟა-ფშაველა, გალაკტიონი“ ის უზრალოდ კი არ მოსდევს თავის წინამორბედებს, უზრალოდ ერთ-ერთი კი არ არის, არამედ ამ მწკრივის შემაჯამებლად, დამაგვირგინებლად, მწვერვალად გვევლინება. ის ქართულ პოეზიაში ზუსტი ფორმების უკანასკნელი და ყველაზე გრანდიოზული პოეტია. მის შემდეგ ქართული ლექსი არსებობის გაგრძელების გასამართლებლად თითქმის რადიკალურად უნდა შეცვლილიყო, განახლებულიყო, რის პროცესშიაც დღემდეა.

— პირველ კრებულს ერქვა „განცდა ხავერდისგან“. ამ კრებულით საჯაროდ გამოჩნდით ლიტერატურულ ცხოვრებაში. თქვენს გამოჩენას, პირველ კრებულს, მოჰყვა დიდი გამომხაურება პოეზიის მცოდნე ხალხისგან. ვახუშტი კოტეტიშვილმა დანერა — „ეს ლექსები უკიდურესი ექსპრესიით, პოეტური აზროვნების სიღრმით და ორიგინალობით გამოაჩვენეს მათ ავტორს არა მხოლოდ თავის თანამედროვეთა შორის, არამედ საერთოდ, ქართულ პოეზიაში“. შეგიძლიათ, გაიხსენოთ თქვენი გამოჩენა და ის კრებული?

— შემძლია გავიხსენო მძიმე, ხანგრძლივი სიჩუმე, როდესაც ვახუშტი კოტეტიშვილი ჩემს ლექსებს პირველად კითხულობდა, ბოლოს ამ სიჩუმის დამრღვევი მისი სიტყვები, ჩახლენილი ხმით მქუხარედ ნათქვამი — მე უნდა დავწერო წინასიტყვაობა... გავიხსენო ჩემი სიხარული... ეჰ, რა კარგი დრო იყო.

— და ახლა, როცა გავიდა 12 წელი მას შემდეგ, მინდა, გკითხოთ: ძალიან წარმატებული იყო თქვენი გამოჩენა, ხმაუ-

„ ბევრი ნაბაპი ბროვდება “

რით მოხვედით, ალაპარაკეთ პოეტები, ლიტერატორები. მაგრამ, არ ვიცი, რატომ — სხვანაირად გაგრძელდა შემდეგ, საჯარო სივრცეს ვგულისხმობ — ჯილდოებს, ეგრეთწოდებულ წარმატებასა და პოპულარობას. თქვენ ხართ ძალიან მნიშვნელოვანი ფიგურა ქართულ ლიტერატურაში, თავი მიუძღვენით პოეზიას, მუშაობთ ძალიან ბევრს, ერთგვარი პოეტური კულტურა შექმენით, მაგრამ რატომ არ ისმის ხშირად თქვენი სახელი, ამას ვერ ვხვდები. თქვენ გაქვთ პასუხი? არ ვიცი, იქნებ ეს თვითონ ავტორის ღირებულებების, მისი ხასიათის, ცხოვრების სტილის ამბავიცაა, არა?

— როგორც მაიაკოვსკიმ თქვა, ორასი წლის შემდეგ დავილაპარაკოთ.

— რა სჭირდება ლექსს იმისთვის, რომ იყოს პოეზიის ნიმუში და არა მხოლოდ კარგი, უნაკლო, დახვეწილი, გემოვნებიანი და ასე შემდეგ ლექსი. თქვენ როგორ აფასებთ ლექსს, როგორც მკითხველი და იმავე დროს, პოეტიც?




— პოეზია ერთდროულად თქმისა და ართქმის ან, სხვანაირად რომ ვთქვათ, უთქმელი რაღაცების თქმის ხელოვნებაა. უნდა ითქვას მარტო ის, რაც ლექსის დაუხ-

მარებლად არაფრის დიდებით არ ითქმება. მაგალითად, როდესაც ადამიანი ტუჩებში კოცნის საყვარელ ქალს, თუ პოეზია არ მოიშველია, ვერანაირად ვერ აღწერს, ვერ გამოხატავს იმ შეგრძნებას, რომელიც კოცნისას ეუფლება. ის იტყვის, რომ რეტიანდება, რომ გული აუჩქარდა, რომ ტუჩები თაფლივით თუ ბადაგივით ტკბილია და ა. შ., მაგრამ მარტო ამის თქმით თვითონ შეგრძნების გამოხატვისგან ისევე შორს დარჩება, როგორც არც ეს რომ არ ეთქვა. კარგად, სათანადოდ დანერილ ლექსს კი სრულყოფილად, ბოლომდე შეუძლია ამ შეგრძნების გამოხატვა, უფრო მეტიც, შეუძლია უფრო შორს წავიდეს და იმაზე მეტი რამ გამოხატოს, ვიდრე მკოცნელმა შეძლო შეგრძნო და დაეფიქსირებინა, და უკანა რიცხვით კიდევ გაულრმაოს, გაუმიდროს მკოცნელს მისი შეგრძნება. ასეთი უნდა იყოს პოეზია — ემპირიული ფაქტის გამფართოებელი და მასზე მაღლა დამდგომი, სინამდვილის როგორც შემწოვი და ამრეკლავი, ისე გამამდიდრებელიც მისი დამკვირვებლისდა გასაოცრად. თვითონ პროცესისადმი მიდგომის თაობაზე უზრალოდ, მაგრამ ძალიან ზუსტად აქვს ნათქვამი უნამუნოს: „მე ვფიქრობ გრძნობით, ხოლო ვგრძნობ ფიქრით“. ეს სიტყვები შეიძლება კონცეპტუალურ მტკიცებად იქნეს გამოცხადებული და არსად ისე არაა გასათვალისწინებელი, როგორც ლექსების თხზვისას.

— თქვენი პოეტები ვინ არიან. თანამედროვე ქართულ პოეზიაზე, პოეტებზე იქნებ ისაუბროთ, დამოკიდებულება თუ შეფასება ძალიან საინტერესო იქნება.

— დღევანდელ ქართულ პოეზიაში ჩემი პოეტი რასაც ვეხსიან, ასეთი მაინდამაინც არ მყავს. არის ორი-სამი კაცი, რომელიც კარგად წერს, რომელსაც ესმის საგანი. ორი-სამი. მეტი არა. საერთოდ, ის, რაც დღეს ჩვენთან ხშირ შემთხვევაში ხდება, ცოტა არ იყოს, ღიმილის მომგვრელია... მოდიან ვიღაცები, ვისაც ყელზე დანამიდებულსაც კი არ შესწევს მეტრული ლექსით აწყობილი ერთი ოთხტაქტიანი გარითმული სტროფის დანერა, და პოეტებად ასაღებენ თავს. უმეტესწილად მიემოედებიან რაღაცებს პოეტის ელემენტარული კანონების დაუცველად, მათ წინააღმდეგ, იმიტომ რომ წარმოდგენა არა აქვთ ყოველივე ამის შესახებ, ყოველგვარი ტექნიკის, მხატვრული აზლის, ესთეტიკური აზროვნების გარეშე და, ვერლიბრს ვწერთო, აუჩქებიათ. ერთ მშვენიერ დღეს მოტვინეს, რონ კონვენციონალურ ლექსთან შედარებით თავისუფალი ლექსის ფლობის განმსაზღვრელი კრიტერიუმები მთლად ბუნდოვანი თუ არა, გაცვილებით არამკაფიოა, რის წყალობითაც ნაწერის დეფექტურობა ყველასათვის წამსვე თვალში საცემი არ იქნება, და დაიმედნენ. ცხადია, რომ ასეთებისგან არც ვერლიბრით გასხლულ დიად თხზულებებს უნდა მოელოდე. ვერც მეტრულ-რიტმული ლექსი გამოიყურება მაინცდამაინც სანდომიანად მისით დაკავებულთა დიდი უმეტესობის ხელში. აქ ცალკე დომხალია, უზრალოდ ოდინდელი და ჩვეული. ბევრი ნაგავი გროვდება თანამედროვე ქართული ლიტერატურის ფიცარნაგზე, ერთი სიტყვით.

— ვუბრუნდები თქვენს შემოქმედებას. მეორე კრებული „სუნთქვა ხუთვი-



სას“. გამოიცა 4 წლის შემდეგ. რა შეიცვალა იმ წლების განმავლობაში თქვენს პოეზიაში, რა შესთავაზეთ მკითხველს 2008 წელს, რამდენად ახალი ლექსი?

— რაღაცები, ალბათ, შევთავაზე... რას გაიგებ... არის ამ კრებულში რამდენიმე ლექსი, რომლებიც ერთობ კმაყოფილი ვარ, რომლებიც კაპიტალური ნაწარმოებები მგონია.

— „სიმღერები დაწყვეტილი სიმებისათვის“, როგორც ლიტერატორებმა აღნიშნეს, XXI საუკუნეში გამოცემული ერთ-ერთი საუკეთესო ლექსების კრებულაა, სრულყოფილი მთლიანობაა, „გამოირჩევა თემებით, მკვეთრი სათქმელითა და მიზანმიმართულებით“.

თქვენ რით გამოარჩევთ მას თუნდაც წინა ორისგან?

— თავისუფალი ლექსის სიმრავლით.

— როგორ მუშაობთ ლექსზე? საერთოდ, ყოველდღიურად როგორ მუშაობთ? რა ხელობაა თუ რა ხელოვნებაა ეს — პოეზიის შექმნა... საიუველირო საქმეა, მგონი. თემის, მოტივის, დამოკიდებულების, ემოციის, რითმის, რიტმიკის, სიტყვის, გამოცდილების და კიდევ უამრავი რამის გამოთვლა, აგება, დოზირება, შერწყმა და შემდეგ დიდხანს ახლოდანი და პერსპექტივაში ყურება. არ ვიცი იქნებ, სულ არ არის ასე.

— სწორედ რომ ასეა. თქვენ თვითონ არაჩვეულებრივად გამოგივიდათ ლექსის ქმნის პროცესზე ლაპარაკი... სიტყვა „საიუველირო“ ძალიან მართებულია... რაღა დავამატო... ერთს ვიტყვი მხოლოდ, რასაც სიტყვა „ხელობა“ ასხენეთ: ხელოვნებაა, იმიტომ რომ განსაზღვრავს ის, რასაც შთაგონება ეწოდება. ხელობას არ სჭირდება შთაგონება. ასეც შეიძლება ითქვას, რომ შთაგონების გარეშე პოეზიის ქმნა ხელობა იქნებოდა. მაგრამ საქმე ის არის, რომ პოეზია არ იქმნება შთაგონების გარეშე.

— „მექსიკური ჩიხი“ — თქვენი ბოლო კრებული. იქნებ ისაუბროთ მასზე, მის ენობრივ სახეზე, კონცეპტუალურ სახეზე, მის აგებულებაზე. და რატომ — მექსიკური ჩიხი. ეს ხომ არის ერთმანეთზე იარაღმართული რამდენიმე კაცის დგომა, გამოუვალობის, მოლოდინის წუთები, ალბათ — სადაც იმედისაც. თქვენს კრებულთან მიმართებაში ამას როგორ ახსნიან?

— დიახ, „მექსიკური ჩიხი“ ნიშნავს ისეთ სიტუაციას, როცა რამდენიმე ადამიანს ერთდროულად აქვს მიშვერილი ერთმანეთისთვის იარაღი და ვერც გასროლას ვერ ბედავს ვერც ერთი და არც უკან არ იხევს... ასეთ საყი-მოსავით მდგომარეობას, სანამ ბოლოს და ბოლოს არ გადაწყდება ასე თუ ისე. ამგვარი სცენები სერჯო ლეონეს ვესტერნების და ტარანტინოს შავი კომედიების ერთ-ერთი საფირმო ნიშანია. კრებულის თემატიკა ამ სცენის გარშემო არ ტრიალებს. ეს მხოლოდ და მხოლოდ ერთი ცალკე ადგილი ლექსია, რომელსაც უბრალოდ გაუმართლა, რომ მისი სათაური გარეკანზე აღმოჩნდა — ძალიან შესაბამისი კრებულის სახელწოდებად „მექსიკური ჩიხი“, არ ჟღერს ურიგოდ, ასე მეჩვენება. აბსურდის სტილია დაწერილი ეს ლექსი და, მოკლედ რომ ვთქვათ, უტყუარ მონაცემთა წინააღმდეგობრიობაზეა, ობიექტური რეალობის რგოლების არაადეკვატურობაზე ერთიმეორისადმი... საერთოდ კი, საკუთარ შემოქმედებაზე ლაპარაკი მთლად საქებარი და სასახელო საქმე ვერ არის. დაახლოებით იგივეა, საკუთარ გარეგნობაზე რომ ილაპარაკო, საკუთარ ნაკვთებზე და თვალ-წამწამზე.

— ამ პასუხის შემდეგ ალბათ ძალიან უადგილოა, მაგრამ მაინც მივცემ თავს უფლებას, გკითხოთ: 2008 წელს, თუ არ ვცდები, მოსკოვში მიიღეთ საერთაშორისო ლიტერატურული პრემია „სოდრუჟესტვო დებუტოვ“. არაუხედავ იყავით „საბას“ ნომინანტი. სხვათა შორის, წელსაც. რამდენად მნიშვნელოვანია ლიტერატურული ჯილდო ავტორისთვის? როგორია თქვენი დამოკიდებულება „საბას“ მიმართ?

— კი. მივიღე. არ ცდებით. „საბა“-ს შესახებ რა ვთქვა, არც ვიცი. გავატარეთ „საბა“-ს თემა. რამდენად მნიშვნელოვანია ავტორისთვის ჯილდო... ერთადერთი დანიშნულება აქვს — რომ საზოგადოებრიობამ თვალ-ყური მი-აპყროს დაჯილდოებულს, ანუ საბოლოო ჯამში საზოგადოებრიობის გამოისობით გაიცემა. მან კი, ვისაც ჯილდოს აძლევენ, ბრწყინვალედ იცის, სინამდვილეში რას წარმოადგენს გინდ ჯილდოთი, გინდ უჯილდოოდ.

— კულტურის სამინისტროს პროექტის „ცოცხალი ნიგნების“ მონაწილეებს შორის ფოტოებში აღმოგაჩინეთ. ვფიქრობ, ეს პროექტი ძალიან დროულია და საჭიროა, როგორც ავტორის, ასე მკითხველისთვის. იქნებ მომიყვით იმ შთაბეჭდილებაზე, გამოცდილებაზე, რაც ამ პროექტმა მოგიტანათ.

— გადასარევი პროექტია. გამოაცოცხლა საკუთარ თავს მიბარებული, საკუთარ თავში გამოკეტილი თანამედროვე ლიტერატურული ცხოვრება. თავისებურად ახალი სული შთაბერა. ჩვენს ქვეყანაში ძალიან ძველია მწერლობა, მწერლად ყოფნა, მწერლად ცხოვრება, მწერლად სიარული, მწერლად გადაადგილება, და ამგვარი ამბები (თუმცა მსგავს კარგ ამბებს, ჩვენი სახელმწიფოს მიერ ლიტერატურის სფეროში ასე გულითადად წამოწყებულს, ვერ ვიხსენებ) დროგამოშვებით, როგორც შეუძლიათ, ამსუბუქებენ ამ ტვირთს. იმედი მაქვს, უფრო მსხვილი პროექტების სანინდარია.

ესაუბრა თამარ ჟურნალი

დაიბუთი

პაკანსია

ერთ-ერთ დიდ კომპანიაში ვმუშაობ. ვიმყოფები ოთახში, რომელიც იმ საქმიანობისთვისაა განკუთვნილი, რომელსაც ამჟამად ვასრულებ. ოთახი საკანცელარიო ნივთებით და კომპიუტერული ტექნიკითაა სავსე.

მეც ამ ტექნიკის ნაწილი ვარ.

კომპანიაში რამდენიმე ვაკანსიაა. მე სამუშაოს მაძიებელთა მიღება მევალება. უნდა მოვუხსინო მათ, დავაკვირდე. არ უნდა გამომრჩეს მხედველობიდან მათი მობილიზება, სისხარტე და პრეზენტაციის ნიჭი. კომპანიას კარგად მოეხსენება, თუ ადამიანს თავისი თავის რეკლამირება კარგად შეუძლია, მისთვის შეუძლებელი აღარაფერია. ცენტრალურ აფრიკაში ციგას გაყიდის. ამიტომ ამ დეტალს დიდი ყურადღება ექცევა.

საინტერესო კანდიდატების შესახებ ინფორმაცია უნდა გადავაგზავნო იქ, სადაც საჭიროა.

გარეთ ისე ცხელა, მგონი, ჩიტებსაც ეზარებათ ფრენა. ოთახში სასიამოვნო სიგრილეა. გარკვეულწილად — მექანიკურად, გარკვეულწილად — ხალისით ვასრულებ ჩემს მოვალეობას. ბევრი რამ მასწავლა აქ ყოფნამ.

მე ხომ ერთ-ერთი ამათგანი არ ვყოფილვარ. ოჯახის ახლობელმა რეკომენდაცია გამიწავა ასევე თავის ახლობელ პატივცემულ პიროვნებასთან და ამგვარად მოვხვდი კომპანიაში სამუშაოდ. „ისინი“ სხვები არიან — სამუშაოს მძებნეონი.

„ვიცი ინგლისური, კარგად მაქვს შესწავლილი ბევრი პროგრამა“...

„კარგად ვფლობ ფრანგულს. სპეციალური კურსები მაქვს გავლილი ბიზნესისა და მარკეტინგის განხრით“... ან კიდევ: „ორი წელი ევროპის ერთ-ერთ ქვეყანაში ვიყავი, აქაც რამდენიმე ფირმაში მუშაობის სტაჟი მაქვს“...

ვესმენ მათ, როგორც დამჯერი მანქანა, როგორც სხვა დანარჩენი ტექნიკური მოწყობილობები ამ ოთახში. გულგრილობა უნდა გამოვიჩინო, ემოციებს არ უნდა ავყვე, თუ აუცილებელი არ გახდა.

სამუშაოს მაძიებელი მოდიან და მიდიან. მკვირცხლი, ყოჩაღი გოგონა. თვალები ანთებია. მონდომებულია, ყველა დავალება პირნათლად შეასრულოს. გამოსვლის წინ სარკესთან დაუშუშავებია მანერები.

— და რატომ გინდათ ჩვენთან მუშაობა? — ვსვამ ბოლო კითხვას.

— მიმანია, რომ ჩემი მონაცემები შეესაბამება თქვენი კომპანიის საქმიანობას, თავს ვავართმევ, — მპასუხობს დაუფიქრებლად. მეც ვინიშნავ, როგორც სასურველ კანდიდატს.

— კარგად ვფლობ ინგლისურს და რუსულს, — თავს იწონებს ახალგაზრდა ყმაწვილი, — კურიერადაც სიამოვნებით ვიმუშავე.

უფროსი ასაკის ადამიანებიც მოდიან...

— ბუღალტერი ვარ. ბევრ ადგილას მიმუშავია. ბოლო წლებში სამსახურის პოვნა რომ გაჭირდა, ძიძადაც ვიმუშავე ოჯახში, — აფორიაქებული ხმით მომიხსრობს შუახნის ქალი, რომლის გამომეტყველება თავის მხრივ ამბობს: მიშველეთ რამე! ქმრის ხელფასი არ გვყოფნის, ოჯახს ვერ ავუდივართ...

ხნიერმა კაცმა შემოალო კარი:

— 19...ში ერთ-ერთი წარმოების დირექტორი ვიყავი, მერე ბიზნესს მოვიკიდე ხელი. ახლა ისევე სამუშაოს მაძიებარი ვარ. ასაკი არ მიწყობს ხელს, მაგრამ ჩემი გამოცდილება გამოდგება კომპანიისთვის.

„ნეტავ რამდენს და რომელს გაუმართლებს ამათგან? რომელს მიაქცევენ ყურადღებას?“ — ვფიქრობ ხანდახან.

თურმე ხალხი როგორ ეძებს სამუშაოს. მე ეს არ დამჭირებია.

სამუშაო ყველაფერია თანამედროვე ადამიანისთვის, მიჯაჭვულია მასზე. თუმცა ყველა დროში რაღაცაზე ვიყავით მიჯაჭვულნი. ჯერ პირველყოფილ ინსტიტუტებზე, იარაღზე, ძალაზე, რეაქციაზე; მერე — მინაზე, მოსავალზე. იმის მერე ქონებაზე, ტახტზე, გვირგვინზე, ძალაუფლებაზე...მცირე მოცალეობის ფამს წარმოშობილი ფილოსოფიური ფიქრები ახალმა მომსვლელმა შემანყვეტინა.

ახალგაზრდა ყმაწვილი შემოვიდა. მგონი, ყველაზე ახალგაზრდა მომსვლელთა შორის. ალბათ 20 წლისაზე მეტი არ იქნებოდა. უბრალოდ, მაგრამ ძალიან სუფთად ეცვა. ჩემმა გამოცდილმა თვალმა მაშინვე შეამჩნია დედის მზრუნველი ხელი, საგულდაგულოდ რომ გაურეცხია და გაუთოვებია საგანგებოდ ასეთი დღეებისთვის გადანახული კოხტა ტანსაცმელი. თვალებში მორიდება, მოლოდინი აქვს. ცოტათი დაბნეულია. სარკის წინ არ უფარჯიშია. თავიდან ისეთი ენის ბორძიკით დაიწყო ლაპარაკი, გუნებაში გამეცინა. მაშინვე ამოტივტივდა მისი პიროვნების პორტრეტი:

ახალგაზრდაა. აშკარად არ აქვს სამუშაო გამოცდილება. რაღაც კურსები გაუვლია. ცდილობს, ცხოვრების ფერხულში ჩაეხას, იმოქმედოს. სიხარბე ჯერ არ ჩასდგომია თვალეში. თავდაჯერებულობა აკლია, ყველასი ერიდება, მაგრამ ცდილობს, ამ მორიდებას გადააბიჯოს, რადგან მის ზურგს უკან ხელმოკლე ოჯახი — მცირეშემოსავლიანი მშობლები და უმცროსი ძმა დგანან, მისი დიდი იმედი აქვთ.

თამუნა ქადაგიძე



ამ ახალგაზრდა ადამიანის დანახვამ მეც ცოტა ხნით ადამიანად მაქცია. განსხვავებული კითხვების დასმა მომეხასიათა.

— რა გაქვს ნაკითხული? — მიჩნდება მოულოდნელად შეკითხვა.

ახალგაზრდას უკვირს. მისმა გაცემამ დაბნეულობა გადაფარა. ჩამოთვალა რამდენიმე ქართველი და უცხოელი მწერალი; ისინიც, რომლებიც გამორჩეულად მოსწონს და ამ მოწონების მიზეზსაც მიხსნის. საუბარი გაგრძელდა, ლიტერატურიდან სხვა თემებზე გადავიდა...

რაღაც კარგის ჩადენის ხასიათზე ვიყავი. რა შემძლია გავაკეთო? რა არის ჩემს ხელთ? როგორ თუ რა! სამსახური! ამაზე მეტი რა გინდა!

ისევე ამოტივტივდა ყმაწვილის გულბრწყვილი სახე. იქნებ დავეხმარო? ოჯახიც კი შემეცოდა, რომელიც კომპანიისგან პასუხს ელის. იქნებ რა გეგმები აქვთ გამართლების შემთხვევაში.

მოდ, ერთხელ ვიქნები ადამიანი. ამითი არაფერი დამაკლდება. ჩემს საქმეს, ადგილს და გუნებავთ, ავტორიტეტს ეს ხელს არ შეუშლის. ორ სიტყვას ვიტყვი იქ, სადაც საჭიროა.

გონებაში ყველაფერი ავწონ-დავწონე. მეორე დღით პირადად გავესაუბრე ზემდგომს.

— იცით, ჯერ ვერ მუშებნობდნენ პირდაპირ, — ენის ბორძიკით დავიწყე ახლა უკვე მე, — მამამისმა დამირეკა, მთხოვა... შორეულ ნათესავად მეკუთვნის... კარგი ქიმი იყო, ჩემს დას უმკურნალა და მოარჩინა, როცა სხვებმა ვერაფერი გაუგეს... მას მერე დიდი დრო გავიდა... ახლა ძალიან გაუჭირდათ. ამის სამუშაოს იმედითაა არიან, — ნელ-ნელა ენის ბორძიკიდან დამაჯერებელ საუბარზე გადავიდი.

თხოვნა შესმენილ იქნა. ახალგაზრდამ მიიღო რიგითი თანამშრომლის ადგილი, რაც მისთვის დიდი ოცნება იყო.

ამ ამბის მერე რამდენიმე წელი გავიდა. მე უკვე სხვაგან ვმუშაობდი, კარიერულ გზაზე წარმატებით მივიწვედი. ერთ მშვენიერ დღეს ახლო ნათესავი მესტუმრა თავის გოგონასთან ერთად. ახალგაზრდას უნდოდა იმ კომპანიაში ეცადა ბედი, სადაც მე ადრე ვმუშაობდი.

— არ მინდა, ჩემი შვილი ბევრი ვაჟო, შენც ხომ იცნობ. კარგად სწავლობდა, ალგებრაში ყველას სჯობდა. სწრაფია, მოსაზრებელი, კარგი თანამშრომელი იქნება. იქნებ დასაწყისისთვის დამეხმარო. ვიცი, რომ მანდ მუშაობდი და იმათთან კარგი ურთიერთობა გაქვს. მერე ვნახოთ, ან შერჩება მაქაურობას, ან სხვაგან წავა. პატივისცემა ჩემზეა, იმასაც გადაეცი.

ბევრი აღარ ვალაპარაკე. მეორე დღესვე დაუუკავშირედი უფროსის მოადგილე მავანს. მანაც მომცა მითითება:

— ახლა ზუსტად შერჩევა რამდენიმე ვაკანსიაზე, შენც გვესტუმრე მასთან ერთად. კოორდინატები დატოვოს იქ, სადაც საჭიროა, დანარჩენი მე ვიცი.

— ყველაფერი კარგადაა, ხვალ მოგყვებით კიდევ, — ვახარე ნათესავს.

მეორე დღეს გავიარეთ ნაცნობი დერეფანი. „ბევრი არაფერი შეცვლილა, ალბათ ახლა იმ კაბინეტშიც ვინაც ჩემნაირი ზის, — ვფიქრობ გუნებაში, — ნეტავ ვინაა? როგორია? მოუვლის ხოლმე ადამიანობა? ცნობის-მოყვარეობამ მძლია, მომიარა სურვილმა, თვალის შემეველო ოთახისთვის, სადაც ვმუშაობდი.

ვალე კარს...

თანამშრომელი ზის ჩემს ყოფილ ადგილზე. სათანადოდ აცვია. მზერა ცივი, თავდაჯერებული, რითაც მომსვლელს ანიშნებს, თქვენს შეფასებაში შეცდომის უფლება არ მაქვსო. გარკვეულწილად ხომ მასზეცაა დამოკიდებული მიმსვლელ-მომსვლელთა ბედი.

მაგრამ თვალეში...

ეს ხომ ის გამოხედვაა — ცოტა შიშამდგარი, დაბნეული შინაგანი მღელვარების დაფარვის მცდელობით. ენის ბორძიკით განითლებული მპასუხობდა. პატარა ბავშვივით ფეხის ასადგმელად ემზადებოდა ცხოვრების რთულ გზაზე. ის არის, დედის მიერ საგულდაგულოდ გარეცხილ-დაუთოვებულ ტანსაცმელში გამონყობილი, იმედითა და დალოცვით რომ გამოეშვა ოჯახს...

ედგარ ალან პო

ყორანი

შუალამეს, ერთხელ, ქურუხს, დაველონე ფიქრთა ბურუსს, მაშინ სიბრძნეს, მივიწყებულს, ფოლიანტმა მიმაკარა — გვამი რულით თავს იდრეკდა, ოდეს მესმა მყისად რეკა — თითქოს ვინმე რიდით რეკდა, რეკდა ბინის კარს, თან არა. „მსხემი ვინმე,“ — ვიბუტბუტე, — „რეკდა, ბინის კარს მომდგარა — ამის მეტი სხვა არარა.“

აჰ, ცხადად ვარ მხსენებელი, ქროდა ცხარი დეკემბერი; ბუხრად ღადრის დამგზებელი ვიჯექ ცოცხალ ლანდთ ამარა. უმალ დილა მოვისურვე, რადგან წიგნით ვერ ვიურვე იგი, რასაც მარად ვურვებ — ვურვებ ლენორს ცრემლმდინარად — უმანკობით შენამკობი ცას „ლენორად“ მიეზარა — ქვეყნად უსახელო მარად.

მსწრაფლ ატლასის ფარდასარა ალასლასდა სასიშარად — მაშინ ავმა შიშის ზარმა სული ხშირად დამიღარა. ავადევნე გულის ფეთქვას, რაც მანამდე უკვე მეთქვა, „სტუმარს სული რომ მოეთქვა, მოდგა, ბინას მოეფარა — ღამით სული რომ მოეთქვა, მოდგა, ბინას მოეფარა — ამის მეტი სხვა არარა.“

მსთვადვე სული გამიმხნევედა და ყოყმანიც არ მაბნევედა, „სერ თუ მაღამ“, მივუგებდი, „შენდობისთვის მაქვს მუდარა; იყო, რულით თავს ვიდრეკდი, მესმა, სიტყვებს მოიკრებდით, მესმა, დიდი რიდით რეკდით, რეკდით კარზე, და მეკმარა, დავიჯერე თქვენი ხლება“ — კარი ფართოდ ვაღე ჩქარა; — დგა წყვილი, სხვა არარა.

დამიტყვევედა ბნელში მზერა, შიში, ცვიფრი მომეძგერა, ვგონებ, იმგვარ ზმანებათა უნინ არვინ შეეყარა; დგა უკუნი ურხეველი და დუმილი ურღვეველი, „ლენორ?“, სიტყვა უმღვრეველი, ითქვა ობლად, ისმა წყნარად, ითქვა ჩემგან და „ლენორით“ ექო უკუმენარნარა, — ესოდენით, სხვა არარა.

დავუბრუნდი ჩემსავ პალატს, სული მექცა შემწველ ალად, მალე მესმა რეკა კვალად, უმეტესად მჟღერი ხმა რამ. „მართლაც, მართლაც,“ ნარვთქვი, „რაღაც ემართება სარკმლის დარაბს; მივალ, ვნახავ და ამოვხსნი, საიდუმლომ რაც დაფარა — გული დადგეს და ვიხილავ, საიდუმლომ რაც დაფარა; — ქარია და სხვა არარა!“

მანდვე ვაღე კლიტიანნი, ფრთათა თრთოლით და ფრტიალით შემომიხლტა შინ ყორანი ძველთა ჟამთა თანაგვარად; მან ურიდი შემოთქრომით არცა ნამი დაჰყო დგრომით; ლორდებრ, ლედებრ, თითქოს წყრომით, ანჯამთ ასცდა, ამიარა — და ბიუსტზე პალასისა დახლტა, იგივე იქანდარა; — დახლტა ზედა, სხვა არარა.

ფრინველმა შავმა მაშინლა მომწუსხა, გამაარშიყა; მიკვირდა მისი, ვით იჯდა დინჯად და გაუტეხარად. „თუმცა ჯაგარი არ გკმარა, მჯერა, ჯაბანი არ ხარა!“ — ვსიტყვე, — „თავისა სადარად დამემ დაგბადა საზარად — მეფურ სახელად პლუტონმა, — ყორანო, მითხარ, — გარქვა რა!“ — ხმა-ყო ყორანმა: „არლარა.“

გამაკვირვა კუმტფარანდამ, სიტყვას ბინდი არ ფარავდა; პასუხს აზრი თუმც სცვარავდა — ულაგოდ, აბეზარად; ვინ იჯეროს, როს ოდესმე ცოცხალს ვინმეს ყურად ესმეს: კაცი ბინად ფრთოსანს მზერდეს ფრთაუმლეულად მჯდარსა მყარად — ბინად მხეცს თუ ფრთოსანს მზერდეს ფრთაუმლეულად მჯდარსა მყარად — სახელედვას ვის — „არლარა.“

მაგრამ ყორანი მარტოკა მშვიდ ბიუსტს აჯდა უტოკად, ნათქვამით ერთით მან თითქოს სულიცა გარდამოღვარა. არას იტყოდა იგი ჯრად, არცა ბუმბული თვისი ძრა, მაშინ ვიძალე გამოცრად: „ვით ძმანი ბედმა ნამგვარა — იგივე დამტოვებს ხვალისად, ვით სასო ბედმა ნამგვარა“. ფრთოსანმა დართო: „არლარა.“

დუმილს გაკრთა, შემანუხა, ვით ჭკვიერად მეპასუხა, უეჭველად, რასაც ჩხავის, მხოლო უნჯად შეინყნარა პატრონისგან, რომელს ბედმა სიავენი შეუდგა — განუგრძო და განგრძობისგან ბაგე ძნობამ შეუწარა და უსასომ სევდა სრული ამა სიტყვას შთააღვარა: აჰა, „არლა“ და „არლარა“.

თუმც ფრინველმა, კვლავაც მრევმა, გარდმიქცია ღიმად ღვრემა, სკამით მივჯედ ფრთოსნის წინა, პალასი რომ იქანდარა; მერმე ხავერდს შევეზარდე, განზრახვასა მივემართე, ჟინი ჟინსა მივუსართე, ცნად, რას ყბედობს წარამარა, თუ რას ამბობს მჭლე, ავბედი, ყბედი ჩიტი წარამარა თვის ნაჩხავლით აქ: „არლარა“.

ასე ვიჯექ მოაზროვნე, მისთვის სიტყვის უმოპოვნე, რომლისაცა თვალბრიალი გულს მიწავდა სანუხარად; მჯდომარემ და მიდმომგონემ თავი თენით მივუქონე სასთუმალსა, ლამაზა რომელს შორით ექმნა მამკობარად,



მაგრამ ხავერდს, ლამაზა რომელს შორით ექმნა მამკობარად, ლენორ ეყრდნას, ვახ, არლარა!

მას ჟამს ვგონე არე სქელი, მტკბარი სურნელ-საკმეველით, სერაფიმის ქუსლთა რეკა, და-ცა-კმევა უჩინარად; „უბადრუკო“, შევიყივლე, „ღმერთი ანგელოზებს გივლენს, ეხსენ, თავს რაც გარდივლინე, — ლენორისა სავიწყარად; შესვი, და რაც გარდივლინე — ნამლით ექმენ მავიწყარად!“ ხმო ყორანმა კვლავ: „არლარა“.

ვუთხარ, „წინასწარმეტყველო! ავისავ, სატან, ფრინველო! მცდემა მოგზავნა, გინათუ აქა გრიგალმა მოგგვარა წყევის და შიშის ქალაქად, უბანაკებელ ალაგას; მუნ, ბალსამონი გალაადს — სიმართლის გეცი მუდარა! — თუ არს, თუ არის? — მითხარი, მითხარი, გეცი მუდარა!“ — ხმა-ყო ყორანმა: „არლარა“.

ვუთხარ, „წინასწარმეტყველო! ავისავ, სატან, ფრინველო! ჩვენ ორის სათაყვანებელს, მოვიყვან ღმერთს საფიცარად — სვედავსილს არქვი ჩემს სულსა, თუ მიხედვს იქ სიყვარულსა, ლენორს, წმინდასა ქალწულსა — ედემსა ვინც შეეფარა — თუ ჩაიკონებს უმანკოს — ცის კარსა ვინც შეეფარა?“ — ხმა-ყო ყორანმა: „არლარა“.

„ჩვენი გაყრის ნიშად ეგოს სიტყვა ეგე, ჰე, ვერაგო, მიექეცი უკუ გრიგალს პლუტონისა ანაბარად! არ დასტოვო აქ ნაკრტენი, ვითა ნიში სულსაკრტენი — ტყუილითა განატენი, მეხსენ, მტოვე თავამარა! კარს ეჯემენ და გულს ერიდე — ნუ წერტ ჩემდა გასამნარად!“ ხმო ყორანმა კვლავ: „არლარა“.

ესე ყორანი ფრთას არ ზმის, ისევე ისე ზის, ისევე ზის პალატში სპეტაკ პალასის ბიუსტზე შავქანდაკარად; თვალებით იგი მიჰგავს მცთენს, ქვესკნელის დემონს, მარად მთმენს, და ლამპრის პარი ჩრდილად ფენს ფსკერზედა მიმოსატარად. და ჩემი სულიც, რაც ფსკერზე მცურავ არდილში დამჩნდარა, აღემართება — არლარა!

ანაბელ ლი

მრავალ, მრავალ წელსა უნინ, ზღვისნაპირად სასუფევლის ქალწულს ჰქონდა ბინა, უწყით, თუ იცნობდით — ანაბელ ლის; სხვა არარა სწადდა უმწვირს, გარდა ორნილ სიყვარულის.

ვიყავ ბავშვი, იგივე ბავშვი ზღვისნაპირად სასუფევლის, უმეტესი ყვარება ვშვით — ერთად, მე და ანაბელ ლიმ — სერაფიმთაც ფრთებით თვისით შეიშურვეს ჩემი, მისი.

ამად იყო წელთა უნინ, ზღვისნაპირად სასუფევლის, რომ ხორშაკი — ქარი ღრუბლის მიემცივნა ანაბელ ლის; ყველა, ყველა მე ნამგვრიდა მაშინ მისი თანმხლებელი მას, საფლაგში დასამკვიდრად ზღვისნაპირად სასუფევლის.

ზეცის ძალა იყო შურით ჩემი, მისი დამგდებელი — ამად იყო! (ყველამ უწყის ზღვისნაპირად სასუფევლის) რომ იმ ღამით ქარი ღრუბლის სწყლავდა, კლავდა ანაბელ ლის.

იყო მაშინ ჩვენი ტრფობა უფროსთ გარდამმეტებელი და ბრძენთ გამახლებელი — ამად ვერა ზეცის ნყოზა და ვერც ეშმა ქვემო სკნელის ებას ჩემს სულს გამოყოფად მშვენებულის, ანაბელ ლის;

ან მაზმანებს მთვარის ელვა მას, მშვენებულს, ანაბელ ლის; ვარსკვლავთ კრთომა — თვალთა ხლტომას მშვენებულის, ანაბელ ლის; და ვახლავარ თანამწოლად უძვირფასესს ღამე ყოვლად, ვინც მარხია, უგრძობელი, ზღვის მახლობლად, მღელვებელის.

თარგმნა აკაკი ჯოხაძე

ლიტერატურული გაზეთი
საქართველოს კულტურისა და ძეგლთა დაცვის სამინისტრო
საქართველოს მწერალთა სახლი
რედაქტორი ირაკლი ჯავახიძე
რედაქტორის მოადგილე უჩა შერაზადიშვილი
ჟურნალისტი თამარ ჟურული
მობ. ტელ.: (577)742277; (599)269852; e-mail: litgazeti@yahoo.com
ISSN 2346-7940
9 772346 794004